

କରିଚ୍ଛିୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର

କରିଚ୍ଛିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍ଆଃ ପାହିଲା ଚିଟାଉ

ପାରିଟାଏ

କରିଚ୍ଛି କାଲିସିୟାତେ ପ୍ରେରିତ୍ ପାଉଲୁସ୍ଆଃ ପାହିଲା ଚିଟାଉ, ନେଆଁ ଖ୍ରୀଷ୍ଟତାୟମ୍ ୫୫ କରେ ଅଲକାନ୍ ତାଇକେନା ୧:୧ । କରିଚ୍ଛି କାଲିସିୟାତେ ପ୍ରେରିତ୍ ପାଉଲୁସ୍ ଅଲକାଦ୍ ବାରିଆ ଚିଟାଉହେତେ, ନେଆଁ ହବାଅଃତାନା ପାହିଲା ଚିଟାଉ । ହବାସାକାଅଃ ତାନା, ଇନିଃ ଏଫିସୁସ୍ରେ ତାଇନ୍ ଇମ୍ତା ନେ ଚିଟାଉ କରିଚ୍ଛି କାଲିସିୟାକେ ଅଲକାଦ୍ ତାଇକେନା । ମାକିଦନିଆହେତେ କରିଚ୍ଛିତେ ହରାସେନ୍ ନାଙ୍ଗ୍ ମନେକାଦ୍ ତାଇକେନ୍ ସିଦାରେଗି ଅଲକାଦ୍ ତାଇକେନା ୧୭:୫-୯ ।

ପ୍ରେରିତ୍ ପାଉଲୁସ୍ ନେ ଚିଟାଉରେ କାଲିସିୟା ଆଲାରେ ହବାଅଃତାନ୍ ବିନ୍ଗାଅ ଆତଃ ହଡ଼ମରେୟାଃ ଏଡ଼କାନ୍ ସାନାଙ୍ଗ୍ କାମିକଲଃ ଏଟାଃ ଏଟାଃ ଏଡ଼କାନ୍ କାମିକ ହବାଅଃତାନ୍ ବିଷାଏରେ କାଲିସିୟାରେନ୍ ହଡ଼କତାଃଏତେ ଆୟୁମ୍କେଦ୍ତେ ଇନ୍କୁକେ କାଜିରୁହାଡ଼୍ ନାଗେନ୍ତେ ଇନିଃ ଧ୍ୟାନ୍ ଏମ୍ତାଇକେନାଏ । କରିଚ୍ଛି ସାହାର୍, ହଡ଼ମରେୟାଃ ଏଡ଼କାନ୍ ସାନାଙ୍ଗ୍ କାମି ବିଷାଏରେ ସାରିୟାକାନ୍ ତାଇକେନା, ଏନାତେ କାଲିସିୟା ନେ ଲେକାନ୍ ଏଡ଼କାନ୍ କାମିରେ ଉୟୁଗଃତାନା, ଏନାରେ ଆକ୍ଦାନ୍ଦାଅ ହବାଅଃରେୟାଃ ଜେତାନ୍ କାଜି ବାନଃଆ । ପାହିଲା କରିଚ୍ଛିୟ ଦୁଲାଡ଼୍ ବିଷାଏରେ ମିଆଁଦ୍ ପୁରାଃ ମାରାଙ୍ଗ୍ ହିସାତାନାଃ ।

ପୁଥ୍ ଭିଟାରରେ ତାଇକାନ୍ କାଜି

୧. ପାଉଲୁସ୍ କରିଚ୍ଛିରେନ୍କକେ ଜହାର୍ ଉଦୁବ୍ତାନାଏ ଆତଃ ଇନ୍କୁ ନାଗେନ୍ତେ ପାର୍ମେଶ୍ୱାର୍କେ ଧାନ୍ୟାବାଦ୍ ଏମାଇତାନାଏ । ୧:୧-୯

୨. ପାଉଁରୁସ୍ କରିଷ୍ଣି କାଲିସିୟାହେତେ ନାମାକାଦ୍ କାଲିସିୟା
ବିନ୍‌ଗାଅ ବିଷାଏରେ ଇନିତୁ ଏମାଃଏ । ୧:୧୦-୪:୨୧
୩. ଏଗାଃତେୟାଃ ଇନିଃ ହଡ଼ମରେୟାଃ ଏଡ଼କାନ୍ ସାନାଙ୍ଗ୍ କାମି
ଆତଃ ମିହୁଡ଼ ଆତଃମିହୁଡ଼କେ କାଚାଈରିତେ ଇଦି ବିଷାଏରେ
ଅଲାକାଦା । ୫-୬
୪. ଆଶ୍‌ଦି ବିଷାଏ, ମୁରୁଡ଼ ନାଗେନ୍ତେ ଦାଣ୍ଠେଁ ରାକାଦ୍, ମିଦୁଝୁଣ୍ଡରେ
ସେଝା, ପାବିତାରୁରାଃ ବାବଦାନ୍ ଆତଃ ଜୀଉବିନିରିଦ୍
ବିଷାଏରେ ଅଲାକାଦା । ୭-୧୫
୫. ଚୁଣ୍ଡୁରେ ଇନିଃ ଚିମିନ୍ ଲାଗାତିଙ୍ଗ୍ କାଜିକ ଆତଃ ଆପ୍‌ନାଃ
ବିଷାଏରେ ଅଲକେଦତେ ଚୁଣ୍ଡୁକଦା । ୧୬

୧ ପାର୍‌ମେଶ୍‌ବାରୁଆଃ ମନେଲେକାତେ ଯୀଶୁ ଖ୍ରୀଷ୍ଟୁଆଃ
କୁଲାକାନ୍‌ନିଃ ଲେକା ସାଲାକାନ୍, ଆଇଙ୍ଗ୍ ପାଉଁରୁସ୍ ଆତଃ ଆବୁଆଃ
ହାଗା ସସ୍ଥିନା,

୨ *ଆଲେ କରିଷ୍ଣି ନାଗାରୁରେ ତାଇନଃତାନ୍ ପାର୍‌ମେଶ୍‌ବାରୁଆଃ
କାଲିସିୟାତେ ନେ ଚିଟାଉଲେ ଅଲେତାନା ଅକନ୍‌କ
ପାର୍‌ମେଶ୍‌ବାରୁଆଃ ପାବିତାରୁ ହଡ଼ ହବାଅଃ ନାଗେନ୍ତେକ ସାଲାକାନା,
ଆତଃ ଯୀଶୁ ଖ୍ରୀଷ୍ଟୁଲଃ ମେସାକାନ୍ ହରାତେ ପାର୍‌ମେଶ୍‌ବାରୁଆଃ
ହବାକାନାକ, ଆତଃ ସବେନ୍‌ସାଃରେ ଆବୁଆଃ ପ୍ରାଭୁ ଯୀଶୁ
ଖ୍ରୀଷ୍ଟକେକ ସେଝାତାନା ।

୩ ଆବୁଆଃ ଆପୁ ପାର୍‌ମେଶ୍‌ବାରୁ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ ଇନ୍‌କୁ
ସବେନ୍‌କକେ ସାୟାଦ୍ ଆତଃ ଜୀଉସୁକୁ ଏମାକକାଏ ।

ଯୀଶୁ ଖ୍ରୀଷ୍ଟୁଆଃ ହରାତେ ଆଶିଷ୍

୪ ଚିୟାଃଚି ଆପେ ଯୀଶୁ ଖ୍ରୀଷ୍ଟୁଲଃ ମେସାକାନ୍ ହରାତେ ଆତଃ
ପାର୍‌ମେଶ୍‌ବାରୁ ଆପେକେ ସାୟାଦ୍ ଏମାକାଦ୍‌ପେ ନାଗେନ୍ତେ, ଆଇଙ୍ଗ୍
ପାର୍‌ମେଶ୍‌ବାରୁକେ ସବେନ୍ ଇମତା ଧାନ୍ୟାବାଦ୍ ଏମାଇ ତାନାଈଙ୍ଗ୍ ।

* ଚିୟାଃଚି ଯୀଶୁ ଖ୍ରୀଷ୍ଟୁଲଃ ମେସାକାନ୍ ହରାତେ ଆପେ ସବେନ୍
ବିଷାଏରେୟାଃ ଇନିତୁରେ ଆତଃ ସେଣ୍ଠାରେ କିସାଣ୍‌କାନାପେ
। ୧ ଯୀଶୁ ଖ୍ରୀଷ୍ଟୁ ବିଷାଏରେୟାଃ ଗାଝା କାଜି ଆପେତାଃରେ
ପୁରାଃତେ ପକ୍‌ତାକାନା । ୨ ଏନାମେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟୁଆଃ
ଉନ୍‌ଦୁବଃ ଇମତାକେ ତାଙ୍ଗିତାନ୍ ଇମତା ଆପେୟାଃ ଜେତାନ୍

* ୧:୨ ୧:୨ ପ୍ରେରିଡ଼ ୧୮:୧.

ଆତ୍ମିକ ବାରଦାନରେ କାପେ ଜାଞ୍ଜିକାନା । ୮ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହିନିଜୁଃ ହୁଲାଙ୍ଗ୍ରେ, ଆପେ ଆଲକାପେ ଚିଟାଅଃଆ, ମେନ୍ତେ ଇନିଃହଗି ଆପେକେ ଚୁଣ୍ଡୁଜାକେଦ୍ ଯାତନାଅପେୟାଏ । ୯ ପାରମେଶ୍ୱାର ଆୟାଃ ହନ୍ ପ୍ରାଭୁ ଯୀଶୁ ଖ୍ରୀଷ୍ଟଲଃ ମେନେସାଅଃ ନାଗେନ୍ତେ ଆବୁକେ କେଡ଼ାକାଦ୍‌ରୁଆ, ଇନିଃ ପାତିୟାରଃ ଲେକାନିଃ ତାନିଃ ।

କାଲିସିୟାରେ ବିନ୍‌ଗାଅ

୧୦ ହେ ହାଗା ମିଶିକ, ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁତୁମ୍‌ତେ ଆଇଙ୍ଗ୍ ଆପେକେଇଙ୍ଗ୍ ବିକ୍ତିପେ ତାନା, ଜାଗାରତାନ୍ ଇମତା ମିଦ୍‌ମନ୍‌ତେଗି ଜାଗାରେପେ । ଏନାରେ ଆପେ ଆଲାରେ ଜେତାନ୍ ବିନ୍‌ଗାଅ କା ହବାଅଃଆ, ଆତଃ ମିଦ୍ ମନ୍, ମିଦ୍ ଉଡ଼୍‌ଷ୍ଟରେ ପକ୍‌ତାକେଦ୍‌ତେ ମେସାଅଃପେ । ୧୧ ହେ ହାଗା ମିଶିକ, ଆପେ ଆଲାରେ କାପ୍‌ଜି ହବାଅଃତାନା ମେନ୍ତେ ଖୁୟୀଆଃ ଅଡ଼ାଃରେନ୍ ଚିମିନ୍‌ଝାନ୍ ହଡ଼କ ଆଇଙ୍ଗ୍‌କେକ ଉଦ୍‌ବ୍‌କାଦିୟା । ୧୨ ✱ଆଇଁୟାଃ ଉଡ଼୍‌ଷ୍ଟରେ, ଆପେକ୍‌ଏତେ ଚିମିନ୍ ହଡ଼କ କାଜିୟାଃ, “ଆଲେ ପାଉଲୁସ୍‌କେଲେ ଅତଙ୍ଗ୍‌ଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ଆପୋଲୋକେଲେ ଅତଙ୍ଗ୍‌ଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ପାତ୍ରାସ୍‌କେଲେ ଅତଙ୍ଗ୍‌ଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ଖ୍ରୀଷ୍ଟକେଲେ ଅତଙ୍ଗ୍‌ଇଁତାନା ।” ୧୩ ଖ୍ରୀଷ୍ଟ ଚିନାଃ ହିସାକାନାଏ ? ଆପେ ନାଗେନ୍ତେଚି ପାଉଲୁସ୍ କୁଶ୍‌ରେ କିଲାକାନ୍ ତାଇକେନା ? ତାଏ ଆପେଚି ପାଉଲୁସ୍ ନୁତୁମ୍‌ତେପେ ବାପ୍ତିସ୍ମାକାନ୍ ତାଇକେନା ?

୧୪ ✱ପାରମେଶ୍ୱାର୍‌ଆଃ ଧାନ୍ୟାବାଦ୍ ହବାଅଃକା, ଆଇଙ୍ଗ୍ କ୍ରୀଷ୍ଟସ୍ ଆତଃ ଗାୟସ୍‌କେ ବାଗିକେଦ୍‌ତେ ଆପେଏତେ ଜେତାଏକେ ବାପ୍ତିସ୍ମା କାଇଙ୍ଗ୍ ଏମ୍ । ୧୫ ଏନାତେ ଆପେ ଆଇଁୟାଃ ନୁତୁମ୍‌ତେ ବାପ୍ତିସ୍ମାକାନାପେ ମେନ୍ତେ ଜେତାଏ କାକ କାଜି ଦାଡ଼ିୟା । ୧୬ ✱ହେଗି, ଆଇଙ୍ଗ୍, ସ୍ତ୍ରୀଫାନ୍ ଆତଃ ଆୟାଃ ଅଡ଼ାଃରେନ୍‌କକେ ବାପ୍ତିସ୍ମା ଏମାକାଦ୍‌କଆଇଙ୍ଗ୍, ଆତଃ ଏଟାଃକକେ ବାପ୍ତିସ୍ମା ଏମାକାଦ୍‌କଆଇଙ୍ଗ୍

✱ ୧:୧୭ ୧:୧୭ ପ୍ରେରିଡ୍ ୧୮:୨୪. ✱ ୧:୧୪ ୧:୧୪ ପ୍ରେରିଡ୍ ୧୮:୮; ପ୍ରେରିଡ୍ ୧୯:୨୯; ରୋମି ୧୭:୨୩. ✱ ୧:୧୭ ୧:୧୭ ୧ କବିଚ୍ଛିନ୍ଦ ୧୭:୧୫.

ମେନ୍ତେ ଆଇଙ୍ଗ୍ କାଇଙ୍ଗ୍ ପାହାମେତାନା । ୧୭ ଚିୟାଃଚି ବାପ୍ତିସ୍ତା
ଏମ୍ ନାଗେନ୍ତେ ଖ୍ରୀଷ୍ଟ ଆଇଙ୍ଗ୍‌କେ କାଏ କୁଲ୍, ମେନ୍‌ଦ ସୁକୁକାଜି
ଉଦୁବ୍ ନାଗେନ୍ତେ କୁଲ୍‌କାଦିୟା; ଏନାହଗି କୁଶ୍ ଚେତାନରେ ଯୀଶୁ
ଖ୍ରୀଷ୍ଟଆଃ ଗନଏଃ ଆଲକା ସାମାଏଣ୍ଡାଗଃକା ମେନ୍ତେ ମାନୱାକଆଃ
ସେଣ୍ଡାରେୟାଃ କାଜି ଲେକାତେ କା ହବାକାନା ।

ପାର୍ମେଶ୍ଵାରଆଃ ସେଣ୍ଡା ଆଡ଼ଃ ପେଡ଼େଃ ଖ୍ରୀଷ୍ଟ ତାନିଃ

୧୮ ଜିୟନଃତାନ ହଡ଼କ ନାଗେନ୍ତେ କୁଶ୍ ଚେତାନରେ ଖ୍ରୀଷ୍ଟଆଃ
ଗନଏଃରାଃ କାଜି ମୁରୁଖ୍ କାଜି ତାନାଃ, ମେନ୍‌ଦ ଜୀଉ ବାଞ୍ଛାଅ
ନାମେତାନ ହଡ଼କ, ଆରୁଆଃ ନାଙ୍ଗ୍ ନେଆଁ ପାର୍ମେଶ୍ଵାରଆଃ ପେଡ଼େଃ
ତାନାଃ । ୧୯ ଧାରାମ୍‌ପୁଅରେ ଅଲ୍‌କାନା,

“ଆଇଙ୍ଗ୍ ସେଣ୍ଡାନ୍ ହଡ଼କଆଃ ସେଣ୍ଡା ଜିୟନେୟାଇଙ୍ଗ୍,

ବୁଦ୍ଧିମାନ୍ ହଡ଼କଆଃ ବୁଦ୍ଧିକେଇଙ୍ଗ୍ ଗେନାଆତମେୟା ।”

୨୦ ନେ ପାରିୟାରେନ୍ ସେଣ୍ଡାନ୍ ହଡ଼କ, ବୁଦ୍ଧିମାନ୍ ହଡ଼କ, ଚାଏ ଆଇନ୍
ଇଡ଼କ କତେରେକଆ ? ପାର୍ମେଶ୍ଵାର ନେ ଅତେଦିଶୁମ୍‌ରେୟାଃ
ସେଣ୍ଡାକେ ଡଣ୍ଡ ତାନାଃ ମେନ୍ତେ କାଏଚି ଉଦୁବ୍‌କାଦା ?

୨୧ ଚିୟାଃଚି ପାର୍ମେଶ୍ଵାର ଆୟାଃ ପୁରାଃ ସେଣ୍ଡାତେ ଉହାଟ୍‌କାଦ୍
ତାଇକେନା ଚି, ଅତେଦିଶୁମ୍‌ରେନ୍ ହଡ଼କ ଆକଆଃ ସେଣ୍ଡାତେ
ପାର୍ମେଶ୍ଵାରକେ ଆଲକାକ ସାରି ଦାଡ଼ିକା, ଆରୁ ଉଦୁବ୍‌ତାନ୍
ସୁକୁକାଜିକେ ଡଣ୍ଡ ମେନ୍ତେ କାଜିୟଃତାନା, ଏନ୍ ସୁକୁକାଜିରେ
ବିଶ୍ଵାସେତାନ୍ ହଡ଼କକେ ବାଞ୍ଛାଅକ ନାଗେନ୍ତେ ପାର୍ମେଶ୍ଵାର୍
ମନେକେଦାଏ । ୨୨ ଯିହୁଦୀ ହଡ଼କ ପେଡ଼େୟାନ୍ ଚିହ୍ନାକ ଦାଣ୍ଡା,
ଆଡ଼ଃ ଗ୍ରୀକ୍ ହଡ଼କ ସେଣ୍ଡାକ ନାମ୍‌ବାଡ଼ାଃ, ୨୩ ମେନ୍‌ଦ ଆଲେ
କୁଶ୍‌ରେ କିଲ୍‌କାନ୍ ଯୀଶୁ ଖ୍ରୀଷ୍ଟକେଲେ ଉଦୁବ୍‌ତାନା । ନେ କାଜି
ଯିହୁଦୀ ହଡ଼କ ନାଗେନ୍ତେ ତହଦଃ ଲେକାନାଃ ତାନାଃ ଆଡ଼ଃ ସାଅଁସାର୍
ହଡ଼କ ନାଗେନ୍ତେ ମୁରୁଖ୍ ଲେକାନାଃ ତାନାଃ, ୨୪ ମେନ୍‌ଦ ଯିହୁଦୀ
ହବାଃ ଚାଏ ସାଅଁସାର୍, ପାର୍ମେଶ୍ଵାର କେଡ଼ାକାଦ୍ ସବେନ୍‌କ
ନାଗେନ୍ତେ ଯୀଶୁ ଖ୍ରୀଷ୍ଟ ହବାଃ ତାନାଏ, ପାର୍ମେଶ୍ଵାରଆଃ ପେଡ଼େଃ
ଆଡ଼ଃ ସେଣ୍ଡା । ୨୫ ଚିୟାଃଚି ଅକ୍‌ନାଃ ପାର୍ମେଶ୍ଵାରଆଃ ମୁରୁଖ୍
ବିଷାଏ ମେନ୍ତେ ଉଡ଼ଗୁଃ ତାନା, ଏନା ମାନୱା ସେଣ୍ଡାଏତେ ପୁରାଃ

ସେଣ୍ଡିନ୍‌ଗିଆ । ଆତଃ ଅକ୍‌ନାଃ ପାର୍‌ମେଶ୍ଵାର୍‌ଆଃ କା ପେଡ଼େୟାନ୍
ବିଷାଏ ମେନ୍ତେ ଉଡ଼ଗୁଃ ତାନା, ଏନା ମାନଞ୍ଜାରାଃ ପେଡ଼େଃହେତେ
ପୁରାଃଗି ପେଡ଼େୟାନ୍‌ଗିୟା ।

୨୭ ହେ ହାଗା ମିଶିକ, ପାର୍‌ମେଶ୍ଵାର୍‌ ଆପେକେ କେଡ଼ାକେଦ୍‌ପେ
ଇମ୍‌ତା ଆପେ ଚିଲ୍‌କାପେ ତାଇକେନା, ଏନା ପାହାମେପେ ।
ଅତେଦିଶ୍ଵମ୍ ଲେକାତେ ଆପେକଏତେ ଚିମିନ୍ ଝାନ୍ ହଡ଼କ ସେଣ୍ଡିନ୍
କାପେ ତାଇକେନା, ପୁରାଃ ପେଡ଼େୟାନ୍ କାପେ ତାଇକେନା,
ଆତଃ ମାରାଙ୍ଗ୍ ଅଡ଼ାଃରେନ୍ କାପେ ତାଇକେନା । ୨୭ ପାର୍‌ମେଶ୍ଵାର୍‌
ସେଣ୍ଡିନ୍ ହଡ଼କକେ ଗିହୁଃଈଚିକ ନାଗେନ୍ତେ ଅତେଦିଶ୍ଵମ୍ ଲେକାତେ
କା ସେଣ୍ଡିନ୍ ହଡ଼କକେ ସାଲ୍‌କେଦ୍‌କଆ ଆତଃ ପେଡ଼େୟାନ୍
ହଡ଼କକେ ଗିହୁଃଈଚିକ ନାଗେନ୍ତେ ଅତେଦିଶ୍ଵମ୍‌ରେ କା ପେଡ଼େୟାନ୍
ହଡ଼କକେ ସାଲ୍‌କେଦ୍‌କଆ । ୨୮ ଅତେଦିଶ୍ଵମ୍ ଲେକାତେ
ଅକ୍‌ନାଃ ଲାଗାତିଙ୍ଗ୍‌ତେୟାଃ ତାନାଃ, ଏନାକେ ଜିୟନେ ନାଗେନ୍ତେ
ଅତେଦିଶ୍ଵମ୍‌ରେ ହିନିସ୍ତା, ହିଲ୍‌ଙ୍ଗ୍‌ୟେଁ ଆତଃ ମୁରୁଖ୍ ବିଷାଏକକେ
ପାର୍‌ମେଶ୍ଵାର୍‌ ସାଲ୍‌କେଦାଏ । ୨୯ ନେଆଁତେ ସାରିୟଃତାନା,
ପାର୍‌ମେଶ୍ଵାର୍‌ଆଃ ଆୟାର୍‌ରେ ଜେତା ହଡ଼ ଆପାନ୍‌କେ ମାରାଙ୍ଗ୍‌ୟେଁନ୍
କାଏ ଦାଡ଼ିୟା । ୩୦ ମେନ୍‌ଦ ପାର୍‌ମେଶ୍ଵାର୍‌ ଆପେକେ ଯୀଶୁ ଖ୍ରୀଷ୍ଟଲଃ
ମେସାକାଦ୍‌ପେଆଏ ଆତଃ ଏନ୍ ଯୀଶୁ ଖ୍ରୀଷ୍ଟକେୟ ଆରୁଆଃ ସେଣ୍ଡି
ଲେକାଏ ବାଇକିୟା । ଆୟାଃ ହରାତେ ପାର୍‌ମେଶ୍ଵାର୍‌ଲଃ ଆରୁଆଃ
ସାର୍‌ତି ନାତା ହବାକାନା, ଆରୁ ପାର୍‌ମେଶ୍ଵାର୍‌ଆଃ ଧାର୍‌ମାନ୍ ଆତଃ
ପାବିତାର୍ ହଡ଼ ହବାକେଦ୍‌ତେ ମୁକ୍ତିରୁ ନାମାକାଦା । ୩୧ ଏନାତେ
ଧାରାମ୍‌ପୁଅ୍‌ରେ ଅଲ୍‌କାନା, “ଜେତାଏ ଆପାନ୍‌କେ ମାରାଙ୍ଗ୍‌ୟେଁନ୍
ରିକା ନାଗେନ୍ତେ ସାନାଙ୍ଗ୍‌ତାନ୍‌ନିଃ, ପ୍ରାଭୁ କାମିକାଦ୍ କାମି ନାଗେନ୍ତେ
ଏସ୍‌କାର୍ ଇନିଃ ଆପାନ୍‌କେ ମାରାଙ୍ଗ୍‌ୟେଁନ୍‌କାଏ ।”

୨

କୁଶ୍‌ରେ କିଲ୍‌କାନ୍ ଯୀଶୁ ଖ୍ରୀଷ୍ଟଆଃ ବିଷାଏରେୟାଃ କାନାଜି

୧ ହେ ହାଗା ମିଶିକ, ଆଇଙ୍ଗ୍ ଆପେତାଃତେ ପାର୍‌ମେଶ୍ଵାର୍‌ଆଃ
ଉକୁଆକାନ୍ ସାର୍‌ତିକାଜି ଉଦୁବ୍ ନାଗେନ୍ତେଇଙ୍ଗ୍ ସେନାକାନ୍
ତାଇକେନ୍‌ରେ, ମାପ୍‌ରାଙ୍ଗ୍ କାଜି ଆତଃ ପୁରାଃ ଇଡୁକାନ୍ ଲେକା

କାଈଁ ଉଦୁବ । ^୨ ଆଈଁ ଆପେଲଃ ତାଈକେନ୍ ଈମ୍ତା, ଯାଶୁ
 ଖ୍ରୀଷ୍ଟ ଆତଃ ଆୟାଃ କୁଶ୍ରେୟାଃ ଗନଏଃ ବାଗିକେଦ୍ତେ ଏତାଃ
 ଜେତାନ୍ ବିଷାଏ ସାରି ନାଗେନ୍ତେ କାଈଁ ଉଦୁବୁକେଦା । ^୩ ଏନାତେ
 ଆଈଁ ଆପେତାଃତେ ହିନ୍ଦୁଃୟାନ୍ ଈମ୍ତା, କା ପେଡେୟାନ୍, ଆତଃ
 ବରତେ ଏକଲୀଅଃତାନ୍ ତାଈକେନାଈଁ । ^୪ ଆଈୟାଃ ଈନିତୁ ଆତଃ
 କାନାଜି, ମାନଝାରାଃ ସେଣାଁ ଲେକାତେ କା ଉଦୁବକାନା, ମେନ୍ଦ
 ପାର୍ମେଶ୍ଵାର୍ଆଃ ଆମ୍ବା ଆତଃ ପେଡେଃରେୟାଃ ସାର୍ତି ପ୍ରାମାଣ୍ଡେ
 ଉଦୁବକାନ୍ ତାଈକେନା । ^୫ ଆପେୟାଃ ବିଶ୍ଵାସ୍ ମାନଝାରାଃ ସେଣାଁ
 ଲେକାତେ କା ହବାକାନା, ମେନ୍ଦ ପାର୍ମେଶ୍ଵାର୍ଆଃ ପେଡେଃତେ
 ହବାକାନା ।

ପାର୍ମେଶ୍ଵାର୍ଆଃ ସେଣାଁ

^୬ ହଲେହଁ ଆଈଁ ପାବିତାର୍ ଆମ୍ବାତେ ପକ୍ତାକାନ୍
 ହତ୍ତକତାଃରେ ସେଣାଁନ୍ କାଜିଈଁ ଉଦୁବକାଦା । ମେନ୍ଦ
 ନେ ସେଣାଁ ନେ ଅତେଦିଶ୍ଵମ୍ରେୟାଃ ସେଣାଁ ନାହାଁଲୀଃ, ତାଏ
 ନେ ଅତେଦିଶ୍ଵମ୍ରେନ୍ ହାକିମ୍କଆଃ ଜିୟନଃ ସେଣାଁ ନାହାଁଲୀଃ
 । ^୭ ଆଈଁ ପାର୍ମେଶ୍ଵାର୍ଆଃ ଉକ୍ତୁଆକାନ୍ ସେଣାଁକେଈଁ
 ଉଦୁବତାନା, ଅକନ୍ ସେଣାଁତି ମାନଝାତାଃଏତେ ଉକ୍ତୁଆକାନା,
 ମେନ୍ଦ ଆରୁଆଃ ମାନାରାଈଁ ନାଗେନ୍ତେ ଅତେଦିଶ୍ଵମ୍ ବାଈୟାନ୍
 ସିଦାରେ ପାର୍ମେଶ୍ଵାର୍ ଏନାକେ ସାଲୀକାଦ୍ ତାଈକେନା । ^୮ ନେ
 ଅତେଦିଶ୍ଵମ୍ରେନ୍ ହାକିମ୍କଏତେ ଜେତା ହତ୍ତ ନେ ସେଣାଁକେ କାକ
 ସାରିୟାକାଦ୍ ତାଈକେନା । ଈନ୍କୁ ଏନାକେ ସାରିକାତେତେୟାଃକ
 ହଲେ, ମାନାରାଈଁରେନ୍ ପ୍ରାଭୁକେ କୁଶ୍ରେ କାକ କିଲୀକାଈତେୟାଃ
 । ^୯ ଜେ'ଲେକାଟି, ଧାରାମ୍ପୁଅ୍ରେ ଅଲୀକାନା,
 “ଅକ୍ନାଃ ଜେତାଏ ଜେତ୍ନାଃ କାକ ନେଲ୍ ତାଏ କାକ ଆୟୁମ୍,
 ଅକ୍ନାଃ ହବାଅଃରେୟାଃ ଜେତାଏ ମନ୍ସୁରୁଦ୍ରେ କାକ
 ଉଦୁବୁକାଦ୍ ତାଈକେନା,
 ଆଈଃକେ ଦୁଲୀଡ୍ତାନ୍ ହତ୍ତକ ନାଗେନ୍ତେ ପାର୍ମେଶ୍ଵାର୍
 ଏନାକେ ସେକାଡାକାଦା ।”

^{୧୦} ମେନ୍ଦ ପାର୍ମେଶ୍ଵାର୍ ଆୟାଃ ଆମ୍ବା ହରାତେ ଆରୁକେ
 ନେ ଉକ୍ତୁଆକାନ୍ ବିଷାଏକେ ଉଦୁବକାଦ୍ବୁଆ । ଏନ୍ ଆମ୍ବାଗି

ପାର୍ମେଶ୍ଵରୀଆଃ ଉକ୍ତୁଆକାନ୍ ଇକିର ବିଷାଏକ ସବେନାଃ ଦାଣ୍ଠାଏ ।^{୧୧} ହୃତରାଃ ଆମ୍ବା, ହୃତରାଃ ସବେନ୍ ବିଷାଏରେ ସାରିୟା, ଏନ୍ଲେକାଗି, ପାର୍ମେଶ୍ଵରୀଆଃ ଆମ୍ବା ଏସ୍କାର୍, ପାର୍ମେଶ୍ଵରୀଆଃ ସବେନ୍ ବିଷାଏରେ ସାରିୟା ।^{୧୨} ଆରୁ ଅତେଦିଶ୍ଵମ୍ରେନ୍ ଆମ୍ବାକେ କାରୁ ନାମ୍ । ମେନ୍ଦ ପାର୍ମେଶ୍ଵର ଏମାକାଦ୍ ସବେନ୍ ବିଷାଏ ସାରି ନାଗେନ୍ତେ ପାର୍ମେଶ୍ଵର କୁଲକାଇ ଆମ୍ବାକେବୁ ନାମ୍କିୟା ।

^{୧୩} ଏନାତେ, ଆମ୍ବାରେନ୍ ହୃତକତାଃରେ ଆମ୍ବାରାଃ ସାନାର୍ତ୍ତି ଉଦ୍ଭବ୍ ଇମ୍ତା ଆରୁ ଅତେଦିଶ୍ଵମ୍ରେୟାଃ ସେଣାଁ ଲେକା କାରୁ ଉଦ୍ଭବାଃ, ମେନ୍ଦ ପାବିତାର୍ ଆମ୍ବାରାଃ ଇନିତୁ ଲେକାତେ ଏନ୍ ସାନାର୍ତ୍ତିକେବୁ ଉଦ୍ଭବାଃ ।^{୧୪} ଜେତାଏତାଃରେ ପାର୍ମେଶ୍ଵରୀଆଃ ଆମ୍ବା ବାନଆଃ, ଇନିଃ ପାର୍ମେଶ୍ଵରୀତାଃତେ ହିନ୍ଦୁଃ ବାର୍ଦାନ୍କେ କାଏ ନାମ୍ ଦାଡ଼ିୟା । ଏନ୍ ଲେକାନ୍ ହୃତ ନେ ବାର୍ଦାନ୍କକେ କାଏ ଆର୍କାର୍ତ୍ତରୁମ୍ ଦାଡ଼ିୟା । ନେଆଁକ ଇନିଃ ନାଗେନ୍ତେ କା ସାରିତାନ୍ ଲେକାନାଃ ତାନାଃ, ଚିୟାଃଚି ଏନ୍ ସବେନାଃକେ ଆମ୍ବିକ୍ ଲେକାତେ ବିଚାରଃଆ ।^{୧୫} ଜେତାଏତାଃରେ ପାର୍ମେଶ୍ଵରୀଆଃ ଆମ୍ବା ମେନାଃ, ଇନିଃ ସବେନ୍ ବିଷାଏରେୟାଃ ବୁଗିନାଃଗି ବିଚାରେୟା, ମେନ୍ଦ ଇନିଃକେ ଜେତାଏ କାକ ବିଚାର୍ ଦାଡ଼ିୟା ।^{୧୬} ଧାରାମ୍ପୁଥ୍ରେ ଅଲକାନ୍ ଲେକାଗି,

“ଅକଏ ପ୍ରାଭୁଆଃ ମନ୍ ସାରିୟାଏ ?

ଅକଏ ଇନିଃକେ ଇତୁ ଦାଡ଼ିୟା ?”

ମେନ୍ଦ ଆରୁ ଯାଶୁ ଶ୍ରୀଶୁଆଃ ମନ୍ବୁ ନାମାକାଦା ।

୩

ପାର୍ମେଶ୍ଵରୀଆଃ ଦାସିକ

^୧ ହେ ହାଗା ମିଗିକ, ଆଇଙ୍ଗ୍ ଆମ୍ବିକ୍ ହୃତକକେ କାଜିତାନ୍ ଲେକା ଆପେକେ କାଇଙ୍ଗ୍ କାଜିଦାଡ଼ି ତାନା, ମେନ୍ଦ ଅତେଦିଶ୍ଵମ୍ରେନ୍ ହୃତକକେ ଆତଃ ଶ୍ରୀଶୁ ବିଶ୍ଵାସରେନ୍ ହନ୍କକେ କାଜିତାନ୍ ଲେକା ଆପେକେଇଙ୍ଗ୍ କାଜିପେତାନା ।^୨ *ଆଇଙ୍ଗ୍ ଆପେକେ ପାଚାଏ କା ଦାଡ଼ିୟାଃ ଲେକାନ୍ ଜମେୟାଃ କା ଏମ୍କେଦ୍ତେ ତଥା

☆ ୩:୨ ୩:୨ ଏବୁ ୫:୧୨,୧୩.

ନୁଁ ନାଗେନ୍ତେଇଙ୍ଗ ଏମାଦ୍‌ପେୟା, ମେନ୍‌ଦ ଆପେ ପାତାଏ କା ଦାଡ଼ିୟଃ ଲେକାନ୍ ଜମେୟାଃ ଜମ୍ ନାଗେନ୍ତେ କାପେ ସେକାଡ଼କାନ୍ ତାଇକେନା, ନାହାଁଃହରି କାପେ ସେକାଡ଼କାନ୍ । ୩ ନାହାଁଃ ଜାକେଦ୍ ଆପେ ଅତେଦିଶୁମ୍‌ରେନ୍ ହଡ଼କ ଲେକା ସେସେନ୍ ତାନାପେ । ଆପେ ଆଲାରେ ହିସଙ୍ଗା ଆଡ଼ଃ ଆପେ ଆପେରେ ଏପେଗେର ହବାକାତେୟଃତାନା, ନେଆଁତେ ତିନାଃ ଆପେ ଅତେଦିଶୁମ୍‌ରେନ୍ ଆଡ଼ଃ ଅତେଦିଶୁମ୍ ଲେକାପେ ସେସେନ୍‌ତାନା ମେନ୍ତେ କାପେ ଉଦୁବେନ୍‌ତାନା ? ୪ *ଆପେକଏତେ ଜେତାଏ, ଆଇଙ୍ଗ ପାଉଲୁସକେ ଅତଙ୍ଗନିଃ ତାନିଙ୍ଗ, ଆଡ଼ଃ ଏଟାଃନିଃ, ଆଇଙ୍ଗ ଆପୋଲୋକେ ଅତଙ୍ଗନିଃ ତାନିଙ୍ଗ ମେନ୍ତେ କାଜି ଇମ୍‌ତା ତିନାଃ ଆପେ ଅତେଦିଶୁମ୍‌ରେନ୍ ହଡ଼କ ଲେକା କାପେଟି କାମିତାନା ?

* ଆପୋଲୋ ଅକଏ ତାନିଃ ? ଆଡ଼ଃ ପାଉଲୁସ୍ ଅକଏ ତାନିଃ ? ଇନ୍‌କୁ ସବେନ୍ ପାର୍‌ମେଶ୍‌ଆଃ ଦାସିକ ଏସକାର୍ ତାନ୍‌କ, ଇନ୍‌କୁ ଆପେକେ ବିଶ୍ୱାସୀ ହବାଅଃ ନାଗେନ୍ତେ ଦେଙ୍ଗାପେ ତାନାକ । ପାର୍‌ମେଶ୍‌ଆଃ ଆରୁକଏତେ ମିହୁଡ୍ ମିହୁଡ୍‌ତେ ଅକନ୍ କାମି ରିକା ନାଗେନ୍ତେ ଏମାକାଦ୍‌ବୁଆ, ଏନାବୁ କାମିୟାଃ । ୬ *ଆଇଙ୍ଗ ହିତା ରୟାକାଦାଇଙ୍ଗ ଆଡ଼ଃ ଆପୋଲୋ ଏନାରେ ଦାଆଃ ଦୁଲ୍‌କେଦାଏ, ମେନ୍‌ଦ ପାର୍‌ମେଶ୍‌ଆଃ ହିତାକେ ହାରାଇଦିକେଦା । ୭ ଜେତାଏ ହିତା ରଞ୍ଜେନିଃ ଚାଏ ଦାଆଃ ଦୁଲ୍‌କେନିଃ ଜେତାନିଃ ନାହାଁଲିଃ, ମେନ୍‌ଦ ପାର୍‌ମେଶ୍‌ଆଃ, ଅକଏଟି ହିତା ହାରାଇଦିନିଃ ମାରାଙ୍ଗ୍ ତାନିଃ । ୮ ହିତା ହେର୍‌ନିଃ ଆଡ଼ଃ ଦାଆଃ ଦୁଲ୍‌କେନିଃ ବାରାନ୍‌କିନ୍ ମିଦ୍‌ଗିୟାକିନ୍ ଚିୟାଃଟି ପାର୍‌ମେଶ୍‌ଆଃ ମିମିଆଦ୍ ହଡ଼କକେ ଆକଆଃ କାମି ଲେକାତେ ନାଲାଏ ଏମାକଆ । ୯ ଚିୟାଃଟି ଆରୁ ପାର୍‌ମେଶ୍‌ଆଃ ମିସାତେ କାମିତାନ୍ ହଡ଼କ ତାନ୍‌ବୁ, ଆପେ ପାର୍‌ମେଶ୍‌ଆଃ ପିଡ଼ି ଆଡ଼ଃ ଅଡ଼ଃ ତାନ୍‌ପେ । ୧୦ ପାର୍‌ମେଶ୍‌ଆଃ ଆଇଙ୍ଗକେ ଏମାକାଦିଙ୍ଗ ସାୟାଦ୍ ଲେକାତେ ଆଇଙ୍ଗ ମିଆଁଦ୍ ସେଣାନ୍ ଅଡ଼ଃ ବାଇନିଃ ଲେକା ନିହଁଗାତା ବାଇୟାକାଦାଇଙ୍ଗ, ଏଟାଃ ମିହୁଡ୍ ଏନ୍ ଚେତାନରେ ଅଡ଼ଃ ବାଇତାନାଏ । ମେନ୍‌ଦ ଆପେକଏତେ ସବେନ୍‌କ ଅଡ଼ଃ ଚିଲ୍‌କାପେ ବାଇତାନା, ଏନ୍ ବିଷାଏରେ ଚିର୍ଗାଲାକାନ୍ ତାଇନ୍

☆ ୩:୪ ୩:୪ ୧ କରିଷ୍ଣିୟ ୧:୧୨. ☆ ୩:୬ ୩:୬ ପ୍ରେରିଡ୍ ୧୮:୪-୧୧; ପ୍ରେରିଡ୍ ୧୮:୨୪-୨୮.

ଲାଗାତିଙ୍ଗୟାଃ । ୧୧ ଚିନ୍ତାଃଚି ପାର୍ବତ୍ୟାଃ ବାଲ୍ୟକାନ୍ତାକାଦ୍
 ନିହଂଗାତା ଯାଶୁ ଶ୍ରୀଷ୍ଟି ତାନିଃ, ଇନିଃକେ ବାଗିକେଦତେ ଏତାଃ
 ଜେତାଏ ନିହଂଗାତା କାଏ ବାଲ୍ୟ ଦାଡ଼ିୟା । ୧୨ ଚିନ୍ତାନ୍ ହତକ
 ଏନ୍ ନିହଂଗାତାରେ ସୋନା, ରୁପା, ଗନଙ୍ଗାନ୍ ଦିରିତେ ଅତାଃକ
 ବାଲ୍ୟା ଆତଃ ଏତାଃ ଚିନ୍ତାନ୍ ହତକ ସାହାନ୍, ତାସାଦ୍ ଚାଏ ବୁସୁଃ
 ଏମକେଦତେ ଅତାଃକ ବାଲ୍ୟା । ୧୩ ମେନ୍ଦ ମିମିଆଦ୍ ହତକଆଃ
 କାମି, ଯାଶୁ ଶ୍ରୀଷ୍ଟିଆଃ ଆତଃମିସା ହିନିଜୁଃ ହୁଲାଙ୍ଗରେ ଉଦୁବଃଆ
 । ଏନ୍ ହୁଲାଙ୍ଗ ମିହୁଡ୍ ମିହୁଡ୍‌ରାଃ କାମି ସେଙ୍ଗେଲ୍‌ତେ ଉଦୁବଃଆ
 ଆତଃ ଚିଲ୍‌କାନ୍ କାମିତାନାଃ ଏନା ସେଙ୍ଗେଲ୍‌ତେ ବିଡ଼ାଅକେଦତେ
 ଉଦୁବଃଆ । ୧୪ ଜେତାଏ ନିହଂଗାତାରେ ଅତାଃ ବାଲ୍ୟକେଦତେ
 ସେଙ୍ଗେଲ୍ ବିଡ଼ାଅରେ କାଏ ଜିୟନଃଆ, ଇନିଃ ନାଲାଏ ନାମେୟା
 । ୧୫ ଜେତାଏୟାଃ କାମି ଜିୟନଃରେଦ, ଇନିଃ ଏନାକେ ଆଦେୟା,
 ମେନ୍ଦ ସେଙ୍ଗେଲ୍ ହରାତେ ବାଞ୍ଚାଅକାନ୍ ହତ୍ ଲେକା ଇନିଃ
 ଆଇଃକ୍‌ଗି ବାଞ୍ଚାଅ ନାମେୟାଏ ।

୧୬*ଆପେ ପାର୍ବତ୍ୟାଃଆଃ ମାନ୍ଦିର୍ ଅତାଃ ତାନ୍‌ପେ, ଏନା ଆପେ
 ସାର୍‌ତିଗିପେ ସାରିତାନା ଆତଃ ପାର୍ବତ୍ୟାଃଆଃ ଆମ୍‌ ଆପେୟାଃ
 ମନ୍‌ସୁରୁଦ୍‌ରେ ତାଇନାଃ ତାନା । ୧୭ ଜେତାଏ ପାର୍ବତ୍ୟାଃଆଃ
 ମାନ୍ଦିର୍‌କେ ଜିୟନେରେଦ, ପାର୍ବତ୍ୟାଃ ଇନିଃକେ ଜିୟନିଆ ।
 ଚିନ୍ତାଃଚି ପାର୍ବତ୍ୟାଃଆଃ ମାନ୍ଦିର୍ ପାବିତାଚ୍‌ଗିଆ ଆତଃ ଆପେ
 ଇନିୟାଃ ମାନ୍ଦିର୍ ତାନ୍‌ପେ ।

୧୮ ଆପେ, ଆପେଗି ଆଲ୍‌ପେ ବେଦାନାଃ । ଆପେକଏତେ
 ଜେତା ହତ୍ ଆପାନ୍‌କେ ଅତେଦିଶୁମ୍ ଲେକାତେ ସେଣ୍‌ନ୍ ମେନ୍ତେ
 ମନେତାନ୍‌ରେଦ, ଇନିଃ ସାର୍‌ତି ସେଣ୍‌ ନାମେ ନାଗେନ୍ତେ ଆପାନ୍‌କେ
 କା ସେଣ୍‌ନ୍ ଲେକା ହବାଅଃ ଲାଗାତିଙ୍ଗୟାଃ । ୧୯ ଚିନ୍ତାଃଚି ନେ
 ଅତେଦିଶୁମ୍‌ରେୟାଃ ସେଣ୍‌ ପାର୍ବତ୍ୟାଃଆଃ ଆୟାଚ୍‌ରେ ଡଣ୍ଡ
 ତାନାଃ । ଧାରାମ୍‌ପୁଅରେ ଅଲ୍‌କାନା, “ପାର୍ବତ୍ୟାଃ ସେଣ୍‌ନ୍
 ହତ୍‌କକେ ଆକଆଃ ଚାତୁରେନ୍ କାମିରେ ସାଦ୍‌କଆ ।” ୨୦ ଆତଃଗି
 ଧାରାମ୍‌ପୁଅରେ ଅଲ୍‌କାନା, “ସେଣ୍‌ନ୍ ହତ୍‌କଆଃ ଉଡ଼ୁ ସାମାକାଜି
 ତାନାଃ, ମେନ୍ତେ ପ୍ରାଭୁ ସାରିୟାଃଏ ।” ୨୧ ଏନାତେ, ମାନଞ୍ଜାରାଃ

* ୩:୧୬ ୩:୧୭ ୧ କବିଚ୍ଛିନ୍ଦ ୬:୧୯; ୨ କବିଚ୍ଛିନ୍ଦ ୬:୧୭.

କାମି ବିଷାଏରେ ଜେତାଏ ଆପାନ୍‌କେ ଆଲକାଏ ମାରାଙ୍ଗ୍‌ୟେନ୍‌କା ।
 ସାର୍‌ତିଗି ସବେନାଃ ଆପେୟାଃଗି ତାନାଃ : ୨୨ ପାଉଲୁସ୍, ଆପୋଲୋ,
 ପାଡ଼ରାସ୍, ନେ ଅତେଦିଶ୍‌ମ୍, ଜୀଦାନ୍, ଆତଃ ଗନ୍‌ଏଃ, ନାହାଁଃ ଆତଃ
 ହିନ୍ଦୁଃ ଦିପିଲି, ନେ ସବେନାଃ ଆପେୟାଃ ତାନାଃ, ୨୩ ମେନ୍‌ଦ ଆପେ
 ଶ୍ରୀଷ୍ଟିଆଃ ତାନ୍‌ପେ, ଆତଃ ଶ୍ରୀଷ୍ଟି ପାର୍‌ମେଶ୍‌ବାର୍‌ଆଃ ତାନିଃ ।

୪

ଶ୍ରୀଷ୍ଟିଆଃ ପ୍ରେରିତକ

୧ ଆପେ ଆଲେକେ ଶ୍ରୀଷ୍ଟିଆଃ ଦାସି ଆତଃ ପାର୍‌ମେଶ୍‌ବାର୍‌ଆଃ
 ଉକ୍ତୁଆକାନ୍ ସାନାର୍‌ତିରାଃ ନାମାକାଦ୍ ଭାଣ୍ଡାରି ଲେକା ଉଡ଼ୁଲେପେ
 । ୨ ନେ ଲେକାନ୍ ଭାଣ୍ଡାରିରାଃ ବାହାରମ୍ ନାମାକାଦ୍ ହଡ଼ ଆୟାଃ
 ଗମ୍‌କେୟାଃ ନାଗେନ୍ତେ ପାତିୟାର୍‌ରଃ ଲେକାନ୍‌ନିଃ ହବାଅଃ
 ଲାଗାତିଙ୍ଗ୍‌ୟାଃ । ୩ ନାହାଁଃ, ନେ ବିଷାଏରେ ଆପେୟାଃ ହରାତେ ଚାଏ
 ଜେତାନ୍ ମାନଃଞ୍ଜାରେୟାଃ ବିଚାର୍‌ତେ ବିଚାରଃ ନାଗେନ୍ତେ ଆଇଙ୍ଗ୍
 କାଇଙ୍ଗ୍ ଉଡ଼ୁତାନା, ଆତଃ ଆଇଙ୍ଗ୍, ଆଇଙ୍ଗ୍‌ଗି ଆଇଁୟାଃ ବିଚାର୍
 କାଇଙ୍ଗ୍ ରିକାଃ । ୪ ବିୟାଃଗି ଆଇଙ୍ଗ୍ ଆଇଁୟାଃ ବିରୁଧ୍‌ରେ ଜେତାନ୍
 କାଜି ମେନାଃ ମେନ୍ତେ କାଇଙ୍ଗ୍ ସାରିତାନା, ଏନ୍‌ରେୟ୍ ଏନାରେ
 ଆଇଙ୍ଗ୍ କାଇଙ୍ଗ୍ ଚିଟାକାନା ମେନ୍ତେ କାଇଙ୍ଗ୍ କାଜିତାନା । ମେନ୍‌ଦ
 ପ୍ରାଭୁ ଆଇଁୟାଃ ବିଚାର୍‌ନିଃ ତାନିଃ । ୫ ଏନାତେ ନେତା ତେବାଃ
 ସିଦାରେ ଆପେ ଜେତାଏକେ ଆଲ୍‌ପେ ବିଚାର୍‌କଥା । ପ୍ରାଭୁଆଃ
 ବୁଣ୍ଡୁ ବିଚାର୍ ହିନ୍ଦୁଃ ଦିପିଲି ଜାକେଦ୍ ତାଙ୍ଗିକାତେପେ । ଇନିଃ
 ନୁବାଃରେ ଉକ୍ତୁଆକାନ୍‌ତେୟାଃ ମାର୍‌ସାଲ୍‌ତେ ଆଭୟା । ହଡ଼କଥାଃ
 ମିନ୍‌ସୁରୁଦ୍‌ରେ ଉକ୍ତୁଆକାନ୍‌ତେୟାଃ ସବେନାଃ ଉଦୁବେୟା । ଇମ୍‌ତା
 ସବେନ୍‌କ ପାର୍‌ମେଶ୍‌ବାର୍‌ତାଃଏତେ ମାନାରାଙ୍ଗ୍‌କ ନାମେୟା ।

୬ ହେ ହାଗା ମିଶିକ, ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେ ନେ
 ସବେନାଃ ଆପୋଲୋ, ଆତଃ ଆଇଁୟାଃ ବିଷାଏରେଇଙ୍ଗ୍ କାଜିକାଦା
 । ଆଲିଙ୍ଗ୍ ବାରାନ୍‌କିନ୍‌କେ ନାମୁନା ଲେକା ମନେକେଦ୍‌ତେ ଆପେକେ
 ଇଡୁନ୍ ଲାଗାତିଙ୍ଗ୍‌ୟାଃ, ଧାରାମ୍‌ପୁଥ୍‌ରେ ଅଲକାନ୍‌ତେୟାଃ ଆଲ୍‌ପେ
 ପାରମେୟା, ନେଆଁ ଆପେ ଆଲେତାଃଏତେ ଇଡୁନ୍‌ପେ, ଆତଃ
 ଆପେକଏତେ ଜେତାଏକେ ଇଦିକେଦ୍‌ତେ ଆପାନ୍‌କେ ଆଲ୍‌ପେ

ମାରାଙ୍ଗଝେଁନା, ଚାଏ ଜେତାଏକେ ଆଲ୍‌ପେ ହିଲାଙ୍ଗକଆ ।
 ୭ ଆପେକେ ଅକଏ ଏଟାଃନିଃତାଃଏତେ ମାରାଙ୍ଗକାଦ୍‌ପେୟା ?
 ଆପେୟାଃ ସବେନାଃ ଚିନାଃ ପାର୍‌ମେଶ୍ଵାର୍ କାଏ ଏମାକାଦ୍‌ପେୟା ?
 ଏନାରେ ଆପେ ଦାନ କା ନାମାକାଦ୍ ଲେକା ଚିନାଃ ମେନ୍ତେ
 ଆପାନ୍‌କେ ମାରାଙ୍ଗ ମେନ୍ତେପେ କାଜିନ୍‌ତାନା ?

୮ ଆପେୟାଃ ଲାଗାତିଙ୍ଗତେୟାଃ ସବେନାଃ ନାମ୍
 ସେକାଡ୍‌କେଦାପେତି ? ଆପେ ଚିନାଃ କିସାଁଶ୍ଵୟାନାପେ ? ଆଲେ
 କାଲେ ରାଜାକାନରେୟ, ଆପେ ଚିନାଃ ରାଜା କାନାପେତି ? ସାର୍‌ତିଗି
 ଆପେ ରାଜା ହବାକାନରେଦ ବୁଗିନାଃ ହବାକାନତେୟାଃ, ଚିୟାଃତି
 ଆଲେୟ ଆପେଲଃ ରାଇଜେତେୟାଃଲେ । ୯ ଆଇଁୟାଃ ହିତୁରେ,
 ଆଲେ ଲେକାନ ପ୍ରେରିଡ୍‌କକେ ପାର୍‌ମେଶ୍ଵାର୍ ସବେନକଆଃଏତେ
 ତାୟମ୍‌ରେ ଦହକାଦ୍‌କଆ । ଗନଏଃ ସାଜାଇ ନାମାକାଦ୍ ହଡ୍
 ଲେକା ଆଲେ ଅତେଦିଶ୍ଵମ୍‌ରେ ହଡ୍‌କଆଃ, ଆଡଃ ଦୁଁଡ୍‌କଆଃ
 ସାମ୍‌ନାଙ୍ଗରେ ଲାନ୍‌କାନକ ଲେକାଲେ ହବାକାନା । ୧୦ ଆଲେ
 ଖ୍ରୀଷ୍ଟ ନାଗେନ୍ତେଲେ ଡଣ୍ଡକାନା, ମେନ୍‌ଦ ଆପେ ଖ୍ରୀଷ୍ଟରେ ମିଦ୍‌କାନ
 ହରାତେ ସେଣାଁକାନାପେ, ଆଲେଦଲେ ନାରାଦୁରାକାନା ମେନ୍‌ଦ
 ଆପେ ପେଡ଼େଃପେ ନାମାକାଦା, ଆଲେଦଲେ ହିଲାଙ୍ଗକାନା ମେନ୍‌ଦ
 ଆପେ ମାଇନ୍‌ପେ ନାମାକାଦା । ୧୧ ଆଲେ ନାହାଁଃ ଜାକେଦଲେ
 ରେଙ୍ଗେଃତାନା, ତେତାଙ୍ଗତାନା, ଚେତାଃ ଲିଜାଃଲେ ତୁସିଙ୍ଗକାନା,
 ଦାଲଃତାନା ଆଡଃ ଅଡ଼ାଃ ବାନଃଆ, ୧୨ ଆଲେ କେଚେଦ୍ କାମି
 କାମିକେଦ୍‌ତେଲେ ଲାଗାଡ୍‌ତାରଃ ତାନା । ଜେତାଏ ଆଲେକେ
 ସାର୍‌ପାଅଲେ ତାନରେ, ଆଲେ ଇନ୍‌କୁକେ ଆଗିଷ୍ଟକତାନାଲେ ।
 ସିଗିଦଃତାନରେ ସାହାତିଙ୍ଗ ତାନାଲେ, ୧୩ ହିଲାଙ୍ଗଲେ ତାନକକେ
 ଲେବେଃ କାଜିତେଲେ କାଜିରୁହାଡ୍‌କତାନା । ଆଲେ ନାହାଁଃ ଜାକେଦ୍
 ଅତେଦିଶ୍ଵମ୍‌ରେ କେଚ୍‌ରା ଆଡଃ ହୁମ୍ ଲେକାଲେ ହବାକାନା ।

୧୪ ଆପେକେ ଗିହୁଃଇଚିପେ ନାଗେନ୍ତେ ନେଆଁ ଆଇଙ୍ଗ୍ କାଇଙ୍ଗ୍
 ଅଲେତାନା, ମେନ୍‌ଦ ଆଇଁୟାଃ ଦୁଲ୍‌ଡ୍ ହନ୍‌କ ଲେକାଇଙ୍ଗ୍
 ଉଦ୍‌ବ୍‌ପେତାନା । ୧୫ ଖ୍ରୀଷ୍ଟରେ ଆପେୟାଃ ପୁରାଃଗି ଗେଲ୍
 ହାଜାର୍ ଧାରାମ୍ ଗୁରୁକ ମେନାକରେୟ, ଆପେୟାଃ ମିଆଁଦ୍‌ଗି ଆପୁ

☆ ୪:୧୨ ୪:୧୨ ପ୍ରେରିଡ୍ ୧୮:୩.

ମେନାଇୟା । ଆଇଙ୍ଗ୍ ଆପେତାଃରେ ସୁକୁକାଜି ଉଦୁବକେଦାଇଙ୍ଗ୍ ଆତଃ ଯୀଶୁ ଖ୍ରୀଷ୍ଟକେ ଆପେ ବିଶ୍ୱାସକିୟାପେ ଏନାତେ ଆଇଙ୍ଗ୍ ଆପେୟାଃ ଆପୁ ଲେକାଇଙ୍ଗ୍ ହବାୟାନା । ^{୧୭} ☆ ଏନାମେନ୍ତେ ଆଇଙ୍ଗ୍ ନାମୁନା ଲେକା ସେସେନ୍ଦେ ମେନ୍ତେଇଙ୍ଗ୍ ବିନ୍ତିପେତାନା । ^{୧୭} ଏନା ନାଗେନ୍ତେ ଆଇଙ୍ଗ୍ ପ୍ରାଭୁରେ ଦୁଲୀଡ୍ ଆତଃ ପାତିୟାରଃ ଲେକାନ୍ ହନ୍ ତୀମଥୁକେ ଆପେତାଃତେଇଙ୍ଗ୍ କୁଲିତାନା । ଆଇଙ୍ଗ୍ ଯୀଶୁ ଖ୍ରୀଷ୍ଟଲଃ ତାଇକେଦ୍ତେ ନାଖା ଜୀଦାନରେ ସେସେନ୍ଦାନଲଃ ସବେନ୍ଦତାଃରେ, ସବେନ୍ଦ କାଲିସିୟାରେଇଙ୍ଗ୍ ଇତୁକାଦ୍‌କଥା, ଏନା ଇନିଃ ଆପେକେ ପାହାମ୍‌ଇତିପେୟା ।

^{୧୮} ଆଇଙ୍ଗ୍ ଆପେତାଃତେ କାଇଙ୍ଗ୍ ହିଜୁଃଆ ମେନ୍ତେ ଆପେ ଉଡ଼ୁତାନଲଃ ଆପେକଏତେ ଚିମିନ୍ ହଡକ ମାରାଙ୍ଗ୍‌ୟେନ୍ ତାନା । ^{୧୯} ପ୍ରାଭୁଆଃ ସାନାଙ୍ଗ୍ ହବାଅଃରେଦ, ଆଇଙ୍ଗ୍ ଆପେତାଃତେ ଜାଲ୍‌ଦିଗିଇଙ୍ଗ୍ ହିଜୁଃଆ । ଇମତା ଆଇଙ୍ଗ୍ ନେ ମାରାଙ୍ଗ୍‌ୟେନ୍ ହଡକଆଃ କାଜି କାଇଙ୍ଗ୍ ଆୟୁମାଃ, ମେନ୍ଦ ଇନ୍‌କୁଆଃ ପେଡେଃ ଚିମିନ୍ ମେନାଃ ଏନା ଆଇଙ୍ଗ୍‌ଗିଇଙ୍ଗ୍ ନେଲେୟା । ^{୨୦} ଚିୟାଃତି ପାର୍‌ମେଶ୍ୱାର୍‌ଆଃ ରାଇଜ୍‌ଦ ଜାଗାର୍ ବିଷାଏ ଏସକାର୍ ନାହ୍‌ଲୀଃ ମେନ୍ଦ ପେଡେଃରେୟାଃ ବିଷାଏ ତାନାଃ । ^{୨୧} ଆପେ ଚିନାଃ ସାନାଙ୍ଗ୍‌ତାନାପେ ? ଆଇଙ୍ଗ୍ ଆପେକେ ଚେତାଅପେ ନାଗେନ୍ତେ ସଚା ସାବକେଦ୍‌ତେଇଙ୍ଗ୍ ହିଜୁଃଆ ଚି, ଦୁଲୀଡ୍ ଆତଃ ଲେବେଃ ମନ୍‌ଡେଇଙ୍ଗ୍ ହିଜୁଃଆ ?

୫

କାଲିସିୟାରେ ଏଡକାନ୍ ଚାଇଲ୍ ଚାଲାନ୍

^୧ ଆପେ ଆଲାରେ ଅକନ୍ ଆପାଙ୍ଗିର୍ କାମି ହବାଅଃତାନା, ଏନ୍‌ଲେକାନ୍ ଆପାଙ୍ଗିର୍ କାମି ସାଅଁସାର୍ ହଡକ ଆଲାରେୟ କା ହବାଅଃତାନା । ଆଇଙ୍ଗ୍ ଆୟୁମ୍‌କାଦାଇଙ୍ଗ୍, ଆପେଏତେ ମିହୁଡ୍ ଆପୁତେୟାଃ କୁଡିତେକେ ଆୟାଃ କୁଡି ଲେକାଏ ଦହକିୟା । ^୨ ଏନ୍‌ରେହ ଆପେ ଚିଲ୍‌କାତେ ଆପେୟାଃ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜି ଦାଡିତାନ୍ ? ଆପେ ଗିହୁଃକେଦ୍‌ତେ, ଏନ୍

☆ ୪:୧୭ ୪:୧୭ ୧ କବିଚ୍ଛିନ୍ଦ ୧୧:୧; ଫିଲିପିୟ ୩:୧୭.

ଲେକା କାମିକାଦ୍ ହୃଦକେ ଆପେୟାଃ ମେନେସାଏତେ ଆତମ୍ବଣ୍ଡା
 ଲାଗାତିୟା । ୩ ଆଇଙ୍ଗ୍ ଏନ୍ତାଃରେ କାଇଙ୍ଗ୍ ତାଇକେନରେୟ
 ଆମ୍ବରେ ଆପେତାଃରେଇଙ୍ଗ୍ ତାଇକେନା, ଆତଃ ଆପେତାଃରେ
 ତାଇନତାନିଃ ଲେକା ଏନ୍ ଲେକାନ୍ କାମି କାମିକାଦ୍ନିଃକେ ଆଇଙ୍ଗ୍
 ବିଚାର୍ ଚାବାକିୟା । ୪ ପ୍ରାଭୁ ଯାଶୁଆଃ ନୁତୁମତେ ଆପେ ମିଦ୍ତାଃରେ
 ହୁଣ୍ଡିକାନ୍ ଇମତା ଆଇଙ୍ଗ୍ ହୁଁ ଏନ୍ତାଃରେ ଆପେଲଃ ଆମ୍ବରେଇଙ୍ଗ୍
 ତାଇକେନା ଆତଃ ଆବୁଆଃ ଆଲାରେ ପ୍ରାଭୁ ଯାଶୁଆଃ ପେଡ଼େଃ
 ତାଇକେନା । ୫ ଏନ୍ ଲେକାନ୍ ହୃଦକେ ଆୟାଃ ହୃଦମ୍ ଜିୟନେ
 ନାଗେନ୍ତେ ସାଏତାନରାଃ ତିଃଇରେ ଜିମାତାଇପେ । ଜେ'ଲେକାତି
 ପ୍ରାଭୁଆଃ ହିନିଦୁଃ ହୁଲାଇରେ ଆୟାଃ ଆମ୍ବ ବାସ୍ତାଏ ଦାଡ଼ିୟଥା ।

୬ ନେ'ଲେକା ଆପାନ୍କେ ମାରାଙ୍ଗ୍‌ୟେନ୍ ଆପେୟାଃ ନାଗେନ୍ତେ
 କା ବୁଗିନାଃ । କାଟିଃଲେକା ରାନ୍ତୁ ଗଟା ମାଏଦାକେ ଜୋଜୟା
 ଏନା ଆପେ କାପେଟି ସାରିତାନା ? ୭ ଆପେ ଆପେୟାଃ ପାପ୍
 ଲେକାନ୍ ମାରି ରାନ୍ତୁକେ ସାଙ୍ଗିନ୍କେଦ୍ତେ ପୁରା ଫାରିତୟଃରେଦ୍,
 ଆପେ ରାନ୍ତୁ ବାନଃ ନାଞ୍ଜା ମାଏଦା ଲେକାପେ ହବାଅଥା । ଆଇଙ୍ଗ୍
 ସାରିତାନାଇଙ୍ଗ୍ ନାହାଁଃ ଆପେ ଫାରିଟିଗି ମେନାପେୟା । ତିୟାଃତି
 ଆବୁଆଃ ପାସ୍‌କା ପାରାବ୍ ସେକାଡ଼ାକାନା ଆତଃ ଖ୍ରୀଷ୍ଟ୍ ଆବୁଆଃ
 ପାସ୍‌କା ପାରାବ୍‌ରେୟାଃ ମିଣ୍ଡିହନ୍ ଲେକା ଦାଣ୍ଟେ ରାକାବ୍‌ୟାନାଏ ।
 ୮ ଏନାତେ ଏଲା ହିଦୁଃପେ, ପାପ୍ ଆତଃ ଏଡକାନ୍ ଲେକାନ୍ ମାରି
 ରାନ୍ତୁକେ ବାଗିକେଦ୍ତେ ଲେବେଃ ମନ୍ତେ ଆତଃ ସାନାର୍‌ତିତେ ରାନ୍ତୁ
 ବାନଃ ହଲଙ୍ଗ୍‌ତେ ନେ ପାରାବ୍‌କେବୁ ମାନାଡିୟେୟା ।

୯ ଆପେ ଆପାଙ୍ଗିର୍ ହୃଦକଆଃ ସାଙ୍ଗାତିରେ ଆଲ୍‌ପେ ମେସାନା
 ମେନ୍ତେ ଆଇଙ୍ଗ୍ ସିଦା ତିଟାଉରେ ଅଲ୍‌କାଦ୍ ତାଇକେନାଇଙ୍ଗ୍ ।
 ୧୦ ଆପେ ନେ ଅତେଦିଶ୍ଟମରେନ୍ ଆପାଙ୍ଗିର୍, ଲୋଭୀ, କୁମ୍ବୁ ଆତଃ
 ମୁରୁଦ୍ ପୁଜାତାନ୍ ହୃଦକଲଃ ଜେତାନ୍ ନାତା ଆଲ୍‌ପେ ଦହୟା ମେନ୍ତେ
 ଆଇଙ୍ଗ୍ କାଇଙ୍ଗ୍ କାଜିତାନା । ଆପେ ନାତା କାପେ ଦହଲେରେ,
 ଆପେକେ ନେ ଅତେଦିଶ୍ଟମ୍‌ଏତେ ଅତଙ୍ଗ୍ ଲାଗାତିଙ୍ଗ୍‌ୟାଃ ।
 ୧୧ ଆଇୟାଃ କାଜିରାଃ ମୁଣ୍ଡି ହବାଅଥାନା, ଆପେୟାଃ ହାଗା
 ମେନ୍ତେ ସାରିକାନ୍ ଜେତାଏ ହୃଦ ଆପାଙ୍ଗିର୍‌ନିଃ, ଲୋଭାନିଃ, ମୁରୁଦ୍
 ସେଞ୍ଜାନିଃ, ହିଲାଇନ୍‌ନିଃ, ଇଲିଆର୍‌ଶ୍‌ରେ ବୁଲଃନିଃ, ଚାଏ କୁମ୍ବୁଦୁନ୍ନିଃ

☆ ୫:୬ ୫:୬ ଗାଲାତିୟ ୫:୯.

ହବାଅଃରେଦ, ଇନିଃଲଃ ସବେନ୍ ନାତା ବାଗିତାପେ । ଏନ୍ଲେକାନ୍ ହଡ଼ଲଃ ଦୁବ୍‌କେଦ୍‌ତେ ଆଲ୍‌ପେହ୍ ଜଜନାଃ ।

୧୨ କାଲିସିୟାଏତେ ବାହାରିରେନ୍ ହଡ଼କଆଃ ବିଚାର୍ ରିକା ନାଗେନ୍ତେ ଆଇଙ୍ଗ୍ ଅକଏ ତାନିଙ୍ ? ମେନ୍ଦ ଆରୁଆଃ କାଲିସିୟାରେନ୍ ହଡ଼କଆଃ ବିଚାର୍ ନାଗେନ୍ତେ ଆରୁଆଃ ଚିନାଃ ଆକ୍‌ତେୟାର୍ ବାନଃଆ ? ୧୩ ପାର୍‌ମେଶ୍ୱାର୍ ଇନ୍‌କୁକେ ବିଚାର୍‌କଆ, ଧାରାମ୍‌ପୁଅରେ ଅଲାକାନା, “ଆପେକଏତେ ଏନ୍‌ଲେକାଗି ଏଡ଼କାନ୍ ହଡ଼କକେ ବାହାରି ଅତଙ୍ଗକପେ ।”



ଶ୍ରୀଷ୍ଟିୟାନ୍ ହାଗାକଆଃ ନ୍ୟାୟ ବିଚାର୍

୧ ଆପେକଏତେ ଜେତାଏତାଃରେ ଏଟାଃ ଶ୍ରୀଷ୍ଟିୟାନ୍ ହାଗା ବିରୁଧ୍‌ରେ କାଜି ମେନାଃରେଦ, ଇନିଃ ବିଚାର୍ ନାଗେନ୍ତେ ପାର୍‌ମେଶ୍ୱାର୍‌ଆଃ ହଡ଼କତାଃତେ କା ସେନ୍‌କେଦ୍‌ତେ ସାଅଁସାର୍ ହଡ଼କତାଃତେ ସେନ୍ ନାଗେନ୍ତେ ଚିଲ୍‌କାତେ ସାହାସେ ତାନା ? ୨ ପାର୍‌ମେଶ୍ୱାର୍‌ଆଃ ହଡ଼କ ନେ ଅତେଦିଶ୍ୱମ୍‌କେ ବିଚାରେୟାକ ମେନ୍ତେ ଚିନାଃ ଆପେ କାପେ ସାରିତାନା ? ଆପେ ନେ ଅତେଦିଶ୍ୱମ୍‌କେପେ ବିଚାର୍ ଦାଡ଼ିତାନ୍‌ରେଦ, ନେ ହୁପୁଡ଼ିଙ୍ଗ୍ କାଜିକ ଚିନାଃ କାପେ ବିଚାର୍ ଦାଡ଼ିୟା ? ୩ ଆରୁ ଦୁଡ଼କକେ ବିଚାର୍‌କଆରୁ, ଏନା ଆପେ କାପେଚି ସାରିତାନା ? ତାବ୍‌ଦ ନେ ସାଂସାର୍‌ରେ ହବାଃଅତାନ୍ ବିଷାଏକ ବିଚାର୍ ନାଗେନ୍ତେ ଆରୁଆଃ ନେ ଜୀଦାନ୍‌ରେ ଚିମିନ୍ ରାଝାଲ୍ ହବାଅଃଆ ! ୪ କାଲିସିୟାରାଃ ନେପେଲ୍‌ରେ ଅକନ୍‌କଚି ମାଇନ୍ କାକ ନାମେତାନା, ଏନ୍ ହଡ଼କତାଃତେ ଆପେ ନେ ହୁପୁଡ଼ିଙ୍ଗ୍ କାଜିକ ବିଚାର୍ ନାଗେନ୍ତେ ଚିନାଃମେନ୍ତେପେ ସେନ୍‌ତାନା ? ୫ ଏନା ନାଗେନ୍ତେ, ଆପେୟାଃ ଗିହୁଗଃରାଃ କାଜିତାନାଃ ! ଶ୍ରୀଷ୍ଟିୟାନ୍ ହାଗାକ ଆଲାରେ କା ବାପାଇ ତାନ୍‌କଆଃ ବିଚାର୍ ରିକାଦାଡ଼ି ନାଗେନ୍ତେ କାଲିସିୟାରେ ମିହୁଡ଼୍ ଲେକାଦ ସେଣ୍‌ନ୍ ହଡ଼ ତାଇନାଏ ! ୬ ମିହୁଡ଼୍ ହାଗା ଆତଃମିହୁଡ଼୍ ହାଗାରାଃ ବିରୁଧ୍‌ରେ କାତାଇରିତେ ସେନ୍‌କେଦ୍‌ତେ, କା ବିଶ୍ୱାସତାନ୍ ହଡ଼କତାଃରେ ବିଚାରେନ୍‌ତାନା ।

୭ ଆପେ ଆଲାରେ ହବାଅଃତାନ୍ କା ବାପାଇ ହରାତେ କାତାଇରିତେ ନ୍ୟାୟବିଚାର୍ ନାଗେନ୍ତେପେ ସେନ୍‌ତାନା, ଏନା ଆପେ

ପୁରା ହାରାଅକାନାପେ ମେନ୍ତେ ଉଦୁବେତାନା । ନ୍ୟାୟବିଚାର
 ରିକାଏତେଦ ଏଡକାନାଃ ସାହାତିଙ୍ଗକେଦ୍ତେ ଜିୟନଃତେୟାଃ,
 ଆପେ ନାଗେନ୍ତେ ବୁଗିନାଃ ହବାଅଃତେୟାଃ । ୮ ନେଆଁ କାମିକେଦ୍
 ହରାତେ ଆପେ ଆପେଗି ମିହୁଡ୍, ଆତଃମିହୁଡ୍ଆଃ ଏଡକାନ୍
 କାମି କାମିତାନାପେ ଆତଃ କୁମ୍ଭୁଡୁନାପେ, ଏନ୍ଲେକାଗି ଏଟାଃ
 ବିଶ୍ୱାସୀ ହାଗା ମିଶିକଲଃହଁ କାମିତାନାପେ । ୯ ଏଡକାନ୍ ହଡକ
 ପାରମେଶ୍ୱାର୍ଆଃ ରାଜ୍ଜରେ କାକ ବଲ ଦାଡ଼ିୟା ମେନ୍ତେ ତିନାଃ
 ଆପେ କାପେ ସାରିତାନା ? ଆଲ୍ପେ ବେଦାଅଃଆ; କା ଆଣ୍ଡିକାନ୍
 କଡା ଆତଃ ଆଣ୍ଡି କୁଡିଲଃ ଆପାଙ୍ଗିର୍ କାମିତାନ୍କ, ଆଣ୍ଡିକାନ୍
 କଡା ଚାଏ କୁଡି ଏଟାଃ ଆଣ୍ଡିକାନ୍ କଡା ଚାଏ କୁଡିଲଃ ଆପାଙ୍ଗିର୍
 କାମିତାନ୍କ, ମୁରୁଡ୍ ପୁଜାତାନ୍କ, କଡା କୁଡିଲେକା ଚାଲ୍ଲ
 ଚାଲାନକ, କଡାକ ଆକରେଗି ଆପାଙ୍ଗିର୍ତାନ୍କ, ୧୦ କୁମ୍ଭୁକୁ,
 ଟାକା ପାଏସା ହାୟାତାନ୍କ, ଇଲିଆରଖରେ ବୁଲଃତାନ୍କ,
 ହିଲାଙ୍ଗତାନ୍କ, ରେରେଃକକ, ନେ ସବେନ୍କ ପାରମେଶ୍ୱାର୍ଆଃ
 ରାଜ୍ଜରେ କାକ ବଲ ଦାଡ଼ିୟା । ୧୧ ଆପେକଏତେ ତିମିନକ
 ଏନ୍ଲେକାପେ ତାଇନ୍କେନା । ମେନ୍ଦ୍ ପ୍ରାଭୁ ଯାଶୁ ଶ୍ରୀଷ୍ଟିଆଃ
 ନୁଡ଼ମତେ ଆତଃ ଆବୁଆଃ ପାରମେଶ୍ୱାର୍ଆଃ ଆମ୍ବା ହରାତେ ନାହଁଃ
 ଆପେ ପାପ୍ହେତେ ଫାର୍ତିଆକାନାପେ, ପାବିତାର୍ କାମି ନାଙ୍ଗ
 ଜିମାକାନାପେ, ଆତଃ ଧାର୍ମାନ୍ ହଡ୍ ମେନ୍ତେପେ ଲେକାକାନା ।

ଆପେୟାଃ ହଡ଼ମକେ ପାରମେଶ୍ୱାର୍ଆଃ ମାନାରାଙ୍ଗ ନାଗେନ୍ତେ
 ବେଭାରେପେ

୧୨ ✽ଜେତାଏ ମିହୁଡ୍ କାଜିୟାଏ, “ଆଇଙ୍ଗକେ ସବେନାଃ ରିକା
 ନାଗେନ୍ତେ ଆରୁକାନା ।” ସାର୍ତି କାଜିତାନାଃ, ମେନ୍ଦ୍ ସବେନାଃ
 ଆପେ ନାଗେନ୍ତେ କା ବୁଗିନାଃ । ଆଇଙ୍ଗକେ ସବେନ୍ କାମି
 ରିକା ନାଗେନ୍ତେ ଆରୁକାନା, ମେନ୍ଦ୍ ଆଇଙ୍ଗ ଜେତାଏକେ ଆୟାଃ
 ଆକ୍ତେୟାର୍ରେ ଦହ ନାଗେନ୍ତେ ସୁଯୋଗ୍ କାଇଙ୍ଗ୍ ଏମ୍ ଦାଡ଼ିୟା
 । ୧୩ ଜେତାଏ ମିହୁଡ୍ କାଜିୟାଏ, “ଜମେୟାଃ ଲାହିଦ୍ ନାଗେନ୍ତେ,
 ଆତଃ ଲାହିଦ୍ ଜମେୟାଃ ନାଗେନ୍ତେ ।” ସାର୍ତି କାଜିତାନାଃ, ମେନ୍ଦ୍
 ପାରମେଶ୍ୱାର୍ ବାରାନାଃକେ ଜିୟନେଆଁ । ହଡ଼ମ୍ ଆପାଙ୍ଗିର୍ କାମି

ନାଗେନ୍ଦ୍ର ନାହାଁଲାଃ, ମେନ୍ଦ ଦ୍ରାଭୁଆଃ ସେଝାରେ ବାଉରାଅଃକା,
 ଚିୟାଃଚି ପ୍ରାଭୁ ହଡ଼ଫରାଃ ଲାଗାତଙ୍ଗ୍‌ତେୟାଃ ଜଗାଅନିଃ ତାନିଃ ।
 ୧୪ ପାର୍ମେଶ୍ଵାର୍ ଆୟାଃ ପେଡ଼େଃତେ ପ୍ରାଭୁ ଯୀଶୁକେ ଗନଏଃହେତେ
 ଜୀଉବିରିଦ୍‌କିୟାଏ ଆଡ଼ଃ ଇନିଃ ଆବୁକେୟ ଆୟାଃ ପେଡ଼େଃତେ
 ଜୀଉବିରିଦ୍‌ବୁଆ ।

୧୫ ଆପେୟାଃ ହଡ଼ଫ ଯୀଶୁ ଖ୍ରୀଷ୍ଟଆଃ ହଡ଼ଫରାଃ ହିସା ଲେକାନାଃ
 ତାନାଃ ଏନା କାପେଚି ସାରିକାଦା ? ଚିନାଃ ଆଇଙ୍ଗ୍ ଯୀଶୁ ଖ୍ରୀଷ୍ଟଆଃ
 ହଡ଼ଫରାଃ ମିଦ୍ ହିସାକେ ଇଦିକେଦ୍‌ତେ କା ଆଣ୍ଡିକାନ୍ କଡ଼ା
 ଚାଏ କୁଡ଼ିଲଃ ଆପାଙ୍ଗିରକାନ୍‌ନିଆଃ ହିସାଇଙ୍ଗ୍ ବାଇୟା ? ଏନ୍‌କା
 ଆଲକା ହବାଅଃକା । ୧୬ ଚାଏ ଜେତାଏ କା ଆଣ୍ଡିକାନ୍ କଡ଼ା
 ଚାଏ କୁଡ଼ିଲଃ ଆପାଙ୍ଗିରକାନ୍‌ନିଃଲଃ ମିଦ୍‌ରେ ମେସାନାଏ, ଇନିଃ
 ଏନ୍ କା ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍‌ନିଃଲଃ
 ମିଆଁଦ୍ ହଡ଼ଫଃଆଏ, ଚିନାଃ ଏନା କାପେ ସାରିତାନା ? ଚିୟାଃଚି
 ଧାରାମ୍‌ପୁଅରେ ବୁଗିଲେକା ଅଲକାନା, “ଏନ୍ ବାରାନ୍‌କିନ୍ ମିଆଁଦ୍
 ହଡ଼ଫଃଆକିନ୍ ।” ୧୭ ମେନ୍ଦ ଜେତାଏ ପ୍ରାଭୁଲଃ ମେସାଅଃଆଏ,
 ଇନିଃ ପ୍ରାଭୁଆଃ ଆମ୍‌ରେ ମିଦଃଆ ।

୧୮ ଆପାଙ୍ଗିର କାମିଏତେ ସାଙ୍ଗିନଃପେ । ଏଟାଃ ଜେତାନ୍
 ପାପ୍‌ଏତେ ହଡ଼ଫରାଃ ହଡ଼ଫ କା ନକ୍‌ସାନଃଆ, ମେନ୍ଦ ଆପାଙ୍ଗିର
 କାମିନିଃ ଆୟାଃ ହଡ଼ଫ ବିରୁଧ୍‌ରେ ପାପ୍ ରିକାଏୟା । ୧୯ ଆପେୟାଃ
 ହଡ଼ଫଦ୍ ପାର୍ମେଶ୍ଵାର୍‌ତାଃଏତେ ନାମାକାଦ୍ ପାବିତାର୍ ଆମ୍‌ରାଃ
 ମାହିର୍ ତାନାଃ, ଏନା କାପେଚି ସାରିତାନା ? ଆପେ ଆପେଗି
 ନାହାଁଲାପେ, ମେନ୍ଦ ପାର୍ମେଶ୍ଵାର୍‌ଆଃ ତାନ୍‌ପେ । ୨୦ ଇନିଃ
 ଆପେକେ ପୁରାଃ ଗନଙ୍ଗ୍‌ଆନ୍‌ତେ କିରିଙ୍ଗ୍‌କାଦ୍‌ପେୟା । ଏନାତେ
 ଆପେ ଆପେୟାଃ ହଡ଼ଫତେ ପାର୍ମେଶ୍ଵାର୍‌ଆଃ ମାନାରାଙ୍ଗ୍
 ରିକାଏପେ ।



ଆଣ୍ଡି ବିଷାଏରେ କୁନ୍ତୁଲି

୧ ଆପେ ଆଇଙ୍ଗକେ ଚିଟାଉରେ କୁଲିକାଦିଙ୍ଗ କୁନୁଲି, ନାହାଁଠ ଆଇଙ୍ଗ ଆପେକେଇଙ୍ଗ କାଜିରୁହାଡ଼ପେତାନା । ହଡ଼ କା ଆଣଦିନ୍‌ତେୟାଃ ବୁଗିନାଃ ତାନାଃ । ୨ ମେନ୍‌ଦ ଆପାଙ୍ଗିର୍ କାମି ପେରେଜାକାନ୍ ହରାତେ ସବେନ୍ ହଡ଼ରାଃ କୁଡ଼ି ଆତଃ ସବେନ୍ କୁଡ଼ିରାଃ କଡ଼ା ତାଇନଃ ଲାଗାତିଙ୍ଗୟାଃ । ୩ କଡ଼ା ଆୟାଃ କୁଡ଼ିରାଃ ଲାଗାତିଙ୍ଗତେୟାଃ ପୁରାଏକା ଆତଃ କୁଡ଼ି ଆୟାଃ କଡ଼ାରାଃ ଲାଗାତିଙ୍ଗତେୟାଃ ପୁରାଏକା । ଆତଃ ବାରାନ୍‌କିନ୍ ଆକିନାଃ ବାରାନ୍‌କିନାଃ ଲାଗାତିଙ୍ଗତେୟାଃ ପୁରାଏ ନାଗେନ୍ତେ ଲାଗାତିଙ୍ଗୟାଃ । ୪ ଆୟାଃ ଆପ୍‌ନାଃ ହଡ଼ଫରେ କୁଡ଼ିରାଃ ଜେତାନ୍ ଆକ୍‌ତେୟାର୍ ବାନଃଆ, ମେନ୍‌ଦ କଡ଼ାରାଃ ମେନାଃ । ଏନ୍‌ଲେକାଗି ଆୟାଃ ଆପ୍‌ନାଃ ହଡ଼ଫରେ କଡ଼ାରାଃ ଜେତାନ୍ ଆକ୍‌ତେୟାର୍ ବାନଃଆ, ମେନ୍‌ଦ କୁଡ଼ିରାଃ ମେନାଃ । ୫ ମିହୁଡ଼୍ ଆତଃମିହୁଡ଼ତାଃଏତେ ଆଲକାଏ ବିନ୍‌ଗାଅଃକା । ମେନ୍‌ଦ ବାରାନ୍‌କିନ୍ ମିଦ୍‌ତାଃରେ ବିନ୍ତ୍ରିରେ ତାଇନ୍ ନାଗେନ୍ତେ ଘାଡ଼ିକାଦ୍ ନାଙ୍ଗ ବିନ୍‌ଗାଅ ଦାଡ଼ିୟାକିନ୍ । ଆପାନ୍‌କେ କାବୁରେ ଦହ ନାଗେନ୍ତେ କାମ୍‌ଜର୍ ତାଇନ୍ ହରାତେ ସାଏତାନ୍ ଇନ୍‌କିନ୍‌କେ ବିଡ଼ାଅରେ ଆଲକାଏ ଉୟୁଃକିନ୍‌କା, ଏନାମେନ୍ତେ ଆତଃମିସା ମିଦ୍‌ରେ ମେସାନ୍‌କାକିନ୍ ।

୬ ଆଇଙ୍ଗ ଆପେକେ ହୁକୁମ୍ ଏମ୍‌ତାନ୍ ଲେକାଦ କାଇଙ୍ଗ କାଜିତାନା, ମେନ୍‌ଦ ଆରୁପେତାନ୍ ଲେକାଇଙ୍ଗ କାଜିପେତାନା ।

୭ ଆପେ ସବେନ୍‌କ ଆଇୟାଃ ଲେକା ହବାଅଃପେ ମେନ୍ତେଇଙ୍ଗ ସାନାଙ୍ଗତାନା । ମେନ୍‌ଦ ସବେନ୍‌କ ଆକଆଃ ଆପ୍‌ନାଃ ବାର୍‌ଦାନ୍ ପାର୍‌ମେଶ୍ଵାର୍‌ତାଃଏତେ ନାମାକାଦାକ । ସବେନ୍‌କ ମିଦ୍ ଲେକାଗି ବାର୍‌ଦାନ୍ କା ନାମ୍‌କେଦ୍‌ତେ ଏଟାଃ ଏଟାଃ ବାର୍‌ଦାନ୍‌କ ନାମାକାଦା ।

୮ ନାହାଁଠ ଆଇଙ୍ଗ କା ଆଣଦିକାନ୍ ଆତଃ ରାଣ୍ଡିକୁଡ଼ିକକେଇଙ୍ଗ କାଜିତାନା, ଇନ୍‌କୁ ଆଇୟାଃଲେକା ଏସ୍‌କାର୍‌ଗିକ ତାଇନ୍‌ରେ ବୁଗିନାଃ ହବାଅଃତେୟାଃ । ୯ ମେନ୍‌ଦ ଇନ୍‌କୁ ଆକଗି ଏଡ଼କାନ୍ ସାନାଙ୍ଗଏତେ କାକ ସାମ୍‌ବାଡ଼ାଅ ଦାଡ଼ିୟାଃରେଦ୍, ଆଣଦିୟାଃକାକ । ଚିୟାଃଚି କା ସାହାଅକେଦ୍‌ତେ ତାଇନଃଏତେଦ୍ ଆଣଦିୟାଃରେ ବୁଗିନାଃ ହବାଅଃଆ ।

୧୦ ✧ଆଇଙ୍ଗ ଆଣଦିକାନ୍‌କକେ ହୁକୁମ୍‌କ ତାନାଇଙ୍ଗ, ଅକ୍‌ନାଃଚି

ଆଇଁୟାଃ ହୁକୁମ୍ ନାହାଁଲାଃ ମେନ୍ଦ ପ୍ରାଭୁଆଃ ତାନାଃ : କୁଡ଼ି
ଆୟାଃ କଡ଼ାକେ ଆଲକାଏ ବାଗିକା, ^{୧୧} ଇନିଃ କଡ଼ାକେ
ବାଗିରେଦ ଏସକାର୍ଗି ତାଇନଃକା ଚାଏ କଡ଼ାତେଲଃ ଆତଃମିସା
ମେସାରୁହାଡ଼େନକା । ଆତଃ କଡ଼ାତେ ଆୟାଃ କୁଡ଼ିକେ ବାଗିରେଆଃ
ଅନଲ୍ ଆଲକାଏ ଏମାଇକା ।

^{୧୨} ଆଇଙ୍ଗ୍ ଏଟାଃକେଇଙ୍ଗ୍ କାଜିକତାନା, ନେଆଁ ପ୍ରାଭୁ କାଏ
କାଜି, ଆରୁ ଆଲାରେନ୍ ଜେତାଏ ହାଗାତେୟାଃ କୁଡ଼ି ଖ୍ରୀଷ୍ଟ
ବିଶ୍ୱାସୀ ନାହାଁଲିଃ ଆତଃ ଏନ୍ କୁଡ଼ି ଆୟାଃ କଡ଼ାତେଲଃ ତାଇନଃ
ନାଗେନ୍ତେ ସାନାଙ୍ଗ୍ରେଦ, ଏନ୍ ହାଗା ଇନିଃକେ ବାଗିରେଆଃ
ଅନଲ୍ ଆଲକାଏ ଏମାଇକା । ^{୧୩} ଏନ୍ଲେକାଗି ଜେତାଏ କଡ଼ା,
ଖ୍ରୀଷ୍ଟ ବିଶ୍ୱାସୀ ନାହାଁଲିଃ ଆତଃ ଖ୍ରୀଷ୍ଟ ବିଶ୍ୱାସୀ କୁଡ଼ିଲଃ ତାଇନଃ
ନାଗେନ୍ତେ ସାନାଙ୍ଗ୍ରେଦ, ଏନ୍ କୁଡ଼ି ଇନିଃକେ ବାଗିରେଆଃ
ଅନଲ୍ ଆଲକାଏ ଏମାଇକା । ^{୧୪} ଚିୟାଃଚି କା ବିଶ୍ୱାସ୍ତାନ
କଡ଼ା, ବିଶ୍ୱାସ୍ତାନ କୁଡ଼ିତେଲଃ ମିଦ୍ରେ ମେସାୟାନ୍ ହରାତେ
ପାର୍ମେଶ୍ୱାର୍ ଇନ୍କିନ୍କେ ପାବିତାର୍ କାଦକିନା ଆତଃ ଏନ୍ କା
ବିଶ୍ୱାସ୍ତାନ କୁଡ଼ି, ବିଶ୍ୱାସ୍ତାନ କଡ଼ାତେଲଃ ମିଦ୍ରେ ମେସାୟାନ୍
ହରାତେ ପାର୍ମେଶ୍ୱାର୍ ଇନ୍କିନ୍କେ ପାବିତାର୍ କାଦକିନା । ଏନ୍କା
କା ହବାକାନରେଦ, ଇନ୍କିନାଃ ହନ୍ଗାଁଣାକ ସତ୍ତରା ଲେକାକ
ହବାକାନତେୟାଃ, ମେନ୍ଦ ନାହାଁଃ ଇନ୍କୁ ପାବିତାର୍କାନାକ । ^{୧୫} କା
ବିଶ୍ୱାସ୍ତାନ ହଡ଼, ବିଶ୍ୱାସ୍ତାନିଃକେ ବାଗିନାଙ୍ଗ୍ ସାନାଙ୍ଗ୍ତାନରେଦ,
ଇନିଃ ବାଗି ଦାଡ଼ିୟାଏ । ନେ ବିଷାଏରେ ଖ୍ରୀଷ୍ଟିୟାନ୍ ହାଗା ମିଶି
ଜେତାନ୍ ନିୟାମ୍ରେ କାକ ତଲକାନା ଚାଏ ଜେତାଏୟାଃ ଦାସି
ନାହାଁଲାକ । ଚିୟାଃଚି ପାର୍ମେଶ୍ୱାର୍ ଆପେକେ ସୁକୁଜୀଉରେ
ତାଇନଃ ନାଗେନ୍ତେ କେଡ଼ାକାଦପେୟା । ^{୧୬} ଖ୍ରୀଷ୍ଟ ବିଶ୍ୱାସୀ କୁଡ଼ି,
ଆମ୍ ଆମାଃ କଡ଼ାରାଃ ଜୀଉ ବାଞ୍ଛାଅନିଃ ଲେକାମ୍ ହବାଅଃଆ, ନେଆଁ
ଚିଲକାମ୍ ସାରିଦାଡ଼ିୟା ? ଚାଏ ଏ କଡ଼ା, ଆମ୍ ଆମାଃ କୁଡ଼ିରାଃ ଜୀଉ
ବାଞ୍ଛାଅନିଃ ଲେକାମ୍ ହବାଅଃଆ, ନେଆଁ ଚିଲକାମ୍ ସାରିଦାଡ଼ିୟା ?

ପାର୍ମେଶ୍ୱାର୍ଆଃ କେନେଡ଼ା ଲେକା ଜୀହୁଦଃପେ

^{୧୭} ପ୍ରାଭୁଆଃ ସାୟାଦ୍ତେ ନାମାକାଦ୍ ବାର୍ଦାନ୍ ଲେକାତେ ଆତଃ
ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ ଲେକାତେ ଜୀହୁଦଃପେ

। ନେଆଁ ଆଇଙ୍ଗ ସବେନ୍ କାଲିସିୟାରେଇଙ୍ଗ ଇଡୁକାଦକଆ । ୧୮ ଖାଡନାଅୟାନ୍ ତାୟମ୍ତେ ଜେତାଏ ପାର୍ମେଶ୍ୱାର୍ଆଃ କେନେଡ଼ା ନାମେରେଦ, ଇନିଃ କା ଖାଡନାଅକାନ୍ ଲେକା ହବାଅଃ ନାଗେନ୍ତେ ଆଲକାଏ ମନେକା, ଆଡ଼ଃ କା ଖାଡନାଅକାନ୍ ହଡ଼ ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ରେଦ, ଇନିଃ ଖାଡନାଅଃ ନାଗେନ୍ତେ ଆଲକାଏ ମନେକା । ୧୯ ଜେତାଏ ହଡ଼ ଖାଡନାଅଃ ଚାଏ କାଏ ଖାଡନାଅଃ, ଏନାରେ ଜେଡନାଃ କା ହବାଅଃଆ, ମେନ୍ଦ୍ ପାର୍ମେଶ୍ୱାର୍ଆଃ ଆନ୍‌ରୁକେ ଏସ୍କାର୍ ମାନାତିଙ୍ଗ୍ ଲାଗାତିୟାଁ । ୨୦ ପାର୍ମେଶ୍ୱାର୍ଆଃ କେନେଡ଼ା ନାମ୍‌କେଦ୍ ଇମ୍ତା ଆପେ ଚିଲ୍‌କା ତାଇନ୍‌କେନାପେ ଏନ୍‌ଲେକାଗି, ଏନାରେ ତାଇନ୍‌ପେ । ୨୧ ପାର୍ମେଶ୍ୱାର୍ କେଡ଼ାକେଦ୍‌ପେ ଇମ୍ତା ଚିନାଃ ଆପେ ଦାସିପେ ତାଇକେନା ? ଠାଉକାଗିୟା, ମନ୍‌ରେ ଆଲ୍‌ପେ ଦୁକୁଃଆ, ମେନ୍ଦ୍ ଆପେ ତନଲ୍‌ଏତେ ରାଡ଼ାଅଃ ନାଗେନ୍ତେ ରୁଗିନ୍ ନେଡ଼ା ନେଲ୍‌କାତେପେ । ୨୨ ଚିୟାଃଚି ପ୍ରାଭୁଆଃ କେନେଡ଼ା ନାମାକାଦ୍ ଦାସି, ପ୍ରାଭୁଆଃ ରାଡ଼ାକାନ୍ ହଡ଼ତାନିଃ, ଏନ୍‌ଲେକାଗି ଯାଣ୍‌ଶୁ ଖ୍ରୀଷ୍ଟାଆଃ କେନେଡ଼ାତେ ରାଡ଼ାକାନ୍ ହଡ଼, ଯାଣ୍‌ଶୁ ଖ୍ରୀଷ୍ଟାଆଃ କିରିଙ୍ଗ୍‌ଦାସି ତାନିଃ । ୨୩ ପାର୍ମେଶ୍ୱାର୍ ଆପେକେ ପୁରାଃ ଗନଙ୍ଗ୍‌ତେ କିରିଙ୍ଗ୍‌କାଦ୍‌ପେୟା, ଏନାତେ ହଡ଼କଆଃ ଦାସି ଆଲ୍‌ପେ ହବାଅଃଆ । ୨୪ ହେ ହାଗା ମିଶିକ, ପାର୍ମେଶ୍ୱାର୍ ଆପେକେ କେଡ଼ାକେଦ୍‌ପେ ଇମ୍ତା ଆପେ ଅକଲେକାପେ ତାଇନ୍‌କେନା, ଏନ୍‌ଲେକାଗି ଆପେ ପାର୍ମେଶ୍ୱାର୍‌ଲଃ ସାଙ୍ଗାତିରେ ତାଇନ୍‌ପେ ।

କା ଆଣ୍ଡିକାନ୍ ଆଡ଼ଃ ରାଣ୍ଡିକୃଡ଼ିକଆଃ ବିଷାଏରେ କୁନ୍‌ଲି

୨୫ ଆପେ କା ଆଣ୍ଡିକାନ୍ ହଡ଼କ ବିଷାଏରେପେ କୁଲିକାଦା : ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ଜେତାନ୍ ଆନାରୁ କାଇଙ୍ଗ୍ ନାମାକାଦା । ମେନ୍ଦ୍ ପ୍ରାଭୁଆଃ ଦାୟାତେ ଆଇଙ୍ଗ୍ ପାତିୟାରଃ ଲେକାନ୍ ହଡ଼ ଲେକା ଆଇଁୟାଃ ବିଚାର୍ ଲେକାତେଇଙ୍ଗ୍ କାଜିତାନା ।

୨୬ ନାହାଁଃରେୟାଃ ଦୁକୁହାସୁ ନେଲ୍‌କେଦ୍‌ତେ, ମିଆଁଦ୍ ହଡ଼ ଚିଲ୍‌କା ମେନାଲ୍‌ୟା, ଏନ୍‌ଲେକାଗି ତାଇନଃରେ ରୁଗିନାଃ ହବାଅଃତେୟାଃ ମେନ୍ତେଇଙ୍ଗ୍ ଉଡ଼୍‌ଷୁତାନା । ୨୭ ଆପେ ଆଣ୍ଡିକାନ୍‌ରେଦ, ନେ ତନଲ୍‌କେ ରାଡ଼ାଏ ନାଗେନ୍ତେ ଆଲ୍‌ପେ ଚେଷ୍ଟାଏୟା । ଆଡ଼ଃ ଆପେ

କାପେ ଆଶ୍ୱଦିକାନରେଦ, ଆଶ୍ୱଦିନ୍ ନାଗେନ୍ତେ ଆଲ୍ପେ ଚେଷ୍ଟାଏୟା ।^{୨୮} ଆପେ ଆଶ୍ୱଦିକାନରେଦ, ପାପ୍ କାମି କାପେ କାମିକାଦା; ଆତଃ କା ଆଶ୍ୱଦିକାନ କୁଡ଼ି ଆଶ୍ୱଦିନ୍ରେଦ, ଇନିଃ ପାପ୍ କାମି ଆଲକାଏ ରିକାଏକା । ମେନ୍ଦ ଆଶ୍ୱଦିକାନ ହଡ଼କ ପୁରାଃ ଦୁକୁକ ନାମେୟା, ଆତଃ ଆପେ ନେ ଦୁକୁଏତେ ବାଚାଅଃପେ ମେନ୍ତେଇକ୍ ସାନାକ୍ତାନା ।

^{୨୯} ମେନ୍ଦ ହେ ହାଗା ମିଶିକ, ଆଇକ୍ ନେ କାଜି, କାଜି ନାଗେନ୍ତେଇକ୍ ସାନାକ୍ତାନା, ନେତା ସେଚେରାକାନା । ତିପିକ୍ତାଃଏତେ ଆଶ୍ୱଦିକାନ ହଡ଼କ କା ଆଶ୍ୱଦିକାନ ହଡ଼କ ଲେକା ଜୀଞ୍ଜାନ ବିତାଏକାକ, ^{୩୦} ଆତଃ ରାଆଃତାନ ହଡ଼କ କା ରାଆଃତାନ ହଡ଼କ ଲେକା ହବାଅଃକାକ, ଆତଃ ଲାନ୍ଦାତାନ ହଡ଼କ କା ଲାନ୍ଦାତାନ ହଡ଼କ ଲେକା ହବାଅଃକାକ, କିରିକ୍ତାନ ହଡ଼କ କିରିକ୍ତାଦତେୟାଃ ଆକଆଃ ନାହାଁଲାଃ ମେନ୍ତେ ମନେକାକ । ^{୩୧} ଆତଃ ଅକନ୍କ ଅତେଦିଶୁମ୍ରେୟାଃ ଜିନିଷକକେ ବାଉରାଅ ତାନା, ଇନ୍କୁ କା ବାଉରାଅ ତାନଲେକାକ ହବାଅଃକା, ତିୟାଃତି ନେ ଅତେଦିଶୁମ୍ ବାଦଲାଅଃ ତାନା ।

^{୩୨} ମେନ୍ଦ ଆପେ ନିରଫିକିର୍ ତାଇନଃପେ, ମେନ୍ତେଇକ୍ ସାନାକ୍ତାନା । କା ଆଶ୍ୱଦିକାନ ହଡ଼ ପ୍ରାଭୁଆଃ କାମି ରିକା ନାଗେନ୍ତେ ଆଇଃକ୍ଗି ଉଡ଼ଃକା, ତିୟାଃତି ପ୍ରାଭୁ ସୁକୁଃକାଏ ମେନ୍ତେ ଇନିଃ ଚେଷ୍ଟାଏ ତାନା । ^{୩୩} ମେନ୍ଦ ଆଶ୍ୱଦିକାନ କଡ଼ା ଆୟାଃ କୁଡ଼ିକେ ସୁକୁକ୍ତି ନାଗେନ୍ତେ ଇନିଃ ଅତେଦିଶୁମ୍ରେୟାଃ ବିଷାଏକେ ଉଡ଼ଃୟା, ^{୩୪} ଆତଃ ଆୟାଃ ମନ୍ଦ ବିନ୍ଗାଅଃଆ । କା ଆଶ୍ୱଦିକାନ କୁଡ଼ି ଚାଏ ଡିଶ୍ଟାକୁଡ଼ି, ଆୟାଃ ହଡ଼ମ୍ ଆତଃ ଆମ୍ବା ବାରାନାଃକେ ପାବିତାର୍ ହବାଅଃ ନାଗେନ୍ତେ ପ୍ରାଭୁଆଃ କାମିରେ ମନ୍ଦ ଏମେକାଏ, ମେନ୍ଦ ଆଶ୍ୱଦିକାନ କୁଡ଼ି ଆୟାଃ କଡ଼ାକେ ସୁକୁକ୍ତି ନାଗେନ୍ତେ ଇନିଃ ଅତେଦିଶୁମ୍ରେୟାଃ ବିଷାଏକେ ଉଡ଼ଃୟା ।

^{୩୫} ନେ କାଜି ଆଇକ୍ ଆପେୟାଃ ବୁଗିନାଃ ନାଗେନ୍ତେଇକ୍ କାଜିତାନା, ଆପେ ତନଲ୍ରେ ତାଇନଃପେ ମେନ୍ତେ ଆଇକ୍ କାଇକ୍ କାଜିତାନା, ମେନ୍ଦ ଆପେ ବୁଗିଲେକା ଜୀଞ୍ଜାନ ବିତାଅକେଦତେ ମିଦ୍ ମନ୍ଦରେ ପ୍ରାଭୁତାଃରେ ତାଇନଃପେ ମେନ୍ତେଇକ୍ ସାନାକ୍ତାନା ।

୩୬ ଜେତାଏ କଡ଼ା ଆୟାଃ ନାଗେନ୍ତେ ଆସିକାନ୍ କୁଡ଼ିଆଃ ଜାଞ୍ଜାନ୍ ସାମାଏ ପାରମ୍ପକାନା ଆତଃ ଇନିଃ କା ଲାଗାତିୟଃ ଲେକାଏ ବେଭାରତାନା ମେନ୍ତେ ଆବ୍‌କାରେରେଦ, ଆୟାଃ ଲାଗାତିକ୍ ଲେକାତେ ଅକ୍‌ନାଃ ସାନାଙ୍ଗ, ଏନାଏ କାମିକା ଆତଃ ଇନ୍‌କିନ୍ ଆଣ୍ଡିୟଃକାକିନ୍ । ଏନାରେ ଜେତାନ୍ ପାପ୍ କା ହବାଅଃଆ । ୩୭ ମେନ୍‌ଦ ଜେତା ହଡ଼ ଆୟାଃ ମନ୍‌ସୁରୁଦ୍‌ରେ ଆବର୍‌ଗି ଦହକେଦ୍‌ତେ ଆୟାଃ ନାଙ୍ଗ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ମନ୍‌ରେ ଠାହାରାଅକାଦା ଆତଃ ଆୟାଃ ଇଛା ସାନାଙ୍ଗକେ ଆବର୍‌ରେ ଦହକାଦ୍‌ରେଦ, ଇନିଃ ଏନ୍ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ଉହାଟ୍‌କାଦା, ଏନାରେ ଇନିଃ ବୁଗିନାଃଏ କାମିକାଦା । ୩୮ ଏନାତେ ଜେତାଏ ଏନ୍ ଆସିଆକାନ୍ କୁଡ଼ିକେ ଆଣ୍ଡିନ୍‌ରେ ବୁଗିନାଃ କାମିୟାଏ । ମେନ୍‌ଦ ଜେତାଏ କାଏ ଆଣ୍ଡିନାଃ, ଇନିଃ ପୁରାଃ ବୁଗିନାଃଏ କାମିୟା ।

୩୯ କଡ଼ା ଜାନିଦ୍ ତାଇନଃ ଜାକେଦ୍ କୁଡ଼ି ତନଲ୍‌ରେ ତାଇନଃଆ, କଡ଼ାରାଃ ଗନଏଃ ତାୟମ୍‌ତେ, ଇନିଃ ଆୟାଃ ସାନାଙ୍ଗ ଲେକା ଆତଃଃମିସାଏ ଆଣ୍ଡି ଦାଡ଼ିୟା, ମେନ୍‌ଦ ଇନିଃ ପ୍ରାଭୁଆଃ ବିଶ୍ୱାସୀକେ ଏସ୍‌କାର୍ ଆଣ୍ଡି ଦାଡ଼ିୟାଏ । ୪୦ ଆଇଁୟାଃ ମନେ ଲେକାତେ, ଇନିଃ କା ଆଣ୍ଡିକେଦ୍‌ତେ ଏନ୍‌ଲେକାଗି ତାଇନଃରେ ପୁରାଃଗି ସୁକୁରେ ତାଇନା । ନେଆଁ ଆଇଁୟାଃ ମନେତାନା ଆତଃ ପାର୍‌ମେଶ୍ୱାର୍‌ଆଃ ପାବିତାର୍ ଆମ୍‌ରାଃହଗି ମନେତାନା ।

୮

ମୁରୁଡ଼କତାଃରେ ଦାଣ୍ଠେ ରାକାବାକାନ୍ ଜମେୟାଃ ବିଷାଏରେ କୁନ୍‌ଲି

୧ ଆଇଙ୍ଗ୍ ମୁରୁଡ଼କତାଃରେ ଦାଣ୍ଠେ ରାକାବାକାନ୍ ଜମେୟାଃ ବିଷାଏରେ ନେଆଁଇଙ୍ଗ୍ କାଜିତାନା, ଆବୁ ସବେନ୍‌କଆଃ ସେଣ୍ଠା ମେନାଃ ମେନ୍ତେ ଆପେ କାଜିତାନ୍‌ତେୟାଃ ଆଲେ ସାରିତାନାଲେ । ଏନ୍‌ଲେକାନ୍ ସେଣ୍ଠାନ୍ ହଡ଼କ ହାଁକାରଃଆକ, ମେନ୍‌ଦ ଦୁଲ୍ଲାଡ଼, ହଡ଼କକେ ବାଇରୁହାଡ଼କଆ । ୨ ଜେତାଏ ଆଇଙ୍ଗ୍ ସାରିୟାଇଙ୍ଗ୍ ମେନ୍ତେ କାଜିନିଃ, ଅକ୍‌ନାଃ ସାରି ଲାଗାତିକ୍‌ୟାଃ ଏନା କାଏ ସାରିୟା

। ୩୧ ମେନ୍ଦ ଦେତାଏ ପାରମେଶ୍ଵାରକେ ଦୁଲ୍ଲାଡ଼ାଃଏ, ପାରମେଶ୍ଵାର
ଇନିଃକେ ଏସକାର ସାରିୟାଃଏ ।

୪ ଏନାତେ ମୁରୁତ୍ଵକକେ ଦାଣ୍ଠେ ରାକାବାକାନ୍ ଜମେୟାଃ
ବିଷାଏରେ ଆଲେ ସାରିତାନାଲେ, ନେ ଅତେଦିଶ୍ଵମ୍ରେ ମୁରୁତ୍ଵକ
ଜେତାନିଃ ନାହାଁଲକ । ଆରୁଆଃ ମିଆଁଦ୍ଵି ପାରମେଶ୍ଵାର ମେନାଇୟା
ଇନିଃ ବେଗାର୍ ଜେତାଏ ବାଙ୍ଗକଥା । ୫ ସିର୍ମାରେ ହୁବାଃଅ ଚାଏ
ଅତେରେ, ଅକନ୍ଦକ ମାହାପୁରୁ ଆତଃ ପ୍ରାଭୁ ମେନ୍ତେକ କାଜିୟଃତାନା,
ଇନ୍ଦକୁ ପୁରାଃଗି ମେନାକଥା । ୬ ଏନ୍ରେୟ ଆରୁଆଃ ମିଆଁଦ୍ଵି
ପାରମେଶ୍ଵାର ମେନାଇୟା । ଇନିଃଗି ଆପୁ ପାରମେଶ୍ଵାର ତାନିଃ,
ଅକଏତି ସବେନାଃରେୟାଃ ବାବାଇନିଃ ତାନିଃ ଆତଃ ଆୟାଃ
ନାଗେନ୍ତେ ଆରୁ ଜାନିଦ୍ ମେନାରୁଆ । ଆତଃ ଆରୁଆଃ ମିଆଁଦ୍ଵି
ପ୍ରାଭୁ ଯୀଶୁ ଖ୍ରୀଷ୍ଟ ତାନିଃ । ଆୟାଃ ହରାତେ ସବେନାଃ ବାଇୟାକାନା
ଆତଃ ଆରୁ ଆୟାଃତାଃରେ ଜୀହୁଦଃ ତାନାରୁ ।

୭ ମେନ୍ଦ ସବେନ୍ଦକ ନେ ସାନାର୍ତ୍ତି କାକ ସାରିୟା । ଚିମିନ୍
ହତ୍ଵକ ନାହାଁଃ ଜାକେଦ୍ ମୁରୁତ୍ ମେନାକଥା ମେନ୍ତେକ ଉଡ଼ୁତାନା
ଆତଃ ଦାନ୍ ରାକାବାକାନ୍ ଜମେୟାଃକେ ମାହାପୁରୁକଥାଃ ପାରସାଦ୍
ତାନାଃ ମେନ୍ତେକ ଜମେତାନା । ଇନ୍ଦକୁଆଃ ବିବେକ୍ ନାରାଦୁରାଗିୟା,
ଏନାତେ ଏନ୍ ପାରସାଦ୍ ଜମ୍‌କେଦ୍ ହରାତେ ଇନ୍ଦକୁ ସତ୍‌ରାଅଃ
ତାନାକ । ୮ ମେନ୍ଦ ଜମେୟାଃ ହରାତେ ଆରୁଆଃ ନାତା
ପାରମେଶ୍ଵାରଲଃ ଜେତାନ୍ ବାଦଲୀଅ କା ହୁବାଅଥା । ଜେତାନ୍
ଜମେୟାଃ ଜମ୍‌କେଦ୍ ହରାତେ ଚାଏ କା ଜମ୍‌କେଦ୍ ହରାତେ ଆରୁଆଃ
ଜେତନାଃ କା ନକ୍‌ସାନଃଆ ଚାଏ କା ପସାଅଥା ।

୯ ମେନ୍ଦ ଚିର୍ଗାଲୀକାନ୍ ତାଇନ୍‌ପେ, ଆପେୟାଃ ନେ ଆକ୍‌ତେୟାର୍
ନାଗେନ୍ତେ ନାରାଦୁରା ମନ୍‌ରେନ୍ ହତ୍ଵକ ବିଶ୍ଵାସ୍‌ରେ ଜେତାଲେକାତେ
ଆଲକାକ ତହଦଃକା । ୧୦ ମିହୁଡ୍ ବିଶ୍ଵାସ୍‌ରେ ନାରାଦୁରାନିଃ ଆପେ
ଲେକାନ୍ ସେଣାନ୍ ହତ୍ଵକକେ ମାନ୍ଦିର୍ ଅତାଃରେ ଦାନ୍ ରାକାବାକାନ୍
ଜମେୟାଃକେ ଜମ୍‌ତାନ୍ ନେଲ୍‌ତାପେରେ, ଚିନାଃ ଇନିଃଏନାକେ ଜମ୍
ନାଗେନ୍ତେ କାଏତି ସାହାସେଆ ? ୧୧ ଏନାତେ ବିଶ୍ଵାସ୍‌ରେ ନାରାଦୁରା
ମେନାଇ ଅକନ୍ ହାଗା ନାଗେନ୍ତେ ଯୀଶୁ ଖ୍ରୀଷ୍ଟ ଗଏଃୟାନାଏ, ଇନିଃ
ଆପେୟାଃ “ସେଣାନ୍” ହରାତେ ଜିୟନଃ ତାନାଏ । ୧୨ ନେ ଲେକାତେ

ଆପେୟାଃ ହାଗାକଆଃ ବିରୁଧରେ ପାପ୍ କାମିକେଦ୍‌ତେ ଆପେ ଯାଶୁ
ଶ୍ରୀଷ୍ଟୁଆଃ ବିରୁଧରେ ପାପ୍ କାମିତାନାପେ ଆତଃ ଏନ୍ ହାଗାକଆଃ
ନାରାଦୁରା ବିବେକ୍‌କେ ଠକରେତାନାପେ । ୧୩ ଜେତାନ୍ ଜମେୟାଃ
ନାଗେନ୍ତେ ହାଗାକାଃ ପାପ୍ ହରାତେ ସେନଃରେଦ୍, ଆକାଃ ଏନ୍
ଜମେୟାଃକେ ଚିତ୍‌ଲାଅ କାକାଃ ଜମେୟା ।



ପ୍ରେରିତ୍‌କଆଃ ଚାକାଲ୍ ଚାଲାନରାଃ ନିୟାମ୍

୧ ଆକାଃ ଚିନାଃ ତନଲ୍‌ହେତେ ରାଡ଼ାକାନ୍ ହଡ଼ ନାହାଁଲାକାଃ
? ଆକାଃ ଚିନାଃ ପ୍ରେରିତ୍ ନାହାଁଲାକାଃ ? ଆବୁଆଃ ପ୍ରାଭୁ ଯାଶୁ
ଶ୍ରୀଷ୍ଟୁକେ ଆକାଃ ଚିନାଃ କାକାଃ ନେଲ୍ ? ଆକାଃ ପ୍ରାଭୁଆଃ
ନାଗେନ୍ତେ କାମିକାଦ୍ କାମିରେୟାଃ ଜ, ଆପେ ଚିନାଃ ନାହାଁଲାପେ
? ୨ ଏଟାଃ ଆକାଃକେ ପ୍ରେରିତ୍ ତାନିଃ ମେନ୍ତେ କାକ କାଜିରେୟ,
ଆପେ ଆକାଃକେ ପ୍ରେରିତ୍ ମେନ୍ତେପେ କାଜିକ୍ ତାନା, ଚିୟାଃଚି
ଆପେୟାଃ ଜୀଦାନ୍ ପ୍ରାଭୁଲଃ ମେସାକାନ୍ ହରାତେ ଆପେଗି ଆକାଃ
ପ୍ରେରିତ୍ ତାନିକ୍ ମେନ୍ତେପେ ଉଦୁବେତାନା ।

୩ ଆକାଃକେ କାଜିକଟାତାନ୍ ହଡ଼କକେ, ଆକାଃ ନେ
ଲେକାତେକାଃ କାଜିରୁହାଡ଼କଆ । ୪ ଆକାଃ କାମିରାଃ ହରାତେ
ଜମ୍ ନୁଁ ନାଗେନ୍ତେୟ ଚିନାଃ ଆକାଃ ଆକ୍‌ତେୟାର୍ ବାନଃଆ
? ୫ ଏଟାଃ ପ୍ରେରିତ୍‌କ, ପାଡ଼ରାସ୍, ଆତଃ ପ୍ରାଭୁଆଃ ହାଗାକ
ଲେକା ବିଶ୍ୱାସୀ ମିଶିକେ ଆଶ୍‌ଦିକେଦ୍‌ତେ ଆୟାଃଲଃ ହରାସେନ୍
ନାଗେନ୍ତେ ଚିନାଃ ଆକାଃ ଆକ୍‌ତେୟାର୍ ବାନଃଆ ? ୬ ଜାନିଦ୍
ତାଇନ୍ ନାଗେନ୍ତେ ଆକାଃକେ ଆତଃ ବର୍ଣ୍ଣବାସ୍‌କେ ଏସ୍‌କାର୍ କାମି
ଲାଗାଡ଼ିକାୟାଃଚି ? ୭ ମିଆଁଦ୍ ପାଲ୍‌ଚାନ୍ ଆୟାଃ ଖାର୍ଣା ଆକାଃକ୍‌ଗି
ଏମେୟାଚି ? ଚାଷିହଡ଼ ଚିନାଃ ଆୟାଃ ଦାଖ୍‌ବାକ୍‌ଡ଼ିରାଃ ଜ କାଏ
ଜମେୟା ? ଚାଏ ମିଶ୍ଟିଗୁପିନିଃ ଆୟାଃ ମିଶ୍ଟିରାଃ ତଆ କାଏ ନୁଁଏୟା ?

୮ ଚିନାଃ ଆକାଃ ନେ କାଜିକ ମାନଃଞ୍ଜା ଲେକାକାଃ କାଜିତାନା
? ଚିନାଃ ମୁଣା ନାବୀଆଃ ଆନ୍‌ଚୁ ପୁଥ୍‌ରେ ନେଆଁ କା ଅଲାକାନା
? ୯ *ଆବୁଆଃ ମୁଣା ନାବୀଆଃ ଆନ୍‌ଚୁରେ ଅଲାକାନା, ବାବା

* ୯:୯ ୯:୯ ୧ ଡିମଥ୍ ୫:୧୮.

ଦାଉଁରିତାନ୍ ଉରିଃକ୍ କେ, ମଚାରେ ଆଲମ୍ ତଲିୟା । ପାର୍ମେଶ୍ଵର
 ଚିନାଃ ଉରିଃକ୍ ବିଷାଏରେ ଉଡ଼ୁତାନା ? ^{୧୦} ଇନିଃ ଚିନାଃ ଆବୁ
 ନାଗେନ୍ତେ ନେଆଁ କାଏ କାଜିତାନା ? ହେଗି, ନେଆଁ ଆବୁ ନାଗେନ୍ତେ
 ଅଲ୍ଲାକାନା, ଜେତାଏ ସିହୁଃକାମି ରିକାଏନିଃ ଆତଃ ଇରୋଃକାମି
 ରିକାଏନିଃ ଜ ନାମେରେୟାଃ ଆସ୍ତାରେ କାମିୟା । ^{୧୧} ✽ଆଲେ
 ଆପେ ଆଲ୍ଲାରେ ଆମ୍ବ୍ରେୟାଃ ହିତା ହେରାକାଦାଲେ, ଏନାତେ
 ଆଲେ ଚିନାଃ ଆପେତାଃଏତେ ଅତେରେୟାଃ ଜ ନାମେ ନାଗେନ୍ତେ
 କାଲେଟି ଆସ୍ତାଏୟା ? ^{୧୨} ନେଲେକା ଆପେତାଃଏତେ ଆସ୍ତାଏ
 ନାଗେନ୍ତେ ଏତାଃକଆଃ ଆକ୍ତେୟାର୍ ମେନାଃରେଦ, ଆବୁଆଃ
 ଆକ୍ତେୟାର୍ ଚିନାଃ ଇନ୍କୁତାଃଏତେ ଆଦ୍‌କା ବାନଃଆ ? ଆବୁ ନେ
 ଆକ୍ତେୟାର୍‌କେ କାରୁ ବେଭାର୍‌କାଦା ।

ମେନ୍‌ଦ ଖ୍ରୀଷ୍ଟୁଆଃ ସୁକୁକାଜି ଉଦୁବ୍ ନାଜ୍ ହରା ଆଲକା
 ଛେକାଦଃକା ମେନ୍ତେ ଆଲେ ସବେନାଃଲେ ସାହାତିଜ୍ ତାନା ।
^{୧୩} ମାନ୍ଦିର୍ ଅଡ଼ାଃରେ କାମିତାନ୍‌କ, ମାନ୍ଦିର୍ ଅଡ଼ାଃଏତେ ଜମେୟାଃକ
 ନାମେୟା, ଦାଣ୍ଠେ ରାକାବ୍‌ତାନ୍ ହଡ, ଦାଣ୍ଠେ ରାକାବ୍‌କାନ୍‌ତେୟାରାଃ
 ହିସାକ ନାମେୟା, ଏନା ଚିନାଃ ଆପେ କାପେ ସାରିତାନା ?
^{୧୪} ✽ଏନ୍‌ଲେକାଗି, ସୁକୁକାଜି ଉଦୁବ୍‌ତାନ୍ ହଡକ, ସୁକୁକାଜି
 ଉଦୁବ୍‌କେଦ୍‌ତେ ଜାଞ୍ଜନ୍ ବିତାଏକାକ ମେନ୍ତେ ପ୍ରାଭୁ ଆରୁକାଦା
 ।

^{୧୫} ମେନ୍‌ଦ ଆଇଁୟାଃ ଅକନ୍ ଆକ୍ତେୟାର୍ ମେନାଃ ଏନା
 ଆଇଜ୍ ମିଆଁଦ୍‌ହ୍ କାଇଜ୍ ବେଭାର୍‌କାଦା, ଚାଏ ଏନ୍ ସବେନାଃ
 ଆଇଁୟାଃ ନାଗେନ୍ତେ ହବାଅଃକା ମେନ୍ତେ ଆଇଜ୍ ଆପେତାଃତେ
 କାଇଜ୍ ଅଲେତାନା, ଜେତାଏ ଆଇଁୟାଃ ନେ ମାନାରାଜ୍‌କେ
 ସାମା ଏଣ୍ଡାଗେତେଦ, ଗଜଃତେୟାଃ ଆଇଁୟାଃ ନାଗେନ୍ତେ ବୁଗିନାଃ
 ହବାଅଃଆ । ^{୧୬} ସୁକୁକାଜି ଉଦୁବ୍‌ତାନାଇଜ୍ ମେନ୍ତେ ଆଇଜ୍
 ଆପାନ୍‌କେ କାଇଜ୍ ମାରାଜ୍‌ୟେନ୍ ତାନା, ନେ ବାହାରମ୍ ମାନାତିଜ୍
 ନାଗେନ୍ତେ ଆଇଜ୍‌କେ ଆରୁକାନା । ଏନାତେ ସୁକୁକାଜି କାଇଜ୍
 ଉଦୁବେରେଦ, ହାଏ, ଆଇଁୟାଃ ପୁରାଃ ଦୁକୁ ହବାଅଃଆ । ^{୧୭} ଆଇଜ୍
 ଏନ୍ ସୁକୁକାଜିକେ ବେଗାର୍ ଆରୁତେ ଆଇଜ୍‌ଗିଇଜ୍ କାମିରେଦ,

✽ ୯:୧୧ ୯:୧୧ ରୋମି ୧୫:୨୭. ✽ ୯:୧୪ ୯:୧୪ ମାଥୁଉ ୧୦:୧୦; ଲୁକ ୧୦:୭.

ଆଇଁଙ୍କ ନାଲା ନାମେ ନାଗେନ୍ତେଇଁଙ୍କ ଡାକିକାତେତେୟାଃ, ମେନ୍ଦଦ ପାରମେଶ୍ଵାର ଆଇଁଙ୍କେ ନେ କାମି ରିକାରେୟାଃ ବାହାରମ୍ ଷମାକାଦିଙ୍ଗ ହରାତେ ଆଇଁଙ୍କେ ନେ କାମି ରିକା ଲାଗାତିୟା । ୧୮ ଏନାରେ ଆଇଁଙ୍କ ଚିଲ୍‌କାତେ ନାଲାଇଁଙ୍କ ନାମେୟା ? ସବେନ୍ଦକତାଃରେ ବେଗାର୍ ଗନଙ୍ଗେତେ ସୁକୁକାଜିଇଁଙ୍କ ଉଦୁବ୍‌ତାନା, ନେଆଁଗି ଆଇଁୟାଃ ନାଲାତାନାଃ । ଏନାତେ ସୁକୁକାଜି ଉଦୁବ୍ ନାଗେନ୍ତେ ଆଇଁଙ୍କ ଆଇଁୟାଃ ଜେତାନ୍ ଆକ୍‌ତେୟାର୍ କାଇଁଙ୍କ ବେଭାର୍‌କାଦା ।

୧୯ ଆଇଁଙ୍କ ମିହୁଡ୍ ତନଲ୍‌ହେତେ ରାଡ଼ାକାନ୍ ହଡ୍ ତାନିଙ୍ଗ, ଜେତାଏୟାଃ ଦାସି ନାହାଁଲିଙ୍ଗ, ଏନ୍‌ରେୟ ଖ୍ରୀଷ୍ଟରେ ସବେନ୍ଦକକେ ନାମକ ନାଗେନ୍ତେ ଆଇଁଙ୍କ ସବେନ୍ଦକଆଃ କିରିଙ୍ଗଦାସିଙ୍ଗ ହବାକାନା । ୨୦ ଆଇଁଙ୍କ ଯିହୁଦୀ ହଡ୍‌କକେ ଖ୍ରୀଷ୍ଟରେ ନାମକ ନାଗେନ୍ତେ ଇନ୍‌କୁଲଃ ଯିହୁଦୀକ ଲେକା ଚାଇଲ୍ ଚାଲାନ୍ ରିକାତାନିଙ୍ଗ । ମୁଣା ନାବାଆଃ ଆନ୍‌ରୁ ମାନାତିଙ୍ଗତାନକକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଁଙ୍କ ଜେତାନ୍ ଆନ୍‌ରୁରେୟାଃ ଆକ୍‌ତେୟାର୍‌ରେ ବାଙ୍ଗାଲଙ୍ଗରେୟ ଆନ୍‌ରୁରେୟାଃ ଆକ୍‌ତେୟାର୍‌ରେ ମେନାଇଙ୍ଗଲେକା ଚାଇଲ୍ ଚାଲାନ୍ ରିକାତାନିଙ୍ଗ । ୨୧ ଏନ୍‌ଲେକାଗି ଆଇଁଙ୍କ ଆନ୍‌ରୁ ବାନଃ ହଡ୍‌କକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଁଙ୍କ ଇନ୍‌କୁ ଆଲାରେ କାମିତାନ୍ ଇମ୍‌ତା ସାଅଁସାର୍‌କ ଲେକା ଜୀଝାନ୍ ବିତାଅତାନାଇଙ୍ଗ । ନେଆଁରାଃ ମୁଣ୍ଡି ନାହାଁଲାଃ ଯେ, ଆଇଁଙ୍କ ପାରମେଶ୍ଵାରଆଃ ନିୟାମ୍ କାଇଁଙ୍କ ମାନାତିଙ୍ଗତାନା । ସାର୍‌ତିଗି ଆଇଁଙ୍କ ଯାଶୁ ଖ୍ରୀଷ୍ଟଆଃ ନିୟାମ୍‌ରାଃ ଆକ୍‌ତେୟାର୍‌ରେ ମେନାଇୟା । ୨୨ ଅକନ୍‌କ ବିଶ୍ଵାସରେ ନାରାଦୁରା ମେନାକଆ ଇନ୍‌କୁକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଁଙ୍କ ହ୍ ଇନ୍‌କୁଲେକା ହବାୟାନାଇଙ୍ଗ । ଏନାତେ ଆଇଁଙ୍କ ଇନ୍‌କୁକେ ବାଞ୍ଛାଅକ ନାଗେନ୍ତେ ସବେନ୍ଦକତାଃରେ ହବାସାକାଅଃ ଲେକା ଜୀଝାନ୍ ବିତାଅକେଦାଇଙ୍ଗ ।

୨୩ ଆଇଁଙ୍କ ସୁକୁକାଜି ଉଦୁବ୍‌କେଦ୍‌ତେ ଆଶିଷରାଃ ହିସା ନାମେ ନାଗେନ୍ତେ ନେ ସବେନାଃଇଙ୍ଗ ରିକାତାନା । ୨୪ ଜିନିତାଅରେୟାଃ ଏନେଃରେ ପୁରାଃ ହଡ୍‌କ ମେସାନାଃ ମେନ୍ଦଦ ମିହୁଡ୍‌ଗି ନାଲାଏ ନାମେୟା, ଏନା ଚିନାଃ ଆପେ କାପେ ସାରିତାନା ? ଆପେ ନାଲାପେ ନାମେ ଲେକା ନିରେପେ । ୨୫ ଜିନିତାଅରେୟାଃ ଏନେଃ ନାଗେନ୍ତେ

ଇତୁକାନ୍ ହଡ଼କ ସବେନ୍ ଲେକାନ୍ ଇନିତୁତେ ସେକାଡ଼ାକାନ୍‌ଗିକ
 ତାଇନାଃ, ଇନ୍‌କୁ ଜିୟନଃ ବାହାମାଲା ନାମେ ନାଗେନ୍ତେକ କାମିୟାଃ,
 ମେନ୍‌ଦ ଆବୁ କା ଜିୟନଃ ନାଲା ନାମେ ନାଗେନ୍ତେବୁ କାମିୟା ।
 ୨୭ ଏନାମେନ୍ତେ ଆଇଙ୍ଗ୍ ନିର୍ ସେଟେରେ ଠାୟାଦ୍‌କେ ନେଲ୍‌କେଦ୍‌ତେ
 ଏନ୍ତାଃତେ ନିର୍ ସେଟେରେ ନାଗେନ୍ତେ ସିଧାଗିଙ୍ଗ୍ ନିରେତାନା
 । ମୁକାଲାଡ଼ାଇତାନ୍ ହଡ଼ ଲେକା ଆଇଙ୍ଗ୍ ଆଇୟାଃ ମୁକାକେ
 ସାମା ହୟରେ ମୁକା କାଇଙ୍ଗ୍ ସାନାଙ୍ଗ୍‌ତାନା । ୨୭ ଏଟାଃକଡ଼ାଃରେ
 ସୁକୁକାଜି ଉଦୁବ୍‌କେଦ୍‌ରେୟ ଆଇଙ୍ଗ୍ ଆଲକାଇଙ୍ଗ୍ ବାଗ୍‌ଡ଼ାଅଃ
 ମେନ୍ତେ ଦୁକୁ ସାହାତିଙ୍ଗ୍‌କେଦ୍‌ତେ ହଡ଼ମକେଇଙ୍ଗ୍ କେଟେଦ୍‌କେଦା
 ଆଡ଼ଃ ଆଇୟାଃ ଆବର୍‌ରେଇଙ୍ଗ୍ ଦହକାଦା ।

୧୦

ମୁରୁଡ଼କଆଃ ବିରୁଧ୍‌ରେ ତେତାଅ

୧ ହେ ହାଗା ମିଶିକ, ମୁଶା ନାବୀକେ ଅତଙ୍ଗ୍‌କେଦ୍‌ତେ ଆବୁଆଃ
 ପୁରୁଖା ହାଡ଼ାମ୍‌କଆଃ ଚିନାଃ ହବାକାନ୍ ତାଇକେନା ଏନା ଆପେ
 ପାହାମେପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା । ଇନ୍‌କୁକେ ରିମିଲ୍‌ତେ
 ବାଞ୍ଛାଅକାନ୍ ତାଇକେନାକ ଆଡ଼ଃ ଆରାଃ ଦରେୟା ଆଲା ଆଲାତେ
 ବୁଗିଲେକାକ ସେନ୍ ପାରମ୍‌ୟାନା । ୨ ମୁଶା ନାବୀକେ ଅତଙ୍ଗ୍‌ତାନ୍‌କ
 ଲେକା ଇନ୍‌କୁ ସବେନ୍‌କ ରିମିଲ୍‌ ଆଡ଼ଃ ଦରେୟାରେ ବାପ୍ତିସ୍ତାୟାନାକ
 । ୩ ଇନ୍‌କୁ ସବେନ୍‌କ ମିଦ୍ ସାମାନ୍ ଆମ୍‌ରେୟାଃ ଜଜମାଃକ
 ଜମାକାଦା, ୪ ଆଡ଼ଃ ଏନ୍ ମିଦ୍ ସାମାନ୍ ଆମ୍‌ରେୟାଃ ଦାଆଃକ
 ନୁଆକାଦା । ଚିୟାଃଚି ଇନ୍‌କୁଲଃ ସେସେନ୍‌ତାନ୍ ଆମ୍‌ରେୟାଃ
 ଚାଟେନ୍‌ଏତେ ଇନ୍‌କୁ ଆମ୍‌ରେୟାଃ ଦାଆଃ ନୁ ତାଇକେନାକ, ଆଡ଼ଃ
 ଏନ୍ ଚାଟେନ୍ ଯାଶୁ ଖ୍ରୀଷ୍ଟୁ ଚାନିଃ । ୫ ଏନ୍‌ରେୟ ପାରମେଶ୍ଵାର୍
 ଇନ୍‌କୁଏତେ ଚିମିନ୍‌କ ନାଗେନ୍ତେ କାଏ ସୁକୁକାନ୍ ତାଇକେନା
 । ଏନାତେ ଇନ୍‌କୁଆଃ ଗନଏଃ ହଡ଼ମ ବିର୍‌ରେ ନେତେହାନ୍ତେ
 ଛିତିବିତିକାନ୍ ତାଇକେନା ।

୬ ଇନ୍‌କୁ ଲେକା ଏଡ଼କାନ୍ ଉଡ଼ଃ ଆଡ଼ଃ ଏଡ଼କାନ୍ କାମି କା ରିକା
 ନାଗେନ୍ତେ ନାହାଃ, ନେ ସବେନାଃ ନାମୁନା ଲେକା ହବାକେଦ୍‌ତେ
 ଆବୁକେ ତେତାଅବୁ ତାନା, ୭ ଚାଏ ଇନ୍‌କୁଏତେ ଚିମିନ୍‌କ ମୁରୁଡ଼

ସେଞ୍ଜାତାନ୍ କ ହବାୟାନା, ଏନାଲେକା ଆପେ ଆଲ୍‌ପେ ହବାଅଃଆ, ଧାରାମ୍‌ପୁଅରେ ଅଲ୍‌କାନା : “ହଡ଼କ ଜମ, ନୁଁ ନାଗେନ୍ତେକ ଦୁବ୍‌ୟାନା, ଏନ୍ତେ ତିଜ୍ଜୁକେଦ୍‌ତେ ସୁସୁନ୍‌ତାନ୍‌ଲଃ ଏଡ଼କାନ୍ ରିନ୍ ରାଙ୍ଗ୍‌ରେକ ବୁଲ୍‌ୟାନା ।” ୮ ଇନ୍‌କୁଏତେ ଚିମିନ୍‌କ ଆପାଙ୍ଗ୍‌ର କାମିକେଦ୍ ହରାତେ ମୁସିଙ୍ଗ୍‌ରେ ମିଦ୍‌ହିସି ଆପି ହାଜାର୍ ହଡ଼କ ଗଏଃୟାନା । ଏନ୍‌ଲେକା ପାପ୍ କାମି ଆବୁ ଆଲ୍‌କାବୁ କାମିକା । ୯ ଇନ୍‌କୁଏତେ ଚିମିନ୍‌କ ପ୍ରାଭୁକେ ବିଡ଼ାଅକିଃ ହରାତେ ବିଙ୍ଗ୍ ହାବ୍‌ତେକ ଗଏଃୟାନା । ଏନ୍‌ଲେକା ଆବୁ ଖ୍ରୀଷ୍ଟକେ ଆଲ୍‌କାବୁ ବିଡ଼ାଅଇକା । ୧୦ ଇନ୍‌କୁଏତେ ଚିମିନ୍‌କ ପାର୍‌ମେଶ୍ୱାରୁଆଃ ବିରୁଧ୍‌ରେ କୁରୁମ୍‌ତୁରୁମ୍‌ୟାନାକ, ଆଡ଼ଃ ଜିୟନ୍‌କତାନ୍ ଦୁଡ଼ ଇନ୍‌କୁକେ ଗଏଃକେଦ୍‌କଆ । ଆପେ ଏନ୍‌ଲେକା କାଜି ଆଲ୍‌ପେ ଜାଗାରେୟା ।

୧୧ ଇନ୍‌କୁଆଃ ନାଗେନ୍ତେ ନେ ସବେନାଃ ନାମୁନା ଲେକା ହବାୟାନା, ଆଡ଼ଃ ଆବୁକେ ତେତାଅ ନାଗେନ୍ତେ ଏନା ସବେନାଃ ଅଲ୍‌କାନା । ଚିୟାଃଚି ଆବୁ ଲାଗ୍‌ଭାଗ୍ ଚୁଣ୍ଟୁ ଦିପିଲିରେ ସେଟେରକାନାରୁ ।

୧୨ ଏନାତେ ଜେତାଏ ଆପାନ୍‌କେ ତିଜ୍ଜୁ କେଟେଦ୍‌କାନାଇଙ୍ଗ୍ ମେନ୍ତେ ଉଡ଼ଃନିଃ, ଆଲ୍‌କାଏ ଉୟୁଗଃକା ମେନ୍ତେ ଚିର୍ଗାଲ୍‌କାନ୍ ତାଇନ୍‌କାଏ । ୧୩ ହଡ଼କକେ ହବାଅଃତାନ୍ ବିନିଡ଼ାଅ ବାଗିକେଦ୍‌ତେ ଆଡ଼ଃ ଏଗାଃଲେକାନ୍ ବିନିଡ଼ାଅରେ ଆପେ କାପେ ଉୟୁଃକାନା । ମେନ୍‌ଦ ପାର୍‌ମେଶ୍ୱାର୍ ଆୟାଃ ବାନାର୍‌ସା ଦହ ନାଗେନ୍ତେ ପାତିୟାରଃ ଲେକାନ୍‌ନିଃ ତାନିଃ । ଏନାମେନ୍ତେ ଇନିଃ ଆପେକେ କା ସାହାତିଙ୍ଗ୍‌ୟେଁ ଲେକାନ୍ ବିନିଡ଼ାଅରେ କାଏ ଉୟୁଃପେୟା । ଆପେୟାଃ ବିନିଡ଼ାଅ ଇମ୍‌ତା ସାହାତିଙ୍ଗ୍ ନାଗେନ୍ତେ ପାର୍‌ମେଶ୍ୱାର୍ ଆପେକେ ପେଡ଼େଃ ଏମାପେୟାଏ ଆଡ଼ଃ ବାଞ୍ଛାଅଃ ନାଗେନ୍ତେ ହରାଏ ଉଦୁବାପେୟା ।

୧୪ ଏନାମେନ୍ତେ ହେ ଦୁଲାଡ଼କ, ଆପେ ମୁରୁଡ଼ ସେଞ୍ଜା ବାଗିପେ । ୧୫ ଆଇଙ୍ଗ୍ ଆପେକେ ସେଣ୍ଟାନ୍ ହଡ଼କକେ କାଜିତାନ୍ ଲେକାଇଙ୍ଗ୍ କାଜିପେତାନା, ଆଇଙ୍ଗ୍ ଆପେକେ କାଜିପେତାନ୍‌ତେୟାଃ ଆପେଗି ବିଚାରେପେ । ୧୬ ✽ଆବୁ ପ୍ରାଭୁଭୋଜିରେ ବାଉରାଅତାନ୍ କାଟୋରା ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍‌ଧାବାଦ୍ ଏମାଃବୁ ।

✽ ୧୦:୧୭ ୧୦:୧୭ ମାଥୁଭ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦.

ନେ କାଟୋରାଏତେ ନୁଁ ଇମ୍ତା ଆବୁ ଖ୍ରୀଷ୍ଟିଆଃ ମାୟୋମ୍ରେ ହିସାବୁ ଇଦିତାନା । ଆତଃ ହଲଙ୍ଗ୍ କେତାଃକେଦ୍ତେ ଜମ୍କେଦ୍ ହରାତେ ଆବୁ ଖ୍ରୀଷ୍ଟିଆଃ ହଡ଼ମ୍ରେ ହିସାବୁ ଇଦିତାନା । ^{୧୭} ଚିୟାଃଚି ଆବୁ ପୁରାଃଗି ମେନାଃବୁରେୟ୍ ମିଆଁଦ୍ଗି ହଲଙ୍ଗ୍ ମେନାଃ ହରାତେ ଆବୁ ମିଆଁଦ୍ ହଡ଼ମ୍ରେ ହବାଅଃଆ ଚିୟାଃଚି ଆବୁ ସବେନ୍ଦକ ଏନ୍ ମିଆଁଦ୍ ହଲଙ୍ଗ୍ରେ ହିସାବୁ ଇଦିତାନା ।

^{୧୮} ଇସ୍ରାଏଲ୍ ହଡ଼କଆଃ ବିଷାଏରେ ଉଡ଼ୁଏପେ, ଇନ୍କୁଏତେ ଅକନ୍ଦକ ଦାଣ୍ଡୋରାକାବ୍କାନ୍ ମାସ୍ ଜମାଃକ ଇନ୍କୁ ଚିନାଃ ବେଦିରେୟାଃ ସାଙ୍ଗାତିରେ କାକ ମେସାନାଃ ? ^{୧୯} ମୁରୁଡ଼ ଚାଏ ଏନାରେ ଦାଣ୍ଡୋ ରାକାବାକାନ୍ ଜମେୟାଃରେୟାଃ ଜେତାନ୍ ଗନଙ୍ଗ୍ ମେନାଃ ମେନ୍ତେ ଚିନାଃ ଆଇଙ୍ଗ୍ କାଜିତାନାଇଙ୍ଗ୍ ? ^{୨୦} କାହାଗି, ଆଇଁୟାଃ କାଜିରାଃ ମୁଣ୍ଡି ହବାଅଃତାନା, ମୁରୁଡ଼ ସେଞ୍ଜାତାନ୍ଦକ ଦାଣ୍ଡୋ ରାକାବାକାଦ୍ତେୟାଃ ପାର୍ମେଶ୍ଵାର୍ଆଃ ନାଗେନ୍ତେଦ କାହା, ମେନ୍ଦ୍ଦ ବଙ୍ଗାକଆଃ ନାଗେନ୍ତେ ଦାଣ୍ଡୋକ ରାକାବାକାଦା । ବଙ୍ଗାକଲଃ ଆପେୟାଃ ଜେତାନ୍ ମେନେସା ତାଇନଃକା ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ତାନା । ^{୨୧} ପ୍ରାଭୁ ଆତଃ ବଙ୍ଗା, ନେ ବାରାନ୍ଦକିନାଃ କାଟୋରାରେ ମିସାତେ ଆପେ ନୁଁ କାପେ ଦାଡ଼ିୟାଃ । ପ୍ରାଭୁ ଆତଃ ବଙ୍ଗା, ନେ ବାରାନ୍ଦକିନ୍ଲଃ ମିସାତେ ମିଆଁଦ୍ ଟେବୁଲ୍ରେ ଆପେ କାପେ ଜମ୍ ଦାଡ଼ିୟାଃ । ^{୨୨} ଚାଏ ଆବୁ ଚିନାଃ ପ୍ରାଭୁଆଃ ମନ୍ରେ ହିସ୍ଙ୍ଗା ବିରିଦ୍କା ମେନ୍ତେବୁ ସାନାଙ୍ଗ୍ତାନା ? ଆବୁ ଚିନାଃ ପ୍ରାଭୁତାଃଏତେ ପୁରାଃ ପେଡ଼େୟାନ୍ରିୟାବୁ ?

^{୨୩} ✧ ଇନ୍କୁ, ଆବୁକେ ସବେନାଃ କାମି ନାଗେନ୍ତେ ଆବୁକାନା ମେନ୍ତେକ କାଜିତାନା । ସାର୍ତି କାଜିତାନାଃ, ମେନ୍ଦ୍ଦ ସବେନାଃ ବୁଗିନାଃ ନାହାଁଲାଃ । ଆବୁ ସବେନାଃ କାମି ଦାଡ଼ିୟାଃବୁ, ମେନ୍ଦ୍ଦ ସବେନାଃ ଦେଙ୍ଗାବୁ ଲେକାନାଃ ନାହାଁଲାଃ । ^{୨୪} ଜେତାଏ ଆପାନାଃ ବୁଗିନାଃ ନାଗେନ୍ତେ ଏସ୍କାର୍ କା ନେଲ୍କେଦ୍ତେ, ସବେନ୍ଦକଆଃ ବୁଗିନାଃ ନାଗେନ୍ତେୟ୍ ନେଲ୍ ଲାଗାତିଙ୍ଗ୍ୟାଃ ।

^{୨୫} ଆପେୟାଃ ବିବେକ୍ରେ ଜେତାନ୍ କୁନ୍ତୁଲି କା ଦହକେଦ୍ତେ ପିର୍ରେ ଆଖ୍ରିଙ୍ଗ୍ୟାଃତାନ୍ ମାସ୍କେ ବେଗାର୍ ଆଡ଼ାଃଉଡ଼ୁକେଦ୍ତେ

ଜମ୍ ଦାଡ଼ିୟାପେ । ୨୭ ଚିୟାଃଚି ଧାରାମପୁଅରେ ଅଲକାନା, “ଅତେ ଆଡ଼ଃ ଏନାରେୟାଃ ସବେନାଃ ପ୍ରାଭୁଆଃ ତାନାଃ ।”

୨୭ କା ବିଶ୍ୱାସ୍ତାନ ଜେତା ହତ ଆପେକେ ଜେଡ଼ନାଃଚି ଜମ୍ ନାଗେନ୍ତେ ନେଅଁତାପେରେଦ, ଆପେ ଆପେୟାଃ ବିବେକ୍ରେ ବେଗାର୍ ଆଡ଼ଃଉଡ଼଼ୁକେଦ୍ତେ ଜମେପେ । ୨୮ ଜେତାଏ ମୁରୁଡ଼ତାଃରେ ଦାଣ୍ଟି ରାକାବାକାନ୍ ପାର୍ସାଦ୍ ତାନାଃ ମେନ୍ତେ କାଜିପେରେ, ଇନିୟାଃ ବୁଗିନାଃ ନାଗେନ୍ତେ ଆଡ଼ଃ ବିବେକ୍ ହରାତେ ଏନା ଆଲ୍ପେ ଜମେୟାଁ । ୨୯ ନେତାଃରେ ଆପେୟାଃ ବିବେକ୍ ନାଗେନ୍ତେ କାଲ୍ପ କାଜି, ମେନ୍ଦ୍ ଏଟାଃନିୟାଃ ବିବେକ୍ ନାଗେନ୍ତେଇଲ୍ କାଜିପେତାନା ।

ହବାସାକାଅଆଃ, ଆପେ ଆଇଲ୍ପକେ କୁଲି ଦାଡ଼ିୟାଃପେ, “ଆଇୟାଃ ରାଡ଼ାକାନ୍ତେୟାଃ ଚିନାଃମେନ୍ତେ ଏଟାଃକଆଃ ବିବେକ୍ତେ ବିଚାରଃଆ ? ୩୦ ଆଇଲ୍ ପାର୍ମେଶ୍ୱାର୍କେ ଧାନ୍ୟାବାଦ୍ ଏମ୍କେଦ୍ତେ ଜମେୟାଁଃରେ ହିସା ଇଦିରେ, ଆଇଲ୍ପକେ ଅକଏ ଚିନାଃମେନ୍ତେ ନିନ୍ଦାୟାଏ ?”

୩୧ ଏନାମେନ୍ତେ ଆପେ ଜମେ, ନୁଁଏ ଚାଏ ଜେଡ଼ନାଃଚିପେ କାମି, ଏନା ପାର୍ମେଶ୍ୱାର୍ଆଃ ମାନାରାଲ୍ ନାଗେନ୍ତେ କାମିପେ । ୩୨ ଏଟାଃ ଦିଶୁମ୍ରେନ୍ ଯିହୁଦୀ, ସାଅଁସାର୍ ଚାଏ ପାର୍ମେଶ୍ୱାର୍ଆଃ କାଲିସିୟାକକେ ଆପେ ଆଲ୍ପେ ତହ୍ଦଇଚିକଆ । ୩୩ ଆପେ ଆଇୟାଃ ଚାଇଲ୍ ଚାଇଲ୍ ଲେକା ତାଇନଃପେ । ଆଇଲ୍ ସବେନ୍ ବିଷାଏରେ ସବେନ୍କଆଃ ସୁକୁ ହବାଅଃକା ମେନ୍ତେଇଲ୍ ସାନାଲ୍ତାନା । ଆଇଲ୍ ଆଇୟାଃ ନାଗେନ୍ତେ କା ଉଡ଼଼ୁକେଦ୍ତେ, ଏଟାଃକଆଃ ଜୀଉ ବାସ୍ତାଅଃକା ମେନ୍ତେ ସବେନ୍କଆଃ ନାଲ୍ ବୁଗିନାଃଇଲ୍ କାମିକାଦା ।

୧୧

୧ *ଆଇଲ୍ ଯାଶୁ ଶ୍ରୀଷ୍ଟିଆଃ ନାମୁନା ଅତଲ୍ପକାଦ୍ ଲେକା ଆପେୟ ଆଇୟାଃ ନାମୁନାକେ ଅତଲ୍ପୟେ ।

ବିକ୍ରିତାନ୍ ଇମ୍ତା ବହଃ ଗୁଗ୍ଲୁ

☆ ୧୧:୧ ୧୧:୧ ୧ କବିଚ୍ଛିନ୍ଦ ୪:୧୭; ଫିଲିପିୟ ୩:୧୭.

୨ ଆଇଙ୍ଗ ଆପେୟାଃ ସାହାରାଅ ତାନାଇଙ୍ଗ, ଚିୟାଃଚି ଆପେ ସବେନ୍ ଇମ୍ତା ଆଇଙ୍ଗକେ ପାହାମିଙ୍ଗତାନାପେ ଆତଃ ଆଇଙ୍ଗ ଆପେକେ ଏମାକାଦ୍ ସବେନ୍ ଇନିତୁ ମାନାତିଙ୍ଗତାନାପେ । ୩୧ ମେନ୍ଦ୍ ଖ୍ରୀଷ୍ଟ୍ ସବେନ୍ ହଡକଆଃ ବହଃ ଲେକାନନିଃ ତାନିଃ, ହଡ, କୁଡିରାଃ ବହଃ ଲେକାନନିଃ ତାନିଃ ଆତଃ ପାରମେଶ୍ଵାର୍ ଖ୍ରୀଷ୍ଟ୍ଆଃ ବହଃ ତାନିଃ, ମେନ୍ତେ ଆପେ ଆଟ୍‌କାରଉରୁମେପେ ମେନ୍ତେ ଆଇଙ୍ଗ ସାନାଙ୍ଗତାନା । ୪ ଜେତାଏ ହଡ ବହଃ ଗୁଗ୍‌ଲୁକେଦତେ ବିଚ୍ଛିୟା ଚାଏ ପାରମେଶ୍ଵାର୍ଆଃ କାନାଜି ଉଦୁବେତାନରେଦ, ଇନିଃ ଆପ୍‌ନାଃ ବହଃ ଅକଏଚି ଖ୍ରୀଷ୍ଟ୍ ତାନିଃ, ଇନିଃକେ କାଏ ମାଇନି ତାନା । ୫ ଆତଃ ଜେତାଏ କୁଡି ଆୟାଃ ବହଃକେ ବେଗାର୍ ଗୁଗ୍‌ଲୁକେଦତେ ବିଚ୍ଛିତାନରେଦ, ଚାଏ ପାରମେଶ୍ଵାର୍ଆଃ କାନାଜି ଉଦୁବେତାନରେଦ, ଇନିଃ ଆପ୍‌ନାଃ ବହଃ ଅକଏଚି ଆୟାଃ କଡା ତାନିଃ, ଇନିଃକେ କାଏ ମାଇନି ତାନା । ଏନ୍‌ଲେକାନ କୁଡି ଆତଃ ବହଃରେ ଉଦ୍ ବାନଃ କୁଡି, ନେ ବାରାନ୍‌କିନାଃ ଆଲାରେ ଜେତାନ୍ ଏଟାଃ ବାନଃଆ । ୬ ଜେତା କୁଡି ଆୟାଃ ବହଃକେ ଗୁଗ୍‌ଲୁ କାଏ ସାନାଙ୍ଗରେଦ, ଆୟାଃ ବହଃରେୟାଃ ଉଦ୍ କାଇଚିୟଃକାଏ । ମେନ୍ଦ୍ ଉଦ୍ କାଇଚିନ୍ ଚାଏ ଉଦ୍ ଠାଟୁନ୍‌ତେୟାଃ କୁଡି ନାଗେନ୍ତେ ଗିହୁଗାନ୍ ଲେକାନାଃ ତାନାଃରେଦ, ଇନିଃ ବହଃ ଗୁଗ୍‌ଲୁନ୍‌କାଏ । ୭ କଡାକେ ଆୟାଃ ବହଃ ଗୁଗ୍‌ଲୁନ୍ କା ଲାଗାତିଙ୍ଗୟାଃ, ଚିୟାଃଚି ପାରମେଶ୍ଵାର୍ଆଃ ମୁରୁଦ୍ ଆତଃ ମାନାରାଙ୍ଗ ଇନିଃତାଃରେ ଚାକ୍‌ମାକାଆଃ ତାନା, ଆତଃ କୁଡି, କଡାରାଃ ମାନାରାଙ୍ଗ ଲେକାନନିଃ ତାନିଃ । ୮ କଡାଦ, କୁଡିତାଃଏତେ କାଏ ବାଇୟାକାନା, ମେନ୍ଦ୍ କୁଡି, କଡାତାଃଏତେ ବାଇୟାକାନା । ୯ କୁଡି ନାଗେନ୍ତେ କଡା କାଏ ବାଇୟାକାନା, ମେନ୍ଦ୍ କଡା ନାଗେନ୍ତେ କୁଡି ବାଇୟାକାନା । ୧୦ ଏନାମେନ୍ତେ ଦୁଡକଆଃ ହରାତେ କୁଡି ଆୟାଃ କଡାରାଃ ଆକ୍‌ତେୟାରରେ ମେନାଇୟା ମେନ୍ତେ ଉଦୁବେନ୍ ନାଗେନ୍ତେ ଇନିଃ ଆୟାଃ ବହଃକେ ଗୁଗ୍‌ଲୁ ଲାଗାତିଙ୍ଗୟାଃ । ୧୧ ଏନ୍‌ରେୟ, ପ୍ରାଭୁଆଃ ମେନେସାରେ କଡା, କୁଡିତାଃଏତେ କାଏ ରାଡାକାନା, ଚାଏ କୁଡି, କଡାତାଃଏତେ କାଏ ରାଡାକାନା । ୧୨ ଚିୟାଃଚି କୁଡି, କଡାତାଃଏତେ ବାଇୟାକାନା, ଏନ୍‌ଲେକାଗି କଡାହଗି କୁଡିତାଃଏତେ ଜାନାମାକାନା । ମେନ୍ଦ୍ ପାରମେଶ୍ଵାର୍ ସବେନ୍‌କଆଃ ବାବାଇନିଃ ତାନିଃ ।

୧୩ ଆପେ ଆପେଗି ବିଚାରେପେ, ବହଃ କା ଗୁଗ୍ଲୁକେଦତେ ପାରମେଶ୍ଵରଆଃ ଆୟାରରେ ବିକ୍ରିତେୟାଃ କୁଡ଼ି ନାଗେନ୍ତେ ତିନାଃ ବୁଗିନାଃ ତାନାଃ ? ୧୪ ଜିଲିଙ୍ଗ ଉର୍, କଡ଼ା ନାଗେନ୍ତେ ଗିହୁଗଃତେୟାଃ ତାନାଃ, ମେନ୍ତେ ତିନାଃ ନେ ସଭାବ୍ ଆପେକେ କାଏ ଇତୁପେ ତାନା ? ୧୫ ମେନ୍ଦ କୁଡ଼ିକେ ଜିଲିଙ୍ଗ ଉର୍ ଦହଲେରେ, ଆୟାଃ ନାଗେନ୍ତେ ସୁଗାଡ଼ାନ୍ ବିଷାଏ ତାନାଃ । ଚିୟାଃତି ନେ ଜିଲିଙ୍ଗ ଉର୍ ଇନିଃକେ ବହଃ ଗୁଗ୍ଲୁଃ ନାଗେନ୍ତେ ଏମାକାନା । ୧୬ ମେନ୍ଦ ଜେତାଏ ନେ ବିଷାଏରେ କାପୁଜି ସାନାଙ୍ଗରେଦ, ଆରୁଆଃ ଆଲାରେ ଚାଏ ପାରମେଶ୍ଵରଆଃ କାଲିସିୟାରେ ସେଞ୍ଜାତାନ୍ ଇମତା ନେ ଲେକାନ୍ ରିତିରିଞ୍ଜାନ୍ ବାଗିକେଦତେ ଆତଃ ଏଟାଃ ରିତିରିଞ୍ଜାନ୍ ବାନଃଆ, ମେନ୍ତେ ଇନିଃ ସାରିକାଏ ।

ପ୍ରାଭୁଭୋଜ୍

(ମାଥୁଜ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ଆପେ ସେଞ୍ଜା ନାଗେନ୍ତେ ମିଦ୍ତାଃରେ ହୁଣ୍ଡିନ୍ ଇମତା, ନେଆଁ ଆପେୟାଃ ନାଗେନ୍ତେ ବୁଗିନାଃ କା ହବାକେଦତେ ଏଡ଼କାନାଃ ହବାଅଃତାନା । ଏନାମେନ୍ତେ ଆଇଙ୍ଗ୍ ଆପେକେ କାଇଙ୍ଗ୍ ସାହାରାଅପେ ତାନା । ୧୮ ସବେନାଃଏତେ ସିଦା, ଆପେ କାଲିସିୟାରେ ଗିର୍ଜା ନାଗେନ୍ତେ ମିଦ୍ତାଃରେ ହୁଣ୍ଡିନ୍ ଇମତା ଆପେ ଆଲାରେ ବିପିଙ୍ଗାଅ ହବାଅଃତାନା ମେନ୍ତେଇଙ୍ଗ୍ ଆୟୁମକାଦା, ନେଆଁ ସାର୍ତ୍ତିଗି ତାନାଃ ମେନ୍ତେଇଙ୍ଗ୍ ବିଶ୍ଵାସ୍ ତାନା । ୧୯ ପାରମେଶ୍ଵରଆଃ ଆୟାରରେ ଅକଏ ମାଇନ୍ ନାମେନିଃ ତାନିଃ, ଏନା ସାରିୟଃ ନାଗେନ୍ତେ ଆପେ ଆଲାରେ ବିପିଙ୍ଗାଅ ହବାଅଃଗି ଲାଗାତିଙ୍ଗ୍ୟାଃ, ଏନାରେ ଜେତାନ୍ ଆଡ଼ାଃଉଡ଼ୁ ବାନଃଆ । ୨୦ ଚିମ୍ତା ଆପେ ମିଦ୍ ଝୁଣ୍ଡ୍ ଲେକା ମିଦ୍ତାଃରେ ହୁଣ୍ଡିକେଦତେ ଜମତାନ୍ତେୟାଃ ପ୍ରାଭୁଭୋଜ୍ ମେନ୍ତେପେ ଉଡ଼ୁତାନା, ଏନା ପ୍ରାଭୁଭୋଜ୍ ନାହାଁଲାଃ, ୨୧ ଚିୟାଃତି ଆପେ ସବେନ୍ଦକ ଆପେୟାଃ ଜଜମାଃ ଜମତାନ୍ ଇମତା, ମିହୁଡ୍ ରେଙ୍ଗେଃଗି ତାଇନଃତାନ୍ ଇମତା ଏଟାଃ ମିହୁଡ୍ ଇଲିଆର୍ଗ୍ରେ ବୁଲଃତାନା । ୨୨ ଜମ୍ ନୁଁ ନାଗେନ୍ତେ ଆପେୟାଃ ଅଡ଼ାଃ ତିନାଃ ବାନଃଆ ? ଚାଏ ଆପେ ତିନାଃ ପାରମେଶ୍ଵରଆଃ କାଲିସିୟାକେ ହିଲାଙ୍ଗ୍ୟେଁ ତାନାପେ ? ଆତଃ ଅକଏୟାଃ ବାନଃଆ ଏନ୍ ହଡ଼କକେ

ଗିହୁଃକ ତାନାପେ ? ଆଇଙ୍ଗ ଆପେକେ ଚିନାଃ ମେତାପେୟାଈଙ୍ଗ ? ଚିନାଃ ଆପେୟାଃ ସାହାରାଅ ରିକାୟାଈଙ୍ଗ ? କାହାଗି, ନେ ବିଷାଏରେ ଆଇଙ୍ଗ ଆପେୟାଃ ସାହାରାଅ କାଈଙ୍ଗ ରିକା ଦାଡ଼ିୟା ।

୨୩ ଚିୟାଃଚି ନେ ବିଷାଏରେ ଆଇଙ୍ଗ ପ୍ରାଭୁତାଃଏତେ ନାମାକାଦ୍ ଈନିତୁ ଆପେକେଈଙ୍ଗ ଉଦୁବାପେ ତାନା । ପ୍ରାଭୁ ଯାଶୁ ବାଇରିକଆଃ ତିଃଇରେ ଜିମାଅଃ ନିଦାରେ ହଲଙ୍ଗ ଈଦିକେଦ୍ତେ, ୨୪ ପାର୍ମେଶ୍ଵାରକେ ଧାନ୍ୟାବାଦ୍ ଏମକିୟାଏ, ଆତଃ ଏନା କେତାଃକେଦ୍ତେ କାଜିକେଦାଏ, “ନେଆଁ ଆପେୟାଃ ନାଗେନ୍ତେ ଆଇଁୟାଃ ହଡ଼ମ ତାନାଃ, ଆଇଙ୍ଗକେ ପାହାମିଙ୍ଗ ନାଗେନ୍ତେ ନେଆଁ ରିକାଏପେ ।” ୨୫ ଏନ୍ଲେକାଗି ଜମ୍ବକେଦ୍ ତାୟମ୍ତେ, ଈନିଃ କାଟୋରା ଈଦିକେଦାଏ ଆତଃ କାଜିକେଦାଏ, “ନେ କାଟୋରା ଆଇଁୟାଃ ମାୟୋମ୍ତେ ବାଇୟାକାନ୍ ପାର୍ମେଶ୍ଵାରଆଃ ନାଞ୍ଜା ରାଜିନାମା ତାନାଃ । ଆପେ ଚିମ୍ତାଙ୍ଗ ନେଆଁ ନୁଁୟାପେ ଈମ୍ତାଙ୍ଗ ଆଇଙ୍ଗକେ ପାହାମିଙ୍ଗ ନାଗେନ୍ତେ ନେଆଁ ରିକାଏପେ ।”

୨୬ ନେଆଁତେ ଆଟ୍‌କାରଃ ତାନା, ଆପେ ଚିମିନ୍ଧାଅଁ ନେ ହଲଙ୍ଗ ଜମେୟାପେ ଆତଃ ନେ କାଟୋରାଏତେ ନୁଁୟାପେ, ଈମିନ୍ଧାଅଁ ଆପେ ପ୍ରାଭୁଆଃ ହିନିଜୁଃ ସେଟେର୍ ଜାକେଦ୍ ଆୟାଃ ଗନଏଃରାଃ କାଜିପେ ଉଦୁବେୟା । ୨୭ ଏନାତେ ଜେତାଏ ସଡ଼ରାକେଦ୍ତେ ପ୍ରାଭୁଆଃ ନେ ହଲଙ୍ଗକେ ଜମେନିଃ ଚାଏ ନେ କାଟୋରାଏତେ ନୁଁଏନିଃ ପ୍ରାଭୁଆଃ ହଡ଼ମ ଆତଃ ମାୟୋମ୍ତେୟାଃ ବିରୁଧ୍ରେ ପାପ୍‌କେଦ୍ତେ ଚିଟାଅଃଆ । ୨୮ ଏନାତେ ଆପେ ସବେନକ ଆପାନ୍‌କେ ବିଡ଼ାଅକେଦ୍ ତାୟମ୍ତେ, ନେ ହଲଙ୍ଗକେ ଜମେପେ ଆତଃ କାଟୋରାଏତେ ନୁଁଏପେ । ୨୯ ଚିୟାଃଚି ଜେତାଏ ହଡ଼ ପ୍ରାଭୁଆଃ ହଡ଼ମରାଃ ସାର୍‌ତି ମୁଣ୍ଡି କା ଆଟ୍‌କାର୍ ଉରୁମ୍‌କେଦ୍ତେ, ଜମ୍, ନୁଁଏନିଃ ସାର୍‌ତିଗି ସାଜାଇ ନାମେୟାଏ । ୩୦ ଏନାମେନ୍ତେ ଆପେକଏତେ ଚିମିନ୍ ହଡ଼କ ପୁରାଃଗି ନାରାଦୁରା, ବେମ୍‌ରିୟା ଆତଃ ପୁରାଃ ହଡ଼କ ଗଜାକାନା । ୩୧ ମେନ୍‌ଦ ଆରୁ ଆପାନ୍‌କେ ସିଦାରେଗିରୁ ବିଚାର୍ କାନ୍‌ରେଦ୍, ଆରୁ ପାର୍ମେଶ୍ଵାରଆଃ ବିଚାର୍‌ରେ କାରୁ ବିଚାରଃତେୟାଃ । ୩୨ ଅତେଦିଶ୍ଵମରାଃ ଟୁଣ୍ଡ ସାଜାଇଏତେ ଆରୁକେ ବାଞ୍ଜାଅରୁ ନାଗେନ୍ତେ ପ୍ରାଭୁ ଆରୁକେ ସାଜାଇ ଏମ୍‌କେଦ୍ତେ ସତଃବୁତାନା ।

୩୩ ଏନାତେ ହେ ହାଗା ମିଶିକ, ଆପେ ପ୍ରାଭୁଭୋଜ୍ ନାଗେନ୍ତେ
 ହୁଣ୍ଡିନ୍ ଇମତା ସବେନ୍କକେ ତାଜିକପେ । ୩୪ ଆପେୟାଃ
 ହୁଣ୍ଡିନ୍ତେୟାଃ ସାଜାଇ ନାମେ ନାଗେନ୍ତେ ଆଲକା ହବାଅଃକା
 । ଏନାତେ ଜେତାଏ ରେଜେଜଃ ତାନ୍ରେଦ, ଇନିଃ ଅଡ଼ାଃରେ
 ଜମେକାଏ । ଆତଃ ଏଟାଃତେୟାଃକ ଆଇଙ୍ଗ୍ ହିଜୁଃରେ
 ଉଦୁବାପେୟାଈଙ୍ଗ୍ ।

୧୨

ପାବିତାର୍ ଆମ୍ବାତାଃଏତେ ବାରଦାନ୍

୧ ଆଇଁୟାଃ ହାଗା ମିଶିକ ପାବିତାର୍ ଆମ୍ବାତାଃଏତେ ବାରଦାନ୍
 ବିଷାଏରେ ଆଇଙ୍ଗ୍ ଆପେକେ ସାରୁତିତେୟାଃ ଉଦୁବ୍ ନାଗେନ୍ତେଇଙ୍ଗ୍
 ସାନାଙ୍ଗ୍ତାନା । ୨ ଆପେ ସାଅଁସାରକ ତାଇକେନାପେ ଇମତା
 ଜୀଉ ବାନଃ ମୁରୁଡ଼କକେ ସେଞ୍ଜାକେଦ୍ତେ ହରା ଆଦାକାଦ୍
 ତାଇକେନାପେ, ଏନାପେ ସାରିତାନା । ୩ ଏନାମେନ୍ତେ ଆପେକେ
 ସାରି ଲାଗାତିଙ୍ଗ୍ୟାଃ, ପାରମେଶ୍ୱାର୍ଆଃ ଆମ୍ବାତେ ସେସେନ୍ତାନ୍
 ହଡ଼ “ୟାଶୁ ସାରପାଅଃକାଏ” ମେନ୍ତେ ଜେତାଏ କାକ କାଜି ଦାଡ଼ିୟା
 । ଆତଃ ପାବିତାର୍ ଆମ୍ବାକେ କା ନାମକେଦ୍ତେ “ୟାଶୁ ପ୍ରାଭୁ” ତାନିଃ
 ମେନ୍ତେ ଜେତାଏ କାକ କାଜି ଦାଡ଼ିୟା ।

୪ ✧ ପାବିତାର୍ ଆମ୍ବାରେୟାଃ ବାରଦାନ୍ ରାକାମ୍ ରାକାମ୍ ମେନାଃ,
 ମେନ୍ଦ ଏନ୍ ମିଆଁଦ୍ ପାବିତାର୍ ଆମ୍ବା ଏନ୍ ସବେନାଃ ଏମାଃଏ ।
 * ରାକାମ୍ ରାକାମ୍ ସେଞ୍ଜା ମେନାଃରେୟ ମିଆଁଦ୍ଗି ପ୍ରାଭୁଆଃ ସେଞ୍ଜା
 ହବାଅଃତାନା । ୬ କାମି ରିକାରେୟାଃ ପେଡ଼େଃ ରାକାମ୍ ରାକାମ୍
 ମେନାଃ, ମେନ୍ଦ ମିଆଁଦ୍ଗି ପାରମେଶ୍ୱାର୍ ଏନ୍ ସବେନାଃରେୟାଃ
 ପେଡ଼େଃ ଏମାଃଏ । ୭ ସବେନ୍କଆଃ ବୁଗିନାଃ ନାଗେନ୍ତେ ମିମିଆଦ୍
 ହଡ଼କଆଃ ଆଲ୍ଲାରେ ପାବିତାର୍ ଆମ୍ବାରେୟାଃ ପେଡ଼େଃ ରାକାମ୍
 ରାକାମ୍ ଲେକାତେ ଉଦୁବଃଆ । ୮ ଚିୟାଃତି ମିହୁଡ଼କେ ପାବିତାର୍
 ଆମ୍ବାରେୟାଃ ସାୟାଦ୍ତେ ସେଣ୍ଡାନ୍ରାଃ କାଜି ଆତଃ ଏଟାଃ
 ଆତଃମିହୁଡ଼କେ ଏନ୍ ପାବିତାର୍ ଆମ୍ବାରେୟାଃ ଇନିତୁ ଲେକାତେ
 ବୁଞ୍ଚିରେୟାଃ କାଜି ଏମାଃଏ । ୯ ଏନ୍ ମିଆଁଦ୍ ପାବିତାର୍ ଆମ୍ବାଗି
 ମିହୁଡ଼କେ ବିଶ୍ୱାସ୍, ଆତଃମିହୁଡ଼କେ ହଡ଼କକେ ବୁଗିକ ନାଗେନ୍ତେ

✧ ୧୨:୪ ୧୨:୪ ରୋମି ୧୨:୭-୮.

ପେଡ଼େଃ ଏମାଃଏ । ୧୦ ଚିମିନ୍ଦକକେ ଆକ୍‌ଦାନ୍ଦାଅ କାମି ରିକା ନାଗେନ୍ତେ ପେଡ଼େଃ ଏମାଃଏ, ଚିମିନ୍ଦକକେ ପାର୍‌ମେଶ୍ଵାର୍‌ଆଃ ଆୟାର୍‌କାଜି କାଜି ନାଗେନ୍ତେ ପେଡ଼େଃ ଏମାଃଏ, ଚିମିନ୍ଦକକେ ପାବିତାର୍‌ ଆମ୍‌ ଆଡ଼ଃ ଏଡ଼କାନ୍ ଆମ୍‌କକେ ନେଲ୍‌ଉରୁମ୍‌ରେୟାଃ ପେଡ଼େଃ ଏମାଃଏ, ଚିମିନ୍ଦକକେ ରାକାମ୍ ରାକାମ୍ ନାଞ୍ଜା ଜାଗାର୍‌ତେ ଜାଗାର୍ ନାଙ୍ଗ୍ ପେଡ଼େଃ ଏମାଃଏ, ଆଡ଼ଃ ଚିମିନ୍ଦକକେ ଏନ୍ ଜାଗାର୍‌ରେୟାଃ ମୁଣ୍ଡି କାଜି ନାଗେନ୍ତେ ପେଡ଼େଃ ଏମାଃଏ । ୧୧ ମେନ୍‌ଦ ନେ ସବେନାଃ ଏନ୍ ମିଆଁଦ୍ ଆମ୍‌ଗି କାମି ରିକାଃଏ । ଇନିଃ ଆୟାଃ ମନେଲେକା ସବେନ୍ ହଡ଼କକେ ରାକାମ୍ ରାକାମ୍ ବାର୍‌ଦାନ୍ ଏମାକାଦକଆଏ ।

ମିଆଁଦ୍ ହଡ଼ମ୍ ମେନ୍‌ଦ ପୁରାଃ ହିସା ମେନାଃ

୧୨ *ମିଆଁଦ୍‌ଗି ହଡ଼ମ୍, ଆଡ଼ଃ ଏନାରେ ପୁରାଃଗି ହିସା ମେନାଃ, ଆଡ଼ଃ ହଡ଼ମ୍ ରାକାମ୍ ରାକାମ୍ ହିସାରେ ବାଇୟାକାନ୍‌ରେୟା, ମିଆଁଦ୍‌ଗି ହଡ଼ମ୍ ତାନାଃ, ଏନ୍‌ଲେକାଗି ଯୀଶୁ ଖ୍ରୀଷ୍ଟ୍ ମିଆଁଦ୍ ହଡ଼ମ୍ ଲେକାନିଃ ତାନିଃ । ୧୩ ଏନ୍‌ଲେକାଗି ଯିହୁଦୀ ହବାଅଃ ଚାଏ ସାଅଁସାର୍, ଦାସି ହବାଅଃ ଚାଏ ରାଡ଼ାକାନ୍ ହଡ଼, ଆରୁ ସବେନ୍‌କଦ ମିଆଁଦ୍ ହଡ଼ମ୍ ହବାଅଃ ନାଗେନ୍ତେ ମିଆଁଦ୍ ଆମ୍‌ଗେତୁ ବାପ୍ତିସ୍ମାକାନା, ଆଡ଼ଃ ଏନ୍ ମିଆଁଦ୍ ହଡ଼ମ୍‌ରେ ମେସାକାନାରୁ ଆଡ଼ଃ ମିଆଁଦ୍ ଆମ୍‌ଏତେ ନୁଁ ନାଗେନ୍ତେ ସବେନ୍‌କକେ ଏମାକାନା ।

୧୪ ହଡ଼ମ୍ ମିଆଁଦ୍‌ଗି ହିସାରେ କା ବାଇୟାକାନା, ମେନ୍‌ଦ ପୁରାଃ ହିସାରେ ବାଇୟାକାନା । ୧୫ କାଟା, ଆଇଙ୍ଗ୍ ଡିଃଇ ନାହାଁଲାଇଙ୍ଗ୍ ମେନ୍ତେ କାଜିକେଦ୍ ହରାତେ ଏନା ହଡ଼ମ୍‌ରାଃ ହିସା ନାହାଁଲାଃ, ଏନ୍‌କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଜେ, ଏନା ହଡ଼ମ୍‌ରେୟାଃ ହିସାରେ ତାଇନ୍ କା ଦାଡ଼ିୟଃଆ । ୧୬ ଆଡ଼ଃ ଲୁଡୁର୍, ଆଇଙ୍ଗ୍ ମେଦ୍ ନାହାଁଲାଇଙ୍ଗ୍ ମେନ୍ତେ କାଜିକେଦ୍ ହରାତେ ଏନା ହଡ଼ମ୍‌ରାଃ ହିସା ନାହାଁଲାଃ, ଏନ୍‌କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଯେ, ଏନା ହଡ଼ମ୍‌ରେୟାଃ ହିସାରେ ତାଇନ୍ କା ଦାଡ଼ିୟଃଆ । ୧୭ ଗଟା ହଡ଼ମ୍, ମେଦ୍ ହବାଅଃରେଦ୍, ଚିଲ୍‌କାତେ ଆୟୁମ୍ ଦାଡ଼ିୟଃଆ ? ଆଡ଼ଃ ଗଟା ହଡ଼ମ୍, ଲୁଡୁର୍ ହବାଅଃରେଦ୍

☆ ୧୨:୧୨ ୧୨:୧୨ ଗୋମି ୧୨:୪.୫.

ଚିଲିକାତେ ସୁକୁଦ ଦାଡ଼ିୟଃଆ ? ୧୮ ପାର୍ମେଶ୍ଵାର ହତ୍ଵରାଃ
 ସବେନ୍ ହିସାକେ ମିଆଁଦ୍ ମିଆଁଦ୍ତେ ଆୟାଃ ସାନାଙ୍ଗ୍ ଲେକା
 ହତ୍ଵରେ ଖାଞ୍ଜାଅକାଦା । ୧୯ ଏନ୍ ସବେନାଃ ମିଆଁଦ୍ଗି ହିସା
 ହବାକାନ୍ତେୟାଃ ହଲେ, ଚିଲିକାତେ ହତ୍ଵ ହବାସାକାଅଆଃ ?
 ୨୦ ଏନାତେ ହତ୍ଵରେ ପୁରାଃ ହିସା ତାଇନ୍ରେୟ, ମିଆଁଦ୍ଗି ହତ୍ଵ
 ତାନାଃ ।

୨୧ ଏନାତେ, “ଆଇଙ୍ଗ୍‌କେ ଆମାଃ ଲାଗାତିଙ୍ଗ୍ ବାନଃଆ” ମେନ୍ତେ
 ମେଦ୍, ଡିଃଇକେ କାଜି କାଏ ଦାଡ଼ିୟା, ଚାଏ ବହଃ, କାଟାକେ “ଆମାଃ
 ଦାର୍‌କାର୍ ବାନଃଆ” ମେନ୍ତେ କାଜି କାଏ ଦାଡ଼ିୟା । ୨୨ ମେନ୍ଦ୍
 ହତ୍ଵରେ ଅକନ୍ ହିସା ନାରାଦୁରା ମେନ୍ତେ ଆଟ୍‌କାରଃତାନ୍ରେଦ୍,
 ଆରୁ ଜେଡ୍‌ନାଃ କାରୁ ରିକା ଦାଡ଼ିୟା । ୨୩ ଆଡ଼ଃ ହତ୍ଵରେୟାଃ
 ଅକନ୍ ହିସା ପୁରାଃଗି ଲାଗାତିଙ୍ଗ୍‌ତେୟାଃ ନାହାଁଲାଃ ମେନ୍ତେ
 ଆଟ୍‌କାର୍‌ଲେରେ, ଆରୁ ଏନ୍ ହିସାକକେ ଜାତାନ୍ ରିକାଃରୁ । ଆଡ଼ଃ
 ହତ୍ଵରେୟାଃ ଦାନାଙ୍ଗ୍‌କାନ୍ ହିସାକେ ପୁରାଃଗି ଜାଡ୍‌ନାଅ ରିକାଃରୁ
 । ୨୪ ହତ୍ଵରେୟାଃ ସୁଗାଡାନ୍ ହିସା ନାଗେନ୍ତେ ଇମ୍‌ନାଙ୍ଗ୍ ଆରୁ
 କାରୁ ଉଡ୍‌ଗୁାଃ । ପାର୍ମେଶ୍ଵାର୍ ଆଇଃକ୍‌ଗି ହତ୍ଵକେ ନେଲେକା
 ସାଜାଅକାଦାଏ ଯେ, ଅକନ୍ ହିସାକେ ଜାତାନ୍ ଇଦି ଲାଗାତିଙ୍ଗ୍‌ୟାଃ,
 ଏନା ପୁରାଃଗି ମାଇନଃ ଲେକାନାଃତାନାଃ । ୨୫ ଆଡ଼ଃ ହତ୍ଵରେ
 ଜେତାନ୍ ବିନ୍‌ଗାଅ କା ହବାଅଃଆ, ମେନ୍ଦ୍ ହତ୍ଵରେୟାଃ ମିମିଆଦ୍
 ହିସା ମିଆଁଦ୍ ଆଡ଼ଃମିଆଁଦ୍‌ରାଃ ଦେଙ୍ଗା ରିକାଃଏ । ୨୬ ହତ୍ଵରେୟାଃ
 ମିଦ୍ ହିସା ହାସୁରେ, ଏଟାଃ ସବେନ୍ ହିସା ଏନ୍ ହାସୁକ ନାମେୟା
 । ମିଆଁଦ୍ ହିସା ମାନାରାଙ୍ଗ୍ ହବାଅଃରେ, ଏଟାଃ ସବେନ୍ ହିସା ଏନ୍
 ରାସକାରେ ରାସକାଞ୍ଜାକ ।

୨୭ ଆପେ ଶ୍ରୀଷ୍ଟିଆଃ ହତ୍ଵ ତାନ୍‌ପେ । ଆପେ ସବେନ୍‌କ
 ଏନ୍ ହତ୍ଵରେନ୍ ମିପିଆଦ୍ ହିସା ତାନ୍‌ପେ । ୨୮ ☆କାଲିସିୟାରେ
 ପାର୍ମେଶ୍ଵାର୍ ସବେନାଃଏତେ ସିଦାରେ ପ୍ରେରିଡ୍‌କକେ, ଏନ୍
 ତାୟମ୍‌ତେ ଆୟାର୍‌କାଜିକକେ, ଏନ୍ ତାୟମ୍‌ତେ ଇଡ୍‌କକେ, ଏନ୍ତେ
 ଆକ୍‌ଦାନ୍‌ଆ କାମିକକେ, ଦୁକୁ ବୁଗିତାନ୍‌କକେ, ଦେଙ୍ଗାତାନ୍‌କକେ,
 ଆକ୍‌ତେୟାର୍ ନାମାକାଦ୍‌କକେ, କା ସାରିକାଦ୍ ଏଟାଃ ଜାଗାର୍‌ତେ
 ଜାଗାର୍ ଦାଡ଼ିତାନ୍ ହତ୍ଵକକେ ଆଡ଼ଃ ରାକାମ୍ ରାକାମ୍ ବାଦ୍‌ଦାନ୍

ନାମାକାଦ୍ ହୃଦକକେ ସାଲ୍ଲାକେଦ୍‌କଥା । ୨୯ ଇନ୍‌କୁ ସବେନ୍‌କ
ପ୍ରେରିତ୍, ଆୟାର୍‌କାଜିକ, ଆତଃ ଇତ୍ତୁତାନ୍‌କ ନାହାଁଲାକ ।
ଆକ୍‌ଦାନ୍‌ଥ କାମି ରିକାରେୟାଃ ପେଡ଼େଃ ସବେନ୍‌କଥାଃ ବାନଃଥା
। ୩୦ ସବେନ୍‌କ ଦୁକୁ ବୁଗି କାକ ଦାଡ଼ିୟା, କା ସାରିକାଦ୍ ଏଟାଃ
ଜାଗାର୍‌ତେ କାକ ଜାଗାର୍‌ ଦାଡ଼ିୟା, ଆତଃ କାଜିକାନ୍‌ତେୟାଃରାଃ
ମୁଣ୍ଡି ଉଦୁବ୍ ନାଗେନ୍ତେ କାକ ଦାଡ଼ିୟା । ଚିଆଃଚି ସବେନ୍‌କ ଏଟାଃ
ଏଟାଃ ବାର୍‌ଦାନ୍ ନାମାକାଦାକ । ୩୧ ଆପେ ସବେନ୍‌କ ବୁଗିନ୍
ବାର୍‌ଦାନ୍ ନାମେ ନାଗେନ୍ତେ ଚେଷ୍ଟାଏପେ । ଆଇଙ୍ଗ୍ ଆପେକେ
ନେଆଁଏତେ ପୁରାଃ ବୁଗିନ୍ ହରାଇଙ୍ଗ୍ ଉଦୁବାପେୟା ।

୧୩

ଦୁଲ୍ଲାଡ଼୍

୧ ଆଇଙ୍ଗ୍ ହୃଦକଥାଃ ଆତଃ ଦୁଁଡ଼କଥାଃ ଜାଗାର୍‌ତେ କାଜି
ଦାଡ଼ିୟାଇଙ୍ଗ୍, ମେନ୍‌ଦ ଆଇଁୟାଃ ଦୁଲ୍ଲାଡ଼୍ କା ତାଇନ୍‌ରେଦ,
ଆଇଙ୍ଗ୍ ଠାନ୍ ଠାନ୍ ସାଡ଼ି ଆୟୁମଃତାନ୍ ଘାଣ୍ଟି ଚାଏ ତିଃଇତେ
ଆପଡ଼ିତାନ୍ ସାଡ଼ି ଆୟୁମଃତାନ୍ ଲେକାନ୍‌ନିଃ ତାନିଙ୍ । ୨ *ଆତଃ
ଆଇଙ୍ଗ୍‌କେ ପାର୍‌ମେଶ୍ଵାର୍‌ଥାଃ କାଜି କାଜିନାଙ୍ଗ୍ ପେଡ଼େଃ ତାଇନ୍
ସାକାଅଃଥା, ସବେନ୍ ବିଷାଏରେ ସେଣାଁ ତାଇନ୍ ସାକାଅଃଥା, ସବେନ୍
ଉକୁଆକାନ୍‌ତେୟାଃ ଆର୍‌କାର୍‌ଉରୁମ୍ ନାଗେନ୍ତେ ପେଡ଼େଃ ତାଇନ୍
ସାକାଅଃଥା, ବିଶ୍ଵାସରାଃ ପେଡ଼େଃତେ ବୁରୁକେ ନେତାଏତେ ହାନ୍ତାଃ
ଇଦି ନାଗେନ୍ତେ ପେଡ଼େଃ ତାଇନ୍ ସାକାଅଃଥା, ମେନ୍‌ଦ ଆଇଁୟାଃ
ଦୁଲ୍ଲାଡ଼୍ ବାନଃରେଦ, ଆଇଙ୍ଗ୍ ଜେତାନିଃ ନାହାଁଲିଙ୍ । ୩ ଆଇଙ୍ଗ୍,
ଆଇଁୟାଃ ସବେନାଃ ଏମ୍ ଦାଡ଼ିୟାଇଙ୍ଗ୍ ଚାଏ ସେଙ୍ଗେଲ୍‌ରେ ଆଇଁୟାଃ
ହୃଡ଼୍‌କେ ଜୁଲଃ ନାଗେନ୍ତେ ଏମ୍ ଦାଡ଼ିୟାଇଙ୍ଗ୍, ମେନ୍‌ଦ ଆଇଁୟାଃ
ମନ୍‌ସୁରୁଦ୍‌ରେ ଦୁଲ୍ଲାଡ଼୍ ବାନଃରେଦ, ଏନ୍ ସବେନାଃ ଆଇଁୟାଃ
ନାଗେନ୍ତେ ବୁଗିନାଃ କା ହବାଅଃଥା ।

୪ ଦୁଲ୍ଲାଡ଼୍ ହବାଅଃତାନା, ଧୂରାଜ୍ ଆତଃ ଲିବୁୟାନ୍ ଜୀଝାନ୍
। ଦୁଲ୍ଲାଡ଼୍, କାଏ ହିସ୍‌କାଃ, କାଏ ହାଁକାରାଃ, ଆତଃ ଆପାନ୍‌କେ
ମାରାଙ୍ଗ୍‌ୟେନ୍ କାଏ ସାନାଙ୍ଗ୍‌ଆଃ; ୫ ଦୁଲ୍ଲାଡ଼୍, କା ଲାଗାତିଙ୍ଗ୍

* ୧୩:୨ ୧୩:୨ ମାଥୁଜ ୧୭:୨୦; ୨୧:୨୧; ମାର୍କ ୧୧:୨୩।

ଲେକା କାଏ ବେଭାରାଃ, ଆୟାଃ ନାଗେନ୍ଦ୍ରେ ଏସକାର କାଏ ରିକାଃ,
 କାଏ ଖସ୍ଥଅଃଆ, ଏଡକାନ୍ତେୟାଃ କାଏ ପାହାମାଃ; ^୬ ଦୁଲ୍ଲାଡ଼,
 ଏଡକାନ୍ତେୟାଃରେ କାଏ ସୁକୁଃଆ, ମେନ୍ଦ ସାନାର୍ତ୍ତିରେ
 ସୁକୁଃଆ । ^୭ ଦୁଲ୍ଲାଡ଼, ସବେନାଃଏ ସାହାତିଙ୍ଗ୍‌ୟେଆ, ସବେନାଃଏ
 ବିଶ୍ୱାସେଆ, ସବେନାଃଏ ଆସ୍ରାଏୟା, ଆତଃ ସବେନ୍ ବିଷାଏରେ
 ଧୂରାଜ୍ ସାବ୍‌କେଦ୍‌ତେ ତାଇନାଃ ।

୮ ଦୁଲ୍ଲାଡ଼, ଜାନାଅ ଜାନାଅଗି ତାଇନଃଆ, ଆୟାରକାଜି
 ଉଦୁବ୍‌ତେୟାଃ ଜିୟନଃଆ, ଆକ୍‌ଦାନ୍‌ଆ କାଜିତେୟାଃ ଜିୟନଃଆ,
 ହଡକଆଃ ସେଣ୍ ମେନାଃରେଦ, ଏନା ଜିୟନଃଆ । ^୯ ଚିୟାଃଗି
 ଆବୁକେ ସେଣ୍‌ରାଃ ବାବ୍‌ଦାନ୍ ଏମାକାନ୍‌ତେୟାଃ ଆତଃ
 ପାର୍‌ମେଶ୍ୱାର୍‌ତାଃଏତେ କାନାଜି ଉଦୁବ୍‌ତେୟାଃରାଃ ସେଣ୍ ପୁରା
 ନାହ୍‌ଲାଃ, ^{୧୦} ମେନ୍ଦ ସବେନ୍ ବିଷାଏରେୟାଃ ପୁରାଅଃତେୟାଃ
 ହିଜୁଃରେ, ନେ କାଟିକାନ୍‌ତେୟାଃ ସବେନ୍ ଜିୟନଃଆ ।

^{୧୧} ଆଇଙ୍ଗ୍ ସିଟିଆ ଲେକାଇଙ୍ଗ୍ ତାଇକେନ୍ ଇମ୍‌ତା, ସିଟିଆ
 ଲେକାଇଙ୍ଗ୍ ଜାଗାର୍ ତାଇକେନା, ସିଟିଆ ଲେକାଇଙ୍ଗ୍ ପାହାମ୍
 ତାଇକେନା, ସିଟିଆ ଲେକାଇଙ୍ଗ୍ ଉଡ଼୍‌ ତାଇକେନା, ମେନ୍ଦ
 ସିଟିଆଏତେ ମାରାଙ୍ଗ୍ ହାରାୟାନ୍ତେ ଆତଃ ଆଇଙ୍ଗ୍ ସିଟିଆ ଲେକା
 କାଇଙ୍ଗ୍ କାଜିତାନା । ^{୧୨} ନାହ୍‌ଆ ଆବୁ ଅକ୍‌ନାଃ ନେଲ୍‌ତାନ୍‌ତେୟାଃ,
 ଆଏନାରେ ନେଲ୍‌ତାନ୍ ନାକାଲ୍ ଲେକାନାଃ ତାନାଃ । ମେନ୍ଦ
 ମୁସିଙ୍ଗ୍ ନେତା ହିଜୁଃଆ, ଇମ୍‌ତା ଆବୁ ମିହୁଡ଼୍ ଆତଃମିହୁଡ଼୍‌କେ
 ନେପେଲ୍‌ତାନ୍ ଲେକାବୁ ନେପେଲ୍‌ । ନାହ୍‌ଆ ଆଇଙ୍ଗ୍ ଅକ୍‌ନାଃ
 ସାରିତାନାଇଙ୍ଗ୍, ଏନା ପୁରା କାଇଙ୍ଗ୍ ସାରିତାନା । ମେନ୍ଦ
 ପାର୍‌ମେଶ୍ୱାର୍ ଆଇଙ୍ଗ୍‌କେ ପୁରା ସାରିକାଦିଙ୍ଗ୍ ଲେକା ହବାଅଃରେ
 ଆଇୟାଃ ସେଣ୍‌ହି ପୁରାଅଃଆ ।

^{୧୩} ବିଶ୍ୱାସ୍, ଆସ୍ରା, ଆତଃ ଦୁଲ୍ଲାଡ଼, ନେ ଆପିୟା ତାଇନଃଆ ।
 ମେନ୍ଦ ନେ ଆପିୟାଏତେ ଦୁଲ୍ଲାଡ଼୍‌ମାରାଙ୍ଗ୍‌ତାନାଃ ।

୧୪

ଆମ୍‌ତାଃଏତେ ବାବ୍‌ଦାନ୍ ବିଷାଏରେ ପୁରାଃ କାଜି

୧ ଏନାତେ ଆପେ ଦୁଲାଡ଼ ନାଗେନ୍ତେ ଚିହୁଟେନ୍ଦେ । ଏଟାଃ ଏଟାଃ ଆମ୍ବାରେୟାଃ ବାବ୍ଦାନକେ ନାମେ ନାଗେନ୍ତେ, ବିଶେଷକେଦ୍ଦେ ପାର୍ମେଶ୍ଵାର୍ଆଃ କାନାଜି ଉଦୁବ୍ ନାଗେନ୍ତେ, ଆପେୟାଃ ମନ୍ସୁରୁଦ୍ଦେ ରିକା ନାଜ୍ ସାନାଜ୍ପେ । ^୭ ଚିୟାଃଚି ଜେତାଏ କା ସାରି ଜାଗାର୍ଦ୍ଦେ ଜାଗାର୍ଦ୍ଦାନିଃ, ହଡ଼ଲଃ କାଏ ଜାଗାର୍ଆ ମେନ୍ଦ୍ ପାର୍ମେଶ୍ଵାର୍ଲଃ ଜାଗାର୍ଆଏ, ଏନାତେ ଜେତାଏ କାକ ବୁଝାଅଥା । ଏନ୍ ଆମ୍ବାରାଃ ପେଡ଼େଃଡେ ଉକୁଆକାନ୍ ସାର୍ଡି ବିଷାଏକ ଜାଗାର୍ଦାନା । ^୮ ମେନ୍ଦ୍ ଜେତାଏ ପାର୍ମେଶ୍ଵାର୍ଆଃ କାନାଜି କାଜିତାନିଃ ହଡ଼କଆଃ ବିଶ୍ଵାସକେ କେଟେଜେ ନାଜ୍ କାଜିୟାଏ ଆତଃ ଇନ୍ଦକୁକେ ଦେଙ୍ଗା, ରାସ୍କା, ଆତଃ ଜାତରାଡ଼େଃ ଏମାକଆଏ । ^୯ ଜେତାଏ କା ସାରି ଜାଗାର୍ଦ୍ଦେ ଜାଗାର୍ଦ୍ଦିଃ, ଆୟାଃ ନାଗେନ୍ତେ ଏସ୍କାର୍ କାଜିୟାଏ, ମେନ୍ଦ୍ ଜେତାଏ ପାର୍ମେଶ୍ଵାର୍ଆଃ କାନାଜି ଉଦୁବ୍ନିଃ, ସବେନ୍ କାଲିସିୟାକେ ଦେଙ୍ଗାଏ ।

^{୧୦} ଆପେ ସବେନ୍ଦକ କା ସାରି ଜାଗାର୍ଦ୍ଦେ ଜାଗାର୍ଦ୍ଦେ, ଆଇଙ୍ଗ୍ ରାସ୍କାଅଃଇଙ୍ଗ୍, ମେନ୍ଦ୍ ଆପେ ସବେନ୍ଦକ ପାର୍ମେଶ୍ଵାର୍ଆଃ କାନାଜି ଉଦୁବେପେ, ମେନ୍ତେ ଆଇଁୟାଃ ପୁରାଃ ସାନାଜ୍ ତାନାଃ । ଜେତାଏ କା ସାରି ଜାଗାର୍ଦ୍ଦେ ଜାଗାର୍ଦ୍ଦିଃ, କାଲିସିୟାରାଃ ବୁଗିନାଃ ନାଗେନ୍ତେ କା ସାରି ଜାଗାର୍ଦ୍ଦେୟାଃ ମୁଣ୍ଡି ଉଦୁବେରେଦ୍ ବୁଗିନାଃ ହବାଅଃଡେୟାଃ, କା'ରେଦ୍ କା ସାରି ଜାଗାର୍ କାଜିଏତେ ପାର୍ମେଶ୍ଵାର୍ଆଃ କାନାଜି ଉଦୁବ୍ଡେୟାଃ ସବେନାଏତେ ବୁଗିନାଃ ତାନାଃ । ^{୧୧} ହେ ହାଗା ମିଶିକ, ଆଇଙ୍ଗ୍ ଆପେତାଃଡେ ହିଜୁକେଦ୍ଦେ ପାର୍ମେଶ୍ଵାର୍ତାଏତେ ଜେତାନ୍ ଉନ୍ଦୁବ୍ କାଜି, ସେଣ୍ଡାନ୍ କାଜି, ଆୟାର୍କାଜି, ଆତଃ ଇନ୍ଦି କାଜି କା ଉଦୁବ୍କେଦ୍ଦେ କା ସାରି ଜାଗାର୍ଡେଇଙ୍ଗ୍ କାଜିୟା, ଆତଃ ଆପେ କାପେ ବୁଝାଅଃରେଦ୍ ଆପେୟାଃ ଚିୟାଃ ବୁଗିନାଃ ହବାଅଥା ?

^{୧୨} ମୁରଲି ଚାଏ ବାନାମ୍ ଲେକାନ୍ ଜୀଉ ବାନଃ ସାଡ଼ିତେୟାଃରେ ବୁଗିନ୍ ଲାବ୍ଜା କା ଅତଙ୍ଗାଅଃରେଦ୍, ଏନାରେ ଚିନାଃ ସାଡ଼ିତାନା ଏନା ଜେତାଏ କାକ ସାରି ଦାଡ଼ିୟା ? 「 ବିଙ୍ଗୁଲ୍ ସାଡ଼ିରେୟାଃ ଲାବ୍ଜା ବୁଗିଲେକା କା ଆୟୁମଃରେଦ୍, ଲାଡ଼ାଇ ନାଗେନ୍ତେ ଅକଏତାମ୍ ଜାଲ୍ଦି ସେକାଡ଼୍ଦାବେନାଏ ? ^{୧୩} ଏନ୍ଲେକାଗି, କା ସାରି ଜାଗାର୍ଡେ

କାଜିରେ, ଅକଏ ବୁଝାଅଥାଏ ? ନେଆଁ ହୟକେ କାଜିତାନ୍ଲେକା ହବାଅଥାଆ । ୧୦ ଅତେଦିଶୁମ୍ରେ ପୁରାଠଗି ଜାଗାର୍ ମେନାଠ, ମେନ୍ଦ ଏନ୍ ସବେନ୍ ଜାଗାର୍ରେୟାଠ ମୁଣ୍ଡି ମେନାଠ । ୧୧ ଆଇଁୟାଠଲଠ ଜାଗାର୍ତାନ୍ ହଡ଼ରାଠ ଜାଗାର୍ ଆଇଙ୍ କାଇଙ୍ ସାରିରେଦ, ଏନ୍ ହଡ଼ ଆଇଁୟାଠତାଠରେ ଏଟାଠ ଦିଶୁମ୍ରେନ୍ ହଡ଼ ଲେକାନ୍ନିଠ ତାନିଠ । ଆଇଙ୍ ହୁଁ ଆୟାଠତାଠରେ ଏଟାଠ ଦିଶୁମ୍ରେନ୍ ହଡ଼ ଲେକାଇଙ୍ ହବାଅଥାଆ । ୧୨ ଆପେୟ ପାବିତାର୍ ଆମ୍ବାରେୟାଠ ବାର୍ଦାନ୍ ନାମେ ନାଗେନ୍ତେ ପୁରାଠଗିପେ ସାନାଙ୍ଗ୍ତାନ୍ ହରାତେ, ଅକନାଠରେ କାଲିସିୟାଠରାଠ ବୁଗିନାଠ ହବା ଦାଡ଼ିୟାଠଆ, ଏନ୍ ସବେନାଠ ପୁରାଠଗି ନାମେ ନାଗେନ୍ତେ ପୁରାଠଗି ଚେଷ୍ଟାଏପେ ।

୧୩ ଜେତାଏ କା ସାରି ଜାଗାର୍ତେ ଜାଗାର୍ତାନ୍ରେଦ, ଇନିଠ ଏନ୍ କା ସାରି ଜାଗାର୍ତେ କାଜିକାଦ୍ତେୟାଠରାଠ ମୁଣ୍ଡି ଉଦ୍ବୁ ନାଙ୍ଗ୍ ବାର୍ଦାନ୍ ନାମେ ନାଗେନ୍ତେ ଇନିଠକେ ବିକ୍ତି ଲାଗାଡ଼ିଙ୍ଗ୍ୟାଠ । ୧୪ ଚିୟାଠଟି ଆଇଙ୍ କା ସାରି ଜାଗାର୍ତେଇଙ୍ଗ୍ ବିକ୍ତିରେଦ, ଏନା ଆଇଁୟାଠ ଆମ୍ବା ବିକ୍ତିୟାଏ, ମେନ୍ଦ ଆଇଁୟାଠ ମନ୍ ଜେଡ଼ନାଠ କାଏ ସାରିୟା । ୧୫ ଏନାରେ ଆଇଙ୍ ଚିନାଠଇଙ୍ଗ୍ ଚିକାୟା ? ଆଇଙ୍ ଆମ୍ବାତେଇଙ୍ଗ୍ ବିକ୍ତିୟା, ଏନାଲଠ ଆଇଁୟାଠ ମନ୍ତେହୁଁ ବିକ୍ତିୟା, ଆଇଙ୍ ଆମ୍ବାତେଇଙ୍ଗ୍ ଦୁରାଙ୍ଗେଆ, ଏନାଲଠ ମନ୍ତେହୁଁ ଦୁରାଙ୍ଗେଆ । ୧୬ ଆପେ ପାର୍ମେଶ୍ଵାର୍କେ ଆମ୍ବାତେ ଏସ୍କାର୍ ଧାନାବାଦ୍ ଏମାଲ ଇମ୍ତା, ଏନ୍ତାଠରେ ତାଇକାନ୍ ହଡ଼ ଆପେୟାଠ କାଜି ବେଗାର୍ ବୁଝାଅତେ ଚିଲକାତେ ଆପେଲଠ ଆମେନ୍ ମେନ୍ତେ କାଜିୟା ? ୧୭ ଆପେ ପୁରାଠ ସାର୍ଡିତେ ପାର୍ମେଶ୍ଵାର୍କେ ଧାନାବାଦ୍ପେ ଏମାକାଇୟା, ଏନା ସାର୍ଡିତାନାଠ, ମେନ୍ଦ ଏଟାଠ ହଡ଼ ଜେତାଲେକାତେ ଆଶିଷ୍ କାଏ ନାମେୟା ।

୧୮ ଆଇଙ୍ ଆପେ ସବେନ୍କଏତେ ପୁରାଠଗି କା ସାରି ଜାଗାର୍ତେଇଙ୍ଗ୍ ଜାଗାର୍ ଦାଡ଼ିୟା ମେନ୍ତେ ପାର୍ମେଶ୍ଵାର୍କେ ଧାନାବାଦ୍ ଏମାଲତାନାଇଙ୍ । ୧୯ ମେନ୍ଦ ଆଇଙ୍ ଏଟାଠକେହୁଁ ଇତ୍ତୁ ଦାଡ଼ିକାଇଙ୍ ମେନ୍ତେ କାଲିସିୟାରେ କା ସାରି ଜାଗାର୍ତେ ହାଜାର୍ ହାଜାର୍ କାଜି କା କାଜିକେଦ୍ତେ, ସବେନ୍କ ସାରିଲେକା ମଣେୟାଁ କାଜି କାଜିତେୟାଠ ପୁରାଠ ବୁଗିନାଠ ମେନ୍ତେଇଙ୍

ଆଟ୍‌କାରକେଦା ।

^{୨୦} ହେ ହାଗାକ, ଆପେୟାଃ ଉଡ଼ଃରେ ସିଟିଆ ଲେକା ଆଲ୍‌ପେ ହବାଅଃକା, ମେନ୍‌ଦ ଏଡ଼କାନ୍ ବିଷାଏରେ ସିଟିଆ ଲେକା ହବାଅଃପେ, ଆଡ଼ଃ ସେଣ୍‌ନ୍‌ରେ ଆପେ ପୁରା ହାରା ସେକାଡ଼ାକାନ୍ ହଡ଼ ଲେକା ହବାଅଃ ଲାଗାଡ଼ିଙ୍‌ୟାଃ । ^{୨୧} ଧାରାମ୍‌ପୁଅରେୟାଃ ଆନ୍‌ରୁରେ ନେଆଁ ଅଲ୍‌କାନା,

“ପ୍ରାଭୁ କାଜିତାନାଏ, କା ସାରି ଜାଗାର୍‌ତେ କାଜିତାନ୍

ଏଟାଃ ଦିଶୁମ୍‌ରେନ୍‌କଆଃ ମଚାଡେ,

ଆଇଙ୍‌ ଆଇଁୟାଃ ହଡ଼କକେଇଙ୍‌ କାଜିକରେୟ,

ଇନ୍‌କୁ ଆଇଁୟାଃ କାଜି କାକ ଆୟୁମେୟା ।”

^{୨୨} ଏନାଡେ କା ସାରି ଜାଗାର୍‌ତେ ଜାଗାର୍‌ତେୟାଃ ବିଶ୍ୱାସୀ ହଡ଼କଆଃ ନାଗେନ୍ତେ ଜେତାନ୍ ଚିଙ୍‌ ନାହାଁଲାଃ, ମେନ୍‌ଦ କା ବିଶ୍ୱାସ୍‌ତାନ୍‌କଆଃ ନାଗେନ୍ତେ ଏସ୍‌କାର୍ ଚିଙ୍‌ ଲେକାନାଃ ତାନାଃ । ଏଟାଃ ହରା ନେଲେରେ, ପାର୍‌ମେଶ୍ୱାର୍‌ଆଃ କାଜି ଉଦୁବ୍‌ରେୟାଃ ବାର୍‌ଦାନ୍ କା ବିଶ୍ୱାସ୍‌ତାନ୍‌କଆଃ ନାଗେନ୍ତେ ନାହାଁଲାଃ, ମେନ୍‌ଦ ବିଶ୍ୱାସୀକଆଃ ନାଗେନ୍ତେ କା ସାରି ଜାଗାର୍ ଚିଙ୍‌ ଲେକାନାଃ ତାନାଃ ।

^{୨୩} କାଲିସିୟାରେ ହୁଣ୍ଡିକେଦ୍‌ତେ ସବେନ୍‌କ କା ସାରି ଜାଗାର୍‌ତେ ଜାଗାର୍ ଏଟେଦ୍‌ଲେରେ, ଏନ୍ତାଃତେ ହିଜୁଃକାନ୍ ଦେହାତି ହଡ଼କ ଚାଏ କା ବିଶ୍ୱାସ୍‌ତାନ୍ ହଡ଼କ, କାଲିସିୟାରେନ୍ ସବେନ୍ ହଡ଼କକେ ବାଏହା ମେନ୍ତେ କାକଚି କାଜିକଆ ? ^{୨୪} ମେନ୍‌ଦ ଇନ୍‌କୁ ପାର୍‌ମେଶ୍ୱାର୍‌ଆଃ କାନାଜିକେ ଉଦୁବ୍‌ତାନ୍‌ରେଦ, ଆଡ଼ଃ ଜେତାଏ ହଡ଼ ଚାଏ କା ବିଶ୍ୱାସ୍‌ତାନ୍ ହଡ଼ ହିଜୁଃରେଦ, ଇନିଃ ସବେନ୍‌କଆଃତେ ଚିଟାକାନା ମେନ୍ତେ ଆଟ୍‌କାରଃଆ ଆଡ଼ଃ ସବେନ୍‌କଆଃତେ ବିଚାରଃଆ ।

^{୨୫} ଇନିୟାଃ ମନ୍‌ସୁରୁଦ୍‌ରେ ଉକୁଆକାନ୍‌ତେୟାଃ ସବେନାଃ ଉଦୁବଃଆ । ଏନ୍ତେ ଇନିଃ ମେଦ୍ ମୁହାଡ଼୍‌ଲାଡାର୍‌କେଦ୍‌ତେ ଉୟୁଗଃଆ ଆଡ଼ଃ ପାର୍‌ମେଶ୍ୱାର୍‌କେ ଜହାର୍‌ତାନଲଃ କାଜିୟାଏ, “ସାର୍‌ତିଗି ଆପେୟାଃ ଆଲାରେ ପାର୍‌ମେଶ୍ୱାର୍ ମେନାଇୟା ।”

କାଲିସିୟାରେ ବେଗାର୍ ହାଲାଗୁଲା

^{୨୬} ହେ ହାଗା ମିଶିକ, ଆଇଙ୍‌ ଆପେକେ କାଜିରେୟାଃ ମୁଣ୍ଡି ନେୟାତାନାଃ, ସେଝାକାମି ନାଗେନ୍ତେ ହୁଣ୍ଡିନ୍ ଇମ୍‌ତା ଜେତାଏ

ମିଛୁଡ଼, ଦୁରାଙ୍ଗୋକାଏ, ଆତଃମିଛୁଡ଼, ଇଡୁଇକାଏ, ଆତଃମିଛୁଡ଼, ପାର୍ମେଶ୍ଵାର୍ଆଃ ଉନ୍ନୁଦୁବ୍ ଉଦୁବେକାଏ, ଆତଃମିଛୁଡ଼, କା ସାରି ଜାଗାର୍ତ୍ତେ କାଜିକା, ଆତଃମିଛୁଡ଼, କା ସାରି ଜାଗାର୍ତ୍ତେୟାଃ ମୁଣ୍ଡି କାଜିକାଏ, ନେ ସବେନାଃ କାଲିସିୟାରାଃ ଦେଙ୍ଗା ନାଗେନ୍ତେ ହବାଅଃ ଲାଗାତିଙ୍ଗୟାଃ । ୨୭ ଜେତାଏ କା ସାରି ଜାଗାର୍ତ୍ତେ କାଜିରେଦ, ବାର୍ହତ୍, ଚାଏ ଏନାଏତେ ଥୁମ୍ବା ହତ୍ ହବାଅଃରେ, ଆପିହତ୍, ମିଛୁଡ଼, ମିଛୁଡ଼ତେ କାଜିକାକ ଏନ୍ତେ ଆତଃମିଛୁଡ଼, ଏନାରେୟାଃ ମୁଣ୍ଡି କାଜିକାଏ । ୨୮ ଏନାରେୟାଃ ମୁଣ୍ଡି କାଜି ହତ୍ କାକ ତାଇନରେଦ, ଇନିଃ କାଲିସିୟାରେ ହାପାକାନଗି ତାଇନକାଏ ଆତଃ ଆଇଃକ୍ତି ପାର୍ମେଶ୍ଵାର୍କେ କାଜିକା । ୨୯ ଆତଃ ବାର୍ହତ୍, ଚାଏ ଆପିହତ୍, ପାର୍ମେଶ୍ଵାର୍ଆଃ କାଜି ଉଦୁବେକାକ, ଇନକୁ କାଜିତାନତେୟାଃ ଏଗାଃକ ବିଚାରେକାକ । ୩୦ ମେନ୍ଦ ସେଞ୍ଜାକାମିରେ ଦୁବାକାନକଏତେ ଜେତାଏ ପାର୍ମେଶ୍ଵାର୍ତାଃଏତେ ଜେତାନ୍ କାଜି ଆୟୁମ୍ଲେରେ, ସିଦାରେନ୍ ହତ୍ ଆୟାଃ ଉଦୁବତାନ୍ କାଜିକେ ହକାଏକା । ୩୧ ସବେନକଆଃ ଇନିଡୁ ଆତଃ ଜୀଉରେ ରାସ୍ତକା ନାମ୍ ନାଗେନ୍ତେ ସବେନକ ମିଛୁଡ଼, ମିଛୁଡ଼ତେ ପାର୍ମେଶ୍ଵାର୍ଆଃ କାନାଜି ଉଦୁବେପେ । ୩୨ ପାର୍ମେଶ୍ଵାର୍ଆଃ କାନାଜି ଉଦୁବରେୟାଃ ବାର୍ଦାନ ନାମାକାଦ୍ ନାବୀକଆଃ ଆମ୍ବା ନାବୀକଆଃ ଆବରରେ ତାଇନ୍ ଲାଗାତିଙ୍ଗୟାଃ । ୩୩ ଚିୟାଃଚି ପାର୍ମେଶ୍ଵାର୍ ହାଲାଗୁଲା କାଏ ସାନାଙ୍ଗଆଃ, ମେନ୍ଦ ଜୀଉସୁକୁତେୟାଃ ସାନାଙ୍ଗଆଃଏ ।

ପାର୍ମେଶ୍ଵାର୍ଆଃ ସବେନ୍ କାଲିସିୟାରେନ୍ ହତ୍ତକ ଲେକା, ୩୪ ଆପେୟାଃ କାଲିସିୟାରେୟାଃ ଦୁନ୍ନୁବକରେ କୁଡ଼ିକ ହାପାକାନଗି ତାଇନ୍ ଲାଗାତିଙ୍ଗୟାଃ । ଇନକୁକେ ଏନ୍ତାଃରେ କାଜି ନାଗେନ୍ତେ କା ଆରୁକାନା । ମେନ୍ଦ ଯିଛୁଦୀକଆଃ ଆନରୁ ଲେକାତେ ଇନକୁ ଆପାନକେ ଆବରକେଦ୍ତେ ତାଇନ୍ ଲାଗାତିଙ୍ଗୟାଃ । ୩୫ ଇନକୁ ଜେତ୍ନାଃ ସାରି ନାଗେନ୍ତେକ ସାନାଙ୍ଗରେଦ, ଅଡ଼ାଃରେ ଆପନାଃ କଡ଼ାକକେ କୁଲିକକାକ, ଚିୟାଃଚି କାଲିସିୟାରେୟାଃ ଦୁନ୍ନୁବରେ କୁଡ଼ିକ ଜାଗାର୍ତ୍ତେୟାଃ ଗିଛୁଃରାଃ କାଜିତାନା ।

୩୬ ପାର୍ମେଶ୍ଵାର୍ଆଃ ବାଚାନ୍ ଚିନାଃ ଆପେତାଃଏତେ ହିଜୁଆକାନ୍

ତାଇକେନା ? ଚାଏ ଆପେତାଃତେ ଏସ୍‌କାର୍ ହିଜୁଆକାନ୍ ତାଇକେନା ? ୩୭ ଆପେକଏତେ ଜେତାଏ ମିହୁଡ଼, ଆଇଙ୍ଗ୍ ଆୟାରକାଜିନିଃ ଚାଏ ଆମ୍ବାରେୟାଃ ବାର୍‌ଦାନ୍ ନାମକାଦନିଃ ତାନିଙ୍ଗ୍ ମେନ୍ତେ କାଜିରେଦ, ଇନିଃ ସାରିକାଏ ଯେ, ନେତାଃରେ ଆଇଙ୍ଗ୍ ଅଲକାଦ୍‌ତେୟାଃ, ପ୍ରାଭୁଆଃ ଆନାରୁତାନାଃ । ୩୮ ମେନ୍‌ଦ ଇନିଃ ନେ କାଜିକକେ କା ସାରିଲେକା ମେନାଇରେଦ, ଇନିଃ ଆଇଃକ୍‌ଗି କା ସାରିଲେକାଏ ହବାଅଃଆ ।

୩୯ ଏନାତେ ହେ ହାଗା ମିଶିକ, ପାରମେଶ୍ଵାର୍‌ଆଃ କାନାଜି ଉଦୁବ୍ ନାଗେନ୍ତେ ପୁରାଃଗି ରାସ୍‌କାଅଃପେ, ଆଡ଼ଃ କା ସାରି ଜାଗାର୍‌ତେ କାଜିତାନ୍‌କକେ ଆଲ୍‌ପେ ମାନାକଆ । ୪୦ ସବେନ୍ କାଜି ବୁଗିଲେକାତେ ଆଡ଼ଃ ବେଗାର୍ ହାଲ୍‌ଗୁଲ୍‌ାତେ କାମି ରିକା ଲାଗାଡ଼ିଙ୍ଗ୍‌ୟାଃ ।

୧୫

ୟାଶୁ ଶ୍ରୀଷ୍ଟିଆଃ ଜୀଉବିନିରିଦ୍

୧ ହେ ହାଗା ମିଶିକ, ଆଇଙ୍ଗ୍ ଆପେତାଃରେ ଉଦୁବ୍‌କାଦ୍ ସୁକୁକାଜିକେ ନାମାକାଦାପେ ଆଡ଼ଃ ଏନାରେ ଆପେୟାଃ ବିଶ୍ଵାସ୍ ତିଙ୍ଗ୍‌କେଟେଦକାନା । ଆଇଙ୍ଗ୍ ଆପେକେ ଏନ୍ ବିଷାଏ ପାହାମ୍‌ଇତି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ୨ ଆଇଙ୍ଗ୍ ଆପେତାଃରେ ଉଦୁବ୍‌କାଦ୍ ବୁଗିନ୍ କାଜିଗି ସୁକୁକାଜି ତାନାଃ । ଆପେ ଏନ୍ ସୁକୁକାଜିରେୟାଃ କାଜିରେ ପୁରାଃ ପକ୍‌ତାକେଦ୍‌ତେପେ ବିଶ୍ଵାସେରେଦ, ଜୀଉବାସ୍ତାଅପେ ନାମେୟା । କା'ରେଦ, ଆପେୟାଃ ବିଶ୍ଵାସ୍ ସାମାତାନାଃ ।

୩ ଆଇଙ୍ଗ୍ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବ୍‌ପେତାନ୍‌ତେୟାଃ ପୁରାଃ ବୁଗିନାଃ ତାନାଃ । ଏନା ହବାଅଃତାନା, ଧାରାମ୍‌ପୁଅ୍‌ରେ ଅଲକାନ୍ ଲେକା, ଶ୍ରୀଷ୍ଟି ଆବୁଆଃ ପାପ୍ ନାଗେନ୍ତେ ଗଏଃୟାନା, ୪ ✽ଧାରାମ୍‌ପୁଅ୍‌ରେ ଅଲକାନ୍ ଲେକା, ତପାଗାଡ଼ାରେ ତପାୟାନା ଆଡ଼ଃ ଆପି ମାହ୍‌ରେ ଜୀଉବିନିରିଦ୍‌ୟାନା । ୫ ✽ଇନିଃ ପାଡ଼ରାସ୍ ଆଡ଼ଃ ଆୟାଃ ସବେନ୍ ଗେଲ୍‌ବାର୍ ଚେଲ୍‌କାତାଃରେ

✽ ୧୫:୪ ୧୫:୪ ମାଥୁର ୧୨:୪୦; ପ୍ରେରିଦ୍ ୨:୨୪-୩୨. ✽ ୧୫:୫ ୧୫:୫ ଲୁକ ୨୪:୩୪; ମାଥୁର ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୭; ଯୋହାନ୍ ୨୦:୧୯.

ତାୟମତେ ଉଦୁବେନ୍ୟାନା । ୬ ଏନ୍ତେ ଇନିଃ ଆଇଃକ୍ତକେ ଅତଙ୍ଗକ୍ତାନ ୫୦୦ ହେତେ ଆଦକା ହାଗା ମିଗିକତାଃରେ ମିସାତେ ଉଦୁବେନ୍ୟାନା । ଇନକୁଏତେ ଚିମିନ୍ ହତ୍ତକ ଗଏଃୟାନା, ମେନ୍ଦ ଚିମିନ୍ ହତ୍ତକ ନାହାଃ ଜାକେଦ୍ ମେନାକଆ । ୭ ଏନ୍ତେ ଇନିଃ ତାୟମତେ ଯାକୁଦ୍ ଆତଃ ସବେନ୍ ପ୍ରେରିତ୍ତକତାଃରେ ଉଦୁବେନ୍ୟାନା ।

୮ ✱ଆଇଙ୍ଗ୍ କା ହୁୟଃ ନେତାରେ ଜାନାମ୍‌କାନ୍‌ରେୟ, ଟୁଣ୍ଡୁରେ ଇନିଃ ଆଇୟାଃତାଃରେ ଉଦ୍‌ବେନ୍ୟାନା । ୯ ✱ଆଇଙ୍ଗ୍ ପାର୍‌ମେଶ୍ଵାର୍‌ଆଃ କାଲିସିୟାକେ ସିଗିଦ୍‌କାଦ୍ ହରାତେ, ଆଇଙ୍ଗ୍ ପ୍ରେରିତ୍ ମେନ୍ତେ ନୁତୁମଃ ଲେକାନ୍‌ନିଃ ନାହାଲିଙ୍ଗ୍ । ୧୦ ମେନ୍ଦ୍ ଆଇଙ୍ଗ୍ ନାହାଃ ପାର୍‌ମେଶ୍ଵାର୍‌ଆଃ ସାୟାଦ୍ ହରାତେ ପ୍ରେରିତ୍ ମେନ୍ତେଇଙ୍ଗ୍ ନୁତୁମାକାନା, ଆତଃ ଇନିଃ ଆଇଙ୍ଗ୍‌କେ ଏମାକାଦିଙ୍ଗ୍ ସାୟାଦ୍ କା ସାମାଏଶ୍ଵାଃକାନା । ମେନ୍ଦ୍ ଆଇଙ୍ଗ୍ ଏଟାଃ ସବେନ୍ ପ୍ରେରିତ୍‌କତାଃଏତେ ପୁରାଃଗି କେଟେଦ୍ କାମିଇଙ୍ଗ୍ କାମିକାଦ୍‌ରେୟ, ଏନା ଆଇୟାଃ ଆପାନାଃ କେଟେଦ୍ କାମି ଏସ୍‌କାର୍ ନାହାଲାଃ, ମେନ୍ଦ୍ ପାର୍‌ମେଶ୍ଵାର୍‌ଆଃ ସାୟାଦ୍‌ହ୍ ଆଇୟାଃଲଃ ମେସାକାନା । ୧୧ ଏନାତେ, ଆଇଙ୍ଗ୍ ହବାଅଃ ଚାଏ ଇନକୁ, ଆଲେ ସବେନ୍‌କ ଏନ୍ ମିଆଦ୍‌ଗି କାଜିଲେ ଉଦୁଦ୍‌ତାନା ଆତଃ ଆପେ ଏନାରେ ବିଶ୍ଵାସ୍‌ତାନାପେ ।

ଆବୁଆଃ ଜୀଉବିନିରିଦ୍

୧୨ ଖ୍ରୀଷ୍ଟ ଗନଏଃହେତେ ଜୀଉବିରିଦ୍‌କାନାଏ, ନେଆଁଗି ଆଲେ ଉଦୁବେତାନ୍ କାଜି ତାନାଃ । ଏନ୍‌ରେୟ ଆପେକଏତେ ଚିମିନ୍ ହତ୍ତକ ଗନଏଃହେତେ ଜୀଉବିନିରିଦ୍‌ତେୟାଃ ବାନଃଆ ମେନ୍ତେ ଚିଲ୍‌କାପେ କାଜିତାନା ? ୧୩ ଗନଏଃ ହତ୍ତକଆଃ ଜୀଉବିନିରିଦ୍ ବାନଃରେଦ୍, ଖ୍ରୀଷ୍ଟ୍ ଜୀଉ କାଏ ବିରିଦ୍‌କାନା; ୧୪ ଆତଃ ଖ୍ରୀଷ୍ଟ୍‌ଆଃ ଜୀଉବିନିରିଦ୍ କା ହବାକାନ୍‌ରେଦ୍, ଆଲେୟାଃ ଉନ୍ନୁଦୁବ୍ ସାମାତାନା ଆତଃ ଆପେୟାଃ ବିଶ୍ଵାସ୍‌ହ୍ ସାମାତାନା । ୧୫ ଏନାତେ ଆବୁ ପାର୍‌ମେଶ୍ଵାର୍‌ଆଃ ବିଷାଏରେ ହସତ୍ ଗାଞ୍ଜା ଏମ୍‌ତାନ୍ ଲେକାବୁ

✱ ୧୫:୮ ୧୫:୮ ପ୍ରେରିତ୍ ୯:୩-୬. ✱ ୧୫:୯ ୧୫:୯ ପ୍ରେରିତ୍ ୮:୩.

ହବାଅଥା, ଚିୟାଃଚି ପାର୍ମେଶ୍ଵାର୍ ଖ୍ରୀଷ୍ଟକେ ଗନଏଃହେତେ ଜୀଉବିରିଦ୍‌କିୟାଏ ମେନ୍ତେ ଗାଞ୍ଜାରୁ ଏମ୍‌ତାନା । ଗନଏଃ ହଡ଼କଆଃ ସାର୍‌ତିଗି ଜୀଉବିରିଦ୍‌ ବାନଃରେଦ, ଖ୍ରୀଷ୍ଟକେ ପାର୍ମେଶ୍ଵାର୍ ଗନଏଃହେତେ କାଏ ବିରିଦ୍ । ୧୭ ଆତଃ ଗନଏଃ ହଡ଼କ କାକ ଜୀଉବିରିଦ୍‌ରେଦ, ଖ୍ରୀଷ୍ଟହ୍ କାଏ ଜୀଉବିରିଦ୍ । ୧୭ ଆତଃ ଖ୍ରୀଷ୍ଟ ଗନଏଃହେତେ କାଏ ଜୀଉବିରିଦ୍‌କାନ୍‌ରେଦ, ଆପେୟାଃ ବିଶ୍ଵାସ୍ ସାମା ତାନାଃ ଆତଃ ଆପେ ନାହାଁଃ ଜାକେଦ୍ ଆପେୟାଃ ପାପ୍‌ରେ ମେନାପେୟା । ୧୮ ଏନ୍‌ରେଦ, ଗଜାକାନ୍ ଖ୍ରୀଷ୍ଟ ବିଶ୍ଵାସୀକହ୍ ଜିୟନ୍‌କାନାକ । ୧୯ ଖ୍ରୀଷ୍ଟରେ ଆରୁଆଃ ଆସ୍ତା ନେ ଜୀଦାନ୍ ନାଗେନ୍ତେ ଏସ୍‌କାର୍ ତାନାଃରେଦ, ଏଟାଃ ସବେନ୍‌କତାଃଏତେ ଆରୁଆଃ ଦାସା ପୁରାଃ ନାରାଦୁରା ହବାଅଥା ।

୨୦ ମେନ୍‌ଦ ସାର୍‌ତିଗି ଖ୍ରୀଷ୍ଟ ଗଜାକାନ୍ ହଡ଼କଆଃ ଜୀଉବିରିଦ୍‌କେ ସାର୍‌ତି ତାନାଃ ମେନ୍ତେ ଉଦୁବ୍ ନାଙ୍ଗ୍ ଇନିଃଗି ଇନ୍‌କୁଆଃଏତେ ସିଦାରେ ଜୀଉବିରିଦ୍‌ୟାନାଏ । ୨୧ ଚିୟାଃଚି ମିହୁଡ୍ ହରାତେ ଗନଏଃ ଅତେଦିଶ୍ଵମ୍‌ରେ ହିଜୁଃୟାନା । ଏନ୍‌ଲେକାଗି ମିହୁଡ୍ ହରାତେ ଗନଏଃ ହଡ଼କଆଃ ଜୀଉବିରିଦ୍ ହିଜୁଆକାନା । ୨୨ ଆଦାମ୍‌ଲଃ ମେସାକାନ୍ ହରାତେ ସବେନ୍ ହଡ଼କଆଃ ଗନଏଃ ମେନାଃ, ଏନ୍‌ଲେକାଗି ଖ୍ରୀଷ୍ଟଲଃ ମେସାକାନ୍ ହରାତେ ସବେନ୍ ହଡ଼କ ଗନଏଃହେତେ ଜୀଉବିରିଦାଃକ । ୨୩ ମେନ୍‌ଦ ସବେନ୍‌କ ଏନ୍ ମିଆଁଦ୍ ନେତାରେଗି ଜୀଉବିରିଦାଃକ । ସବେନ୍‌କଆଃଏତେ ସିଦାରେ ଖ୍ରୀଷ୍ଟ ଜୀଉବିରିଦ୍‌କାନାଏ, ଏନାତେ ଇନିୟାଃ ଆତଃମିସା ହିନିଜୁଃ ନେତାରେ ଆୟାଃ ହଡ଼କ ସିଦାତେ ଜୀଉବିରିଦାଃକ । ୨୪ ଏନ୍ତେ ଚୁଣ୍ଟୁ ଦିପିଲି ସେଟେରା । ଖ୍ରୀଷ୍ଟ ସବେନ୍ ଏଡ୍‌କାନ୍ ଆମ୍ବା, ଅକଏତାଃରେଚି ସବେନ୍ ଆକ୍‌ତେୟାର୍, ପେଡେଃ ଆତଃ ପୁରାଃ ପେଡେୟାନ୍‌ତେୟାଃକ ଜିୟନ୍‌କେଦ୍‌ତେ ଆୟାଃ ଆବା ପାର୍ମେଶ୍ଵାର୍‌କେ ରାଇଜ୍ ଜିମାଲୟାଏ । ୨୫ ଚିୟାଃଚି ପାର୍ମେଶ୍ଵାର୍ ସବେନ୍ ବାଇରିକକେ ହାରାଅକେଦ୍‌ତେ ଖ୍ରୀଷ୍ଟଆଃ କାଟା ଲାତାରରେ ଦହକ ଜାକେଦ୍ ଖ୍ରୀଷ୍ଟ ରାଇଜେୟାଏ । ୨୬ ଚୁଣ୍ଟୁ ବାଇରିଆଃ ହାରାଅଗି ଚୁଣ୍ଟୁରେ ଗନଏଃ ହବାଅଥା । ୨୭ ଚିୟାଃଚି ଧାରାମ୍‌ପୁଥ୍‌ରେ ଅଲ୍‌କାନା, “ପାର୍ମେଶ୍ଵାର୍ ସବେନାଃ ଖ୍ରୀଷ୍ଟଆଃ

ଆକ୍ତେୟାରରେ ଦହେୟା ।” ଏନ୍ “ସବେନ୍ ବିଷାଏ” ମେନ୍ତେ ଅଲ୍ଲୀକାନା ଏନାରେ ପାର୍ମେଶ୍ୱାର୍ କାଏ ମେସାକାନା, ମେନ୍ଦଦ ଇନିଃ ସବେନ୍ ବିଷାଏକେ ଶ୍ରୀଷ୍ଟୁଆଃ ଆକ୍ତେୟାରରେ ଦହେୟା । ୨୮ ଆତଃ ସବେନାଃ ଶ୍ରୀଷ୍ଟୁଆଃ ଆକ୍ତେୟାରରେ ଦହକେଦ୍ ତାୟମ୍ତେ, ଶ୍ରୀଷ୍ଟୁ ଅକଏତି ହନ୍ ତାନିଃ, ଇନିଃ ଆଇଃକ୍ତି ଆବା ପାର୍ମେଶ୍ୱାର୍ଆଃ ଆକ୍ତେୟାରରେ ତାଇନା ଆତଃ ସବେନ୍ ବିଷାଏରେୟାଃ ଚେତାନ୍ରେ ପାର୍ମେଶ୍ୱାର୍ଆଃ ରାଇଜ୍ ପୁରାଅଃଆ ।

୨୯ ଗଜାକାନ୍ ହଡକ ନାଗେନ୍ତେ ଅକନ୍କ ବାପ୍ତିସ୍ତା ଇଦିତାନାକ, ଇନ୍କୁଆଃ ବିଷାଏରେ ଚିନାଃରୁ କାଜିୟା ? ଚିମିନ୍ ହଡକଆଃ କାଜିଲେକାତେ, ଗଜାକାନ୍ ହଡକଆଃ ଜୀଉବିନିରିଦ୍ ବାନଃରେଦ, ଇନ୍କୁ ନାଗେନ୍ତେ ଏତାଃ ହଡକ ଚିନାଃମେନ୍ତେ ବାପ୍ତିସ୍ତା ଇଦିତାନାକ ? ୩୦ ଆତଃ ଆରୁ ଚିନାଃମେନ୍ତେ ସବେନ୍ ଇମତା ସାଙ୍କାଟ୍ରେରୁ ଉୟୁଗଃତାନା ? ୩୧ ହେ ହାଗା ମିଶିକ, ଆରୁଆଃ ଜୀଦାନ୍, ପ୍ରାଭୁ ଯୀଶୁ ଶ୍ରୀଷ୍ଟୁଲଃ ମେସାକାନ୍ ହରାତେ, ଆପେୟାଃ ନାଗେନ୍ତେ ଆଇଙ୍ଗ୍ ବହଃ ରିମ୍ବେଦ୍ତେ କାଜିତାନାଇଙ୍ଗ୍, ଆଇଙ୍ଗ୍ ସବେନ୍ ହୁଲାଇଙ୍ଗ୍ ଗନଏଃ ଗାଡ଼ାରେଇଙ୍ଗ୍ ଉୟୁଗଃତାନା । ୩୨ ଆଇଙ୍ଗ୍, ହଡକଆଃ ସାନାଙ୍ଗ୍ ଲେକାତେ ଏସ୍କାର୍ ଏଫିସୁସ୍ରେ ବିର୍ ଜାତୁକଲଃ ଲାଡ଼ାଇକାନ୍ରେଦ, ଆଇୟାଃ ଚିକାନ୍ ଲାଡୁ ? ମେନ୍ଦଦ ଗଜାକାନ୍କଆଃ ଜୀଉବିନିରିଦ୍ କା ହବାଅଃରେଦ, କାଜି ଲେକାତେ, “ଏଲା ହିଜୁଃପେ, ଜମ୍ ନୁଁକେଦ୍ତେ ଜୀଞ୍ଜାନ୍ରୁ ବିତାଅୟା, ଚିୟାଃଚି ହିଜୁଃ ହୁଲାଇଙ୍ଗ୍ଦ ଆରୁକେ ଗଜଃ ଲାଗାଡ଼ିଙ୍ଗ୍ୟାଃ ।”

୩୩ ଆପେ ଆଲ୍ପେ ବେଦାଅଃଆ । “ଏଡକାନ୍ ସାଙ୍ଗାତି ବୁଗିନ୍ ଚାଇଲ୍ ଚାଲାନକେ ଜିୟନେୟା ।” ୩୪ ଏନାତେ ଆପେ ଲାଗାଡ଼ିଙ୍ଗ୍ଲେକା ଚେତାଅଃପେ, ପାପ୍ କାମି ଆଲ୍ପେୟାଃ । ଆପେକଏତେ ଚିମିନ୍ ହଡକ ପାର୍ମେଶ୍ୱାର୍କେ କାକ ସାରିୟା, ଏନାମେନ୍ତେ ଆଇଙ୍ଗ୍ ଆପେକେ ଗିହୁଃ ଇଚିପେ ନାଗେନ୍ତେ ନେ କାଜିଙ୍ଗ୍ କାଜିତାନା ।

ଜୀଉବିନିରିଦ୍ ହଡ଼କ

୩୫ ଜେତାଏ ଆପେକେ କୁଲି ସାକାଅପେୟାକ, “ଗଜାକାନ୍କ ଚିଲ୍କାତେ ଜୀଉବିନିଦାଃକ ? ଆତଃ ଇନ୍କୁ ଚିଲ୍କାନ୍ ହଡ଼କତେକ

ହିଜୁଃଆ ?” ୩୭ ଆପେ ଚିମିନ୍ ଡଣ୍ଡକ ତାନ୍ଦେ ! ହେରାକାନ୍ ହିତା ଆଉରି ଗଜଃ ଜାକେଦ୍ କା ଅମନଃଆ, ନିମ୍ନାଙ୍ଗ୍ କାପେ ସାରିୟା ? ୩୮ ଆତଃ ଅକନ୍ ଦାରୁ ହାରାଅଃଆ, ଏନାକେ ଆପେ କାପେ ହେରାକାଦା, ମେନ୍ଦ୍ ଆପେ ହେରାକାଦ୍ତେୟାଃ ହବାସାକାଅଆଃ ଗହମ୍ଜାଙ୍ଗ୍ ଚାଏ ଏଟାଃ ହିତାଜାଙ୍ଗ୍ ତାନାଃ । ୩୯ ମେନ୍ଦ୍ ପାର୍ମେଶ୍ଵାର୍ ଆୟାଃ ମନେଲେକା ଏନାରେୟାଃ ହତ୍ତମ୍ଲଃ ହିତାଜାଙ୍ଗ୍ ଏମାଃଏ, ଆତଃ ସବେନ୍ ହିତାଜାଙ୍ଗ୍କେ ଏନାଲେକାଗି ହତ୍ତମ୍ ଏମାଃଏ ।

୩୯ ସବେନ୍ ଜାନିଦ୍ତାନ୍କଆଃ ହତ୍ତମ୍ ମିଦ୍ଲେକା ବାନଃଆ । ହତ୍ତରାଃ ହତ୍ତମ୍ ଏଟାଃ ରାକାମ୍ ମେନାଃ, ଜାତୁରାଃ ହତ୍ତମ୍ ଏଟାଃ ରାକାମ୍ ମେନାଃ, ଚେଣ୍ଟେରାଃ ହତ୍ତମ୍ ଏଟାଃ ରାକାମ୍ ମେନାଃ ଆତଃ ହାକୁରାଃ ହତ୍ତମ୍ ଏଟାଃ ରାକାମ୍ ମେନାଃ ।

୪୦ ସିର୍ମାରାଃ ହତ୍ତମ୍ ମେନାଃ ଆତଃ ଅତେରାଃ ହତ୍ତମ୍ ହ୍ ମେନାଃ, ମେନ୍ଦ୍ ଅତେରେୟାଃ ହତ୍ତମ୍ରାଃ ସୁଗାଡାନ୍ତାଃଏତେ ସିର୍ମାରେୟାଃ ହତ୍ତମ୍ରାଃ ସୁଗାଡାନ୍ତେୟାଃ ଏଟାଃ ରାକାମ୍ ମେନାଃ । ୪୧ ସିଜ୍ଜିରାଃ ସୁଗାଡାନ୍ ଏଟାଃ ରାକାମ୍ ମେନାଃ, ଚାଣ୍ଡୁରାଃ ସୁଗାଡାନ୍ ଏଟାଃ ରାକାମ୍ ମେନାଃ, ଆତଃ ଇପିଲ୍ଲକଆଃ ସୁଗାଡାନ୍ ଏଟାଃ ରାକାମ୍ ମେନାଃ, ଆତଃଗି ଇପିଲ୍ଲକ ଆଲାରେୟ୍ ଏଟାଃ ଏଟାଃ ରାକାମ୍ରେୟାଃ ସୁଗାଡାନ୍ ମେନାଃ ।

୪୨ ଗଜାକାନ୍ ହତ୍ତକଆଃ ଜୀଉବିନିରିଦ୍ଦ୍ ଏନ୍ଲେକାଗି ମେନାଃ । ତପାକାନ୍ ହତ୍ତମ୍ ଜିୟନଃଆ ଆତଃ ଜୀଉ ବିରିଦ୍ରେ କା ଜିୟନଃଆ । ୪୩ ତପାଅଃ ଇମ୍ତା ସିତ୍ତୁ ଆତଃ ନାରାଦୁରାକେଦ୍ତେ ତପାଅଃଆ, ମେନ୍ଦ୍ ଜୀଉବିରିଦ୍ରେ ସୁଗାଡାନ୍ ଆତଃ ପେତେୟାନ୍ତି ହବାଅଃଆ । ୪୪ ତପାଅଃ ଇମ୍ତା, ହତ୍ତମ୍ତାୟାଃ ଗଜାକାନ୍ତି ତାଇନା, ମେନ୍ଦ୍ ଜୀଉବିରିଦ୍ରେ ଆମ୍ରେୟାଃ ହତ୍ତମ୍ ହବାଅଃଆ । ସାର୍ତ୍ତି ହତ୍ତମ୍ ମେନାଃରେଦ୍, ଆମ୍ରେୟାଃ ହତ୍ତମ୍ ହ୍ ମେନାଃ । ୪୫ ଧାରାମ୍ପୁଥ୍ରେ ଅଲ୍ଲାନା, “ସିଦାରେନ୍ ହତ୍ତ, ଆଦାମ୍, ଜାନିଦ୍ ହତ୍ତ ହବାୟାନାଏ, ମେନ୍ଦ୍ ତୁଣ୍ଡୁରେନ୍ ଆଦାମ୍ ଜୀଦାନ୍ ଏମାଃ ଆମ୍ ହବାୟାନାଏ । ୪୬ ସିଦାତେ ଆମ୍ରେୟାଃ ହତ୍ତମ୍ କା ତାଇକେନା, ମେନ୍ଦ୍ ସିଦା ସାର୍ତ୍ତି ହତ୍ତମ୍ ତାଇକେନା, ଏନ୍ ତାୟମ୍ତେ ଆମ୍ରେୟାଃ ହତ୍ତମ୍ ହିଜୁଃୟାନା । ୪୭ ପାହିଲା ହତ୍ତ ଆଦାମ୍ ତାଇକେନାଏ, ଇନିଃ

ଅତେରେୟାଃ ଧୂଡ଼ିତେ ବାଇୟାକାନ୍ ତାଇକେନା, ଏତ୍ତେ ଆତଃମିହୁଡ଼୍, ଆଦାମ୍ ସିର୍ମାଏତେ ହିନ୍ଦୁଃୟାନା । ୪୮ ଅତେରେନ୍ ହଡ଼କ, ଏନ୍ ଅତେରେୟାଃ ଧୂଡ଼ିତେ ବାଇୟାକାନ୍ ହଡ଼ ଲେକାଃକ, ଆତଃ ସିର୍ମାରେ ମେନାଃକ ହଡ଼କ, ଏନ୍ ସିର୍ମାଏତେ ହିନ୍ଦୁଆକାନ୍ ହଡ଼ ଲେକାଃକ ।” ୪୯ ଆବୁ ନାହାଁଃ ଅତେରେୟାଃ ଧୂଡ଼ିତେ ବାଇୟାକାନ୍ ଏନ୍ ହଡ଼ ଲେକା ମେନାବୁଆ, ଏନ୍ଲେକାଗି ମୁସିଙ୍ଗ୍ ହୁଲାଇଁ ଆବୁ ଏନ୍ ସିର୍ମାଏତେ ହିନ୍ଦୁଆକାନ୍ ହଡ଼ ଲେକାବୁ ହବାଅଃଆ ।

୫୦ ହେ ହାଗା ମିଶିକ, ଆଇଁୟାଃ କାଜିରେୟାଃ ମୁଣ୍ଡି ହବାଅଃତାନା, ମାୟୋମମାସ୍ ହଡ଼ମ୍ ସାବକେଦତେ ଆବୁ ପାରମେଶ୍ୱାର୍ଆଃ ରାଇଜ୍ରେୟାଃ ହିସା କାବୁ ହବାଦାଡ଼ିୟଃଆ, ଚାଏ ଜିୟନଃ ହଡ଼ମ୍ କା ଜିୟନଃ ହଡ଼ମ୍କେ କାଏ ଆକ୍ତେୟାର୍ ଦାଡ଼ିୟା ।

୫୧ ☆ଆଇଙ୍ଗ୍ ଆପେକେ ମିଆଁଦ୍ ଉକୁଆକାନ୍ ସାର୍ତି କାଜିଙ୍ଗ୍ କାଜିପେତାନା, ଆବୁ ସବେନ୍ କାବୁ ଗଜଃଆ । ମେନ୍ଦ୍ ଚୁଣ୍ଡି, ବିଙ୍ଗୁଲ୍ବାଜା ସାଡ଼ିୟାନ୍ ଇମତାଲଃଗି ବାଦ୍ଲାଝାଃବୁ । ୫୨ ନେଆଁ ଇମତାଗି ମେଦ୍ ରାପିଦଃଲେକା ହବାଅଃଆ । ବିଙ୍ଗୁଲ୍ ବାଜା ସାଡ଼ି ଇମତା ଗଜାକାନ୍ ବିଶ୍ୱାସୀକ କା ଜିୟନଃ ନାଗେତ୍ତେକ ବିରିଦା, ଆତଃ ଆବୁ ସବେନ୍କ ବାଦ୍ଲାଝାଃବୁ । ୫୩ ଚିୟାଠି ନେ ଜିୟନଃ ହଡ଼ମ୍କେ କା ଜିୟନଃ ଲେକାନ୍ ଲିଜାଃ ତୁସିଙ୍ଗ୍ ଲାଗାତିଙ୍ଗ୍ୟାଃ, ଆତଃ ନେ ଅତେରେୟାଃ ଧୂଡ଼ିରାଃ ଗନଏଃ ହଡ଼ମ୍କେ ଚିତ୍ତଲାଅ କା ଗଜଃ ଲେକାନ୍ ଲିଜାଃ ତୁସିଙ୍ଗ୍ ଲାଗାତିଙ୍ଗ୍ୟାଃ । ୫୪ ନେ ଗନଏଃ ହଡ଼ମ୍ ଚିତ୍ତଲାଅ କା ଗଜଃ ହଡ଼ମ୍ରେ ବାଦ୍ଲାଅକେନଃରେଦ୍, ଧାରାମ୍ପୁଥ୍ରେ ଅଲ୍ଲାକାନ୍ ନେ କାଜି ସାର୍ତି ହବାଅଃଆ : “ଗନଏଃ ଜିୟନ୍ୟାନା, ଆତଃ ଜିନିତାଅ ପୁରାୟାନା !”

୫୫ “ଏ ଗନଏଃ, ଆମାଃ ଜିତାଅ କତାଃରେୟା ?

ଏ ଗନଏଃ, ଆମାଃ ଗନଏଃରାଃ ତୁଡ଼ତେୟାଃ କତାଃରେୟା ?”

୫୬ ତୁଡ଼ତେୟାଃରାଃ ପେଡ଼େଃ, ଗନଏଃ ପାପ୍ତାଃଏତେ ନାମାଃଏ, ଆତଃ ମୁଶାରାଃ ଆନ୍ତୁତାଃଏତେ ପାପ୍ ପେଡ଼େଃ ନାମାଃଏ ।

୫୭ ମେନ୍ଦ୍ ପାରମେଶ୍ୱାର୍ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟାଃ ହରାତେ ଆବୁକେ ଜିତାଅକାଦ୍ବୁଆଏ, ଇନିୟାଃ ଧାନପାବାଦ୍ ହବାଅଃକା ।

୫୮ ଏନାମେନ୍ତେ ହେ ଦୁଲୀଡ଼ ହାଗା ମିଶିକ, ତିଜୁ କେଟେଦ୍‌କାନଦେ
ଆଡ଼ଃ ଆବରାକାନ ତାଇନଦେ । ପ୍ରାଭୁଆଃ କାମିରେ ସବେନ୍ ଇମତା
ଚିହ୍ନୁଲଃପେ । ଚିୟାଃଚି ଆପେ ସାରିତାନାପେ, ପ୍ରାଭୁ ନାଗେନ୍ତେ
ଆପେୟାଃ କାମି କା ସାମାଅଃଆ ।

୧୭

ପାରମେଶ୍ଵାରଆଃ ହଡ଼କ ନାଗେନ୍ତେ ଦେଙ୍ଗାରେୟାଃ ଦାନ୍

୧ *ଯିହୁଦାରେନ୍ ପାରମେଶ୍ଵାରଆଃ ହଡ଼କ ନାଗେନ୍ତେ ଦାନ୍
ଏମ୍‌ରେ ଦେଙ୍ଗା ନାଙ୍ଗ ଆଇଁୟାଃ ସାଲ୍‌ହା ନେଆଁ ତାନାଃ, ଆଇଙ୍ଗ
ଗାଲାତିୟ ପାରଗାନ୍‌ରେ ତାଇନତାନ୍ କାଲିସିୟାକକେ କାମି ନାଙ୍ଗ
କାଜିକାଦକ ଲେକା ଆପେୟ ଏନ୍‌ଲେକାଗି କାମିପେ । ୨ ଆଇଙ୍ଗ
ସେନ୍‌ରେ ଦାନ୍ ହାରମ୍ ନାଗେନ୍ତେ କା ଲାଗାତିୟଃଆ, ଏନାମେନ୍ତେ
ସବେନ୍ ହାପ୍ରାରେୟାଃ ପାହିଲା ହୁଲାଙ୍ଗରେଗି ଆପେୟାଃ
ନାଲାହେତେ କାଟିଃଲେକା ଟାକା ପାଏସା ଆପାନ୍‌ରେ ଦହେପେ
। ୩ ଆଡ଼ଃ ଆପେ ଅକନ୍‌କକେ ବୁଗିନ୍ ହଡ଼ ତାନ୍‌କ ମେନ୍ତେପେ
ଆଟ୍‌କାରୁଉମ୍‌କାଦକଆ, ଇନ୍‌କୁକେ ଆଇଙ୍ଗ ସେନ୍‌ରେ ଅନଲ୍‌ଚିଠା
ଏମ୍‌କେଦ୍‌ତେ ଆପେୟାଃ ଦାନ୍‌ଲଃ ଯୀରୁଶାଲେମ୍‌ତେଇଙ୍ଗ କୁଲ୍‌କଆ
। ୪ ଆଇଙ୍ଗକେହ୍ ସେନ୍ ଲାଗାତିଙ୍ଗରେ, ଇନ୍‌କୁ ଆଇଁୟାଃଲଃକ ସେନ୍
ଦାଡ଼ିୟା ।

ପାଉଲୁସଆଃ କବିଚ୍ଛିନ୍ତେ ସେନ୍‌ରେୟାଃ ଉହାଟ୍

୫ *ଆଇଙ୍ଗ ମାକିଦନିଆତେ ସେନ୍ ତାୟମ୍‌ତେ ଆପେତାଃତେଇଙ୍ଗ
ସେନା, ଚିୟାଃଚି ଆଇଙ୍ଗ ମାକିଦନିଆ ହରାତେଇଙ୍ଗ ସେନ୍‌ତାନା
। ୬ ହବାସାକାଅଆଃ, ରାବାଙ୍ଗ ସାହା ଆଇଙ୍ଗ ଆପେଲଃ ଚିମିନ୍
ମାହାଁ ତାଇନ୍ ସାକାଅଃଆଇଙ୍ଗ, ଆଡ଼ଃ ଆଇଙ୍ଗ ଜାହାଜ୍‌ତେଗି
ସେନ୍ ନାଗେନ୍ତେ ମନେୟାଇଙ୍ଗ, ଇମ୍‌ତା ଆପେ ଆଇଙ୍ଗକେ ସେନ୍
ନାଗେନ୍ତେ ଦେଙ୍ଗା ଦାଡ଼ିୟାପେ । ୭ ଆଇଙ୍ଗ ସେନ୍ ହରାରେ ଆପେଲଃ
କାଟିଃ ଲେକାଗି ନେପେଲ୍ ନାଗେନ୍ତେ କାଇଙ୍ଗ ସାନାଙ୍ଗତାନା ।
ପ୍ରାଭୁ ଆରୁଇଙ୍ଗରେଦ, ଆଇଙ୍ଗ ଆପେଲଃ ପୁରାଃ ମାହାଁ ତାଇନାଇଙ୍ଗ
ମେନ୍ତେ ଆସ୍ତା କାଦାଇଙ୍ଗ ।

☆ ୧୭:୧ ୧୭:୧ ରୋମି ୧୫:୨୫,୨୬. ☆ ୧୭:୫ ୧୭:୫ ପ୍ରେରିଡ଼ ୧୯:୨୧.

୮ ✧ଆଇଙ୍ଗ୍ ପେଣ୍ଟିକଷ୍ଟ୍ ପାରାବ୍ ହୁଲାଙ୍ଗ୍ ଜାକେଦ୍ ଏନ୍ତାଃରେଗି ଏଫିସ୍ତ୍ସରେ ତାଇନାଇଙ୍ଗ୍ । ୯ ନେତାଃରେ ଆଇଁୟାଃ ବିରୁଧ୍ରେ ପୁରାଃ ହଡକ୍ ମେନାକରେୟ୍, ଜ ନାମଃଲେକା କାମି ନାଗେନ୍ତେ ଆଇଁୟାଃ ନାଙ୍ଗ୍ ଚାକାର୍ ଦୁଆର୍ ନିଜାକାନା ।

୧୦ ✧ତୀମଥ୍ ଆପେତାଃତେ ହିଜୁଃରେ ଦାରମିପେ, ଚିୟାଃଚି ଇନିଃହ ଆଇଁୟାଃ ଲେକା ପ୍ରାଭୁଆଃ କାମି କାମିତାନା । ୧୧ ଜେତାଏ ଇନିଃକେ ଆଲ୍ପେ ନେଲ୍ ବାଗିୟା, ମେନ୍ଦ୍ ଇନିଃ ଆଇଁୟାଃତାଃ ହିଜୁଃ ଦାଡ଼ିକାଏ ମେନ୍ତେ ଇନିଃକେ ସୁକୁଜୀଉରେ ସେନ୍ ହରା ନାଗେନ୍ତେ ଦେଙ୍ଗାଲପେ, ଚିୟାଃଚି ଇନିଃ ବିଶ୍ୱାସୀ ହାଗାକଲଃ ହିଜୁଃରୁହାଡାଏ ମେନ୍ତେଇଙ୍ଗ୍ ନେଲ୍ ହରାଇତାନା ।

୧୨ ମେନ୍ଦ୍ ଆରୁଆଃ ହାଗା ଆପୋଲୋ ବିଷାଏରେଇଙ୍ଗ୍ କାଜିତାନା, ଆଇଙ୍ଗ୍ ଇନିଃକେ ଏଟାଃ ହାଗାକଲଃ ଆପେତାଃତେ ସେନ୍ ନାଗେନ୍ତେ ପୁରାଃଗିଇଙ୍ଗ୍ ଆରୁକିୟା, ମେନ୍ଦ୍ ନାହାଃ ଇନିଃ ସେନ୍ ନାଗେନ୍ତେ କାଏ ସାନାଙ୍ଗ୍ତାନା । ତାୟମ୍ତେ ସେନ୍ ନାଗେନ୍ତେ ନେତା ନାମ୍ଲେରେ ସେନାଏ ।

ରୁଣ୍ଡୁ କ୍ୱାଜି

୧୩ ଆପେ ଚିର୍ଗାଲାନାନ୍ ତାଇନ୍କେଦ୍ତେ ବିଶ୍ୱାସ୍ରେ ତିଙ୍ଗ୍କେଟେଦ୍, ଜୀଉରେ କେଟେଦ୍ ଆତଃ ପେଡେୟାନ୍ ହବାଅଃପେ । ୧୪ ଆପେୟାଃ ସବେନ୍ କାମି ଦୁଲାଡ୍ରେ କାମିପେ ।

୧୫ ✧ଆପେ ସ୍ତ୍ରୀମାନ୍ ଆତଃ ଆୟାଃ ଅଡ଼ାଃରେନ୍କଆଃ ବିଷାଏରେ ସାରିତାନାପେ । ଇନ୍କୁ ଆଖାୟାରାଃ ପାହିଲା ଖ୍ରୀଷ୍ଟ୍ ବିଶ୍ୱାସୀତାନ୍କ ଆତଃ ପାର୍ମେଶ୍ୱାର୍ଆଃ ହଡକକେ ସେଞ୍ଜା ନାଗେନ୍ତେ ଇନ୍କୁ ଆକଗି ଜିମାକାନାକ । ହେ ହାଗା ମିଶିକ, ଆଇଙ୍ଗ୍ ଆପେକେ ବିକ୍ରିପେ ତାନାଇଙ୍ଗ୍, ୧୬ ଆପେ ନେ ଲେକାନ୍ ହଡକଆଃ ଆତଃ ନେକାନ୍କଲଃ ସେଞ୍ଜା ଆତଃ କାମି ତାନ୍କକେ ଅତଙ୍ଗକପେ ।

୧୭ ସ୍ତ୍ରୀମାନ୍, ଫର୍ଭୁନାଡ୍, ଆତଃ ଆଖାୟିକୁସ୍, ନେ ସବେନ୍କ ହିଜୁଃକାନ୍ ହରାତେ ଆଇଙ୍ଗ୍ ପୁରାଃଗି ରାସ୍କା କାନାଇଙ୍ଗ୍ । ଚିୟାଃଚି ଆପେ ବାଙ୍ଗ୍ପେରେୟ୍ ଇନ୍କୁ ଆପେୟାଃ ଠାୟାଦ୍କେକ ପୁରାକାଦା

✧ ୧୭:୮ ୧୭:୮ ପ୍ରେରିଡ୍ ୧୯:୮-୧୦. ✧ ୧୭:୧୦ ୧୭:୧୦ ୧ କବିଚ୍ଛିନ୍ଦ ୪:୧୭.
✧ ୧୭:୧୫ ୧୭:୧୫ ୧ କବିଚ୍ଛିନ୍ଦ ୧:୧୭.

। ୧୮ ଇନ୍ଦ୍ରକୁ ଆପେକେ ଆତଃ ଆଇଙ୍ଗକେ ପୁରାଃ ଆମ୍ବାତେ
ରାସ୍ତକାତେ ପେରେଃ କାଦିୟାକ । ଏନାତେ ଆପେ ଇନ୍ଦ୍ରକୁକେ ପୁରାଃ
ମାଇନ୍ଦକପେ ।

୧୯ ☆ଏସିଆ ପାରଗାନ୍ରେନ୍ କାଲିସିୟାକ ଆପେକେ ଜହାର୍
ମେନ୍ତେକ କାଜିକୁଲ୍‌କାଦା । ଆକ୍ୱିଲା, ପ୍ରିସ୍କିଲା ଆତଃ ଇନ୍ଦ୍ରକୁଆଃ
ଅତଃରେ ପ୍ରାଭୁକେ ସେଞ୍ଜାତାନ୍ କାଲିସିୟା, ପ୍ରାଭୁଆଃ ନୁତୁମ୍‌ତେ
ଆପେକେ ପୁରାଃଗି ମନ୍‌ସୁରୁଦ୍‌ହେତେ ଜହାର୍ ମେନ୍ତେକ
କାଜିକୁଲ୍‌କାଦା । ୨୦ ନେତାଃରେନ୍ ସବେନ୍ ବିଶ୍ୱାସୀ ହାଗା ମିଶିକ
ଜହାରକ କାଜିକୁଲ୍‌କାଦା । ଖ୍ରୀଷ୍ଟ ଦୁଲ୍‌ମାଡ୍‌ରେ ମିହୁଡ୍‌ଆତଃମିହୁଡ୍‌ଲଃ
ଜହାରଃପେ ।

୨୧ ଆଇଙ୍ଗ ପାଉଲୁସ୍, ଆଇଁୟାଃ ତିଃଇତେଗି ନେ ସବେନ୍
ଜହାରକାଜି ଅଲ୍‌କାଦାଇଙ୍ଗ ।

୨୨ ଜେତାଏ ପ୍ରାଭୁକେ କା ଦୁଲ୍‌ମାଡ୍‌ନିଃ, ସାର୍‌ପାଅଃକାଏ ।

ମାରାନାଆ, ମେନ୍‌ଲେରେ, ଆରୁଆଃ ପ୍ରାଭୁ ହିଜୁଃଆଏ ।

୨୩ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।

୨୪ ଯୀଶୁ ଖ୍ରୀଷ୍ଟରେ ମେସାକାନ୍ ଆପେ ସବେନ୍‌କଲଃ ଆଇଁୟାଃ
ଦୁଲ୍‌ମାଡ୍‌ ହବାଅଃକା ।

ପାରମେଶ୍ଵାରଆଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଆଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵାରଆଃ ଜୀନିଦ୍ ବାଚାନ୍
ନାଞ୍ଜା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6